





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
371 K 11 [1]







Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
371 K 11 [1]





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
371 K 11 [1]





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
371 K 11 [1]












~~XIV. 6. 00~~




KW 371
KII
I
IACOBI BOVRICII

IC. Frisii

ADVOCATVS.

Danielis cap. 12.

*Qui ad iustitiam eradiunt multos quasi stella fulgebunt in
perpetuas eternitates.*



Leouardina in Officina

AE G I D I I R A D AE I,

Ordinum FRISIAE Typographi.

1 6 0 6.

I. B O V R I C I O I C t o .

Quis labor est veterum obscuras involvere lites.
 Quas moves Antisti schola quasque Atticus; & illis
 Conturbari ubi quasitor tonat horrida verba,
 In caput anquirens delati? ut serviat omnis
 Bibliotheca tibi, ut faveat quamplurimus auctor,
 Actio si languet nihil est. Peccatur in usu;
 Formaque inexperii suffundit nubila menti
 Ne videat dicenda & ne praevisa loquaris.
 Hoc semio gravis, & donatus jam rude nectas
 BOURICI egregie; & casus ficturus ad omnes
 Nutantem patroni animum studio exigis horas
 Nocte pruinosas, ita diu tibi maxima donent.
 Ingenium nam quis profunder largius! ergo
 Non totus monumenti expertus moriêre; sed ille
 Ille liber Latius decurso nominis orbe
 Iam Gangis Serâque petit confinia & ingens
 Oceanus quidquid circa & circumsonat ultra.

Vendibili ut ajunt vino nil hedera est opus
 Nec iste lenocinis
 Laudum libellus indiget, sibi ipse meret
 Haud vile premium sui;
 An sole lucem candido requirimus!
 Ohelocutus sum nimis.
 Iam brachiis capteatur omnium obvis
 Iamq; advocatis quaritur
 Per officinas; & infrequentibus,
 Armariis tenet sophia.

IOAN. LENSII ICti & Advocati.

Praefatio ad Filium.



A rerum humanarum conditio est, GISBERTE fili, ut hominum vulgus, de omnium artium ac scientiarum praestantia ac vilitate, sibi sumat iudicium, & ut plurimum propter abusum hominumque malitiam, scientiam artemque humanæ societati utilissimam maximèque necessariam, rejiciat atque contemnat: perperam certè de rebus ipsis judicans. Neque enim, ut rectè quidam dixit, propter sycophantas, & sophistas, cæterarumque rerum abusum, eloquentia, & ipsæ res, sed illi qui bonis rebus abutuntur, in crimen vocari debent. Cùm nulla res tam sit bona ac salutaris, quæ malè utendo, depravari non possit: Quemadmodum quoque nihil in rebus humanis tam sanctum, tam pium, deniq; tam cæleste est, quod hominum corruptissimi mores, sibi non vertant in perniciem. Exemplo sunt scientiæ illæ primariæ, Theologia nimirum, Iurisprudentia, & ars Medica: quæ licet in humana vita, & ad rempublicam benè fœlicitèrque administrandam, usqueadeò necessariæ sint, ut iis pulsatis atque remotis, summa rerum omnium confusio, quam *ἀταξία* græci vocant, successura sit: quotidiana tamen docemur experientia; præclaras istas scientias, hominum malignitate ac vicio tantopere perverti, ac abusu fœ-

dari, ut loco salutis, & præsentis & futuræ, quam ad-
terre possunt & debent, hominem in malorum ler-
nam æternumque interitum præcipitent atq; demer-
gant. Etiam si en. Theologiæ præpotentis illius & glo-
riose omnium artium reginæ scopus finisq; sit, homi-
nem ad veram Dei notitiam adducere, qua ad sui ipsi-
us quoq; notitiam pervenit timorem divini numinis,
hominū animis incutere, quo à peccatis avertantur, &
ad immortalis vitæ beatitudinem assequendam homi-
nem præparare: Ea tamen impietate & perversitate, in
litteris sacris docendis explicandisque, à multis retro sæ-
culis, Spiritus quidam erroris, ac mendaces magistri
(ita en. eos vocat D. Paulus) versati sunt, & versantur
etiamnum hoc seculo corruptissimo, sacre scripturæ
locis, ad errores suos stabiliendos, ac prava dogmata de-
tortis abutentes, ut magna pars hominum, hoc nostro,
heu nimis infœlici ævo, non solum ad perniciosas,
damnatâsque hereses, & dogmatum monstra fidei simul
ac cōcordiæ Christianæ venena, sed ipsissimum Athe-
ismū decurrat atque delabatur: Cū tamen nemo sit
tam obesæ naris corruptique iudicii, qui id Theologiæ
sacre imputandum ascribendumq; arbitretur. Et qui-
dam rectè dixit, non ideò damandâ esse sacrarum li-
terarum exactam cognitionem, si quidâ suo vitio, sibi
vertât in perniciem, quod suapte natura bonum est ac
salutiferum. Consimiliter quoq; de Iuris prudentia &
arte

arte Medica dici potest; quarum illa licet dicta factaq;
hominum, ad Iuris iustitiæq; normam componat, cer-
tisq; regulis præceptisq; cōstringat, & ut unicuiq; quod
est suum tribuatur, efficiat: Hæc corporis sanitatem aut
à morbis præservet aut amissam restituat atq; restau-
ret; Lippis tamen & tonsorib. notum est, homines im-
probos omni ætate inventos fuisse permultos, & nunc
quoq; non paucos reperiri, qui & Iurisprudentia & arte
Medica ad perniciem, ad corruptelam, deniq; ad mag-
ni parviq; mundi conturbationem, abutuntur: Quis
quæso sanæ mentis prædictis scientiis artibusq; propte-
reà debitum honorem laudemq; abrogandam detra-
hendamq; existimabit? Iniqua siquidem (teste Cicero-
ne) in omni re accusanda, prætermisissis bonis, malorū
enumeratio vitiorumque selectio: Nam isto modo, ut
idem Cicero ait, vel consilatus vituperabilis est, si con-
sulum, quos enumerare nolo, peccata collegeris Quod
& de rebus omnibus ac Dei donis ad usum vitæ sup-
peditatis ac necessariis, dici potest, quæ tamen propter
abusum non rejiciuntur neq; damnantur. Deniq; quid
est in rebus humanis tam fœlix cui non suæ pestes sint
additæ. Quid tam malū quod non aliquam utilitatem
adferat? nam & ex viperæ carne singulare morbis reme-
dium fit, quod theriacam appellant. Quòd si ita se res
habet, uti revera se habet, nō te turbare debet Gisber-
te fili, vel alium quemcūq; Advocatum probum, quòd

advocationē rem pulcherrimam (teste Plinio Secundo
in Epistolis) tantopere plerique homines insecuntur,
probrisq; excipiant, quorundam improborum advo-
catorum perfidia commoti: In quos & veteres Iurecō-
sulti, & moderni meritō invehuntur, conviciaq; pro-
piciunt: Digni siquidem sunt qui traducantur, ac per-
stringantur, & non foro tantū, sed hominum quoq;
societate pellantur, & ad Scythas, aut Sauromatas, & si
quæ sunt aliæ magis barbaræ nationes, relegētur, nun-
quam redituri. Te itaq; moneo, Gisberte fili, uti pro-
fessionis tuæ dignitatem præ oculis habeas, nec à tra-
mite recto, ullius vel hominis, vel rei gratia, unquam
defleas, clientes tuos in causis justis, fortiter diligen-
térq; tuearis atq; defendas: Id quod te facturum spero,
si monita præceptionesq; meas in hoc tractatu liben-
ter legeris atq; relegeris, nec cuiusquā exemplo malo, à
via virtutis abduci te patiaris: Tibi siquidem, & fratri
tuo consanguineo Hectori, si quando ad hanc professi-
onem illum pervenire contingat, hunc qualemcumq;
laborem sumpsi, mihi gratulaturus, si ad alios quoq; u-
tilitatis aliquid inde promanaverit. Nec verò existimo,
quemquam tam morosum ac iniquum cēsores fore,
qui mihi vitio vertendum arbitrabitur, quod ipsemet
Advocatus de Officio Advocati, ad filium Advocatum
scribam, eumque præceptis salutaribus instruam, qui
exactis in hac professione annis triginta tribus litibús-
que

que propemodum cōtritū, Homericū illud de me
prædicare non verebor, νοέω καὶ οἶδά ἐκαστα καλὰ τὰ καὶ χειρῶν:
imò teste Nafone, seris venit usus ab annis. Praxis qui-
dem forensis scientiam multò foelicius perfectiusq; ex
Tancredo, Speculatore, Ferrariensi, Maranta, Schenck
aliisq; consummatissimis practicis hauries, sat scio, sed
hujus Curix stylum formamq; procedendi in causis,
tum civilibus, tum capitalibus, & quæ in iis tractandis
vel observanda, vel fugienda vitandaq; sunt hic tracta-
tus noster, aliquatenus tibi suppediet, nisi me fallit
animus. Ut ut sit tibi gratum fore hunc laborem meū
nihil addubito, certus nihil à me proficisci, quod tu
gratissimo animo ac peramanter non sis amplexurus;
vale, Gisberte fili, & ethnici Poetæ sententiā hanc pla-
nè Christianam: Est profectò Deus, qui quæ nos geri-
mus, auditque & videt, menti tuæ imprimas infixam-
que retineas, quæ sepiùs ruminata efficiet, ut nihil di-
cturus facturufq; sis, imò ne quidem cogitaturus, quod
Deum ex alto res actionesque hominum prospicien-
tem, ac corda renesque scrutantem offendere queat
Leovardix ipsis Calendis Januariis anno reparatæ sa-
lutis humanæ millesimo sexcentesimo quarto,

ERRATA SIC CORRIGENDA.

Pagina 1. linea 14. Scyllam. 25. 14. merita. 26. 13. perceperint. 28. 20. faciunt
quod. ibid. 28. defendentis. 29. 5. senatu. 36. 6. contentione abstinentes. 39. 6.
Albericus. 40. 2. Confimiliter. ibid. 1. 29. facturi. 44. 1. quem. 49. 16. iudicando
solam. ibid. 1. penult. vitiis carere debet, & elapso. 51. 11. pramissa. 52. 25. pudorem. 53.
20. repertorio. 56. 14. aulior esse cupiam, 57. 7. aliquot. 58. 8. limitatione. 60. 25.
erronee. 62. 9. fult, ac in. 66. 17. proferri. 71. 1. antepenult. Ordinatione. 76. 5. nes
seiant. ibid. 8. ut repertorium. 80. 14. amore. 94. 1. 21. confirmat. ibid. 25. filii. 95.
11. executione. ibid. 22. bus dicit. 101. lin penult. adquisierint. 109. 10. aperiri
124. 9. Cap. 41. 141. 16. cesset. ibid. 23. cecideris. 143. 16. demisso. 144. 28. cir-
chissimo.

Benevolo Lectori S.

Meditationes hasce meas de Officio Advocati in Suprema Curia Frisiae, ante complures annos quasi delineatas ac adumbratas, & paulatim ad instar foetus Urini, lambendo in formam praesentem effigiatas, ac tandem ad umbilicum (quod dici solet) perductas, in manus hominum emittendas existimaui: Non quidem eo, quod pro dignitate Advocacionem à me tractatam, aut non ab aliis plenius doctusq; portractari posse, confidam, (cùm hoc seculum nostrum, doctissimorum & exquisitorum hominum, in qualibet facultate copiam, proferat) sed potius, ne caducis tantùm laboribus, vitam hanc brevem fluxamque fatigasse, silentioq; transgressi videar: Maximè verò, ut iis qui praxim forensẽ huius Curia aggressuri sunt, tanquam veteranus naucletus, multis variisq; naufragiorum periculis ereptus, viam modumq; commonstrem, ut scopulos quosdam effugere, ac veluti Scylam Charybdimq; praternavigare & evadere queant. Scio equidem & fateor, ac non sine animi dolore errores meos, quibus in praxi, tanquam undoso & aestuoso pelago exagitatus ac involutus fui, quotidie recolo: sed quid facias? conqueri licet, mutare vel corrigere non licet. Illud certè Christiana postulat charitas, quam Christus Dei filius servator noster, tantopere nobis precipit & inculcat, ut alios idem iter ingressuros, meis periculis cautiore reddam, ne in consimiles aliquando scopulos impingant. Quod si verò non eo verborum ornatu stylog, terfo ac limato hasce meditationes conscriptas quisquam arbitrabitur, aut alicubi à me erratum putabit, (nihil enim tam humanum quàm labi & errare) dabit, ut spero, mihi in salebrosis practicorum traditionibus annis ferme triginta tribus versato, litibusq; tum exercendis, tum in tribunalibus inferioribus decidendis, penè detricto, veniam. Neque enim alium mihi scopum propositum habui, quàm ut iis, qui deglutitis in schola legibus, scabrosam illam difficilemq; praxim forensẽ, (quã velut aspera quadam tempestate relictã, in tranquillum quendam, & securum jam portum confugi, ut intra cor meum arcam salutis aedificem) auspicaturi sunt, in qua leges, ut ita dicam, digeruntur, ac in nutrimentum vertuntur, præceptionibus monitisq; datis prosim eorumq; commodis inserviam. Quo fit ut in stem certam adducar, fore, ut benevolus lector & symmyta mei operam hanc studiumq; meum æqui boniq; consulturi sint, versiculi illius Flacciani me-

A

mores

AD LECTOREM

2
mores, Est aliquid prodire tenus si non datur ultra. Neque verò
quatenus fore reor tam iniquum rerum aestimatorem qui me reprehenden-
dum existimabit, quòd alicubi data occasione, quosdam Advocatorum er-
rores vitiaque liberius inspector, cum id sine cuiusque fiat reprehensione (neque
enim quisquam nominatim perstringitur) & materia ipsa istiusmodi
taxationem interdum possulet. Ut ut est, è multis doctissimis practicis,
quos habet hæc ætas, qui mihi & ingenio, & dicendi facultate præstant,
aliquem hisce meditationibus excitatum iri spero, qui de Officio Advocati,
ex professo doctius, elegantiusque, Ciceronem, aut Fabium illum Quintilia-
num secutus, scripturus sit, ac rem pro dignitate, verborumque pondere per-
tractaturus. Id si factum fuerit, bene mecum actum putabo, nec me stu-
dii laborisque hisce meditationibus insumptis, unquam pœnitebit. Quòd si
verò quisquam sit, qui aliqua parte à me erratum putabit, eum obnixè
oratum volo, ut liberè candidèque errores aperiat atque demonstret. Is enim
sum, qui mediocritatis meæ curiaque suppellectilis, non ignarus, labi & er-
rare me posse, libens profiteor, & errores commonstratos promptissime sum
agniturus, & correcturus. Proinde hac præsentis epistola, coram omnibus
protestor, nihil mihi, qui veritatem iustitiæ matrem rebus omnibus antepo-
nendam agnosco, & huius tractationis patronam constituo, gratius accide-
re posse, quàm si errores mihi declarati fuerint. Quem non solum humane
fragilitatis communis sors ab omni probro tuebitur, sed & illa celebris a-
pud Xenophontem sententia qua habet: Haud facile opus aliquod re-
perias, cuius nullam partem quisquam reprehendat: difficile nam-
que est, ita quicquam peragere, ut nihil erres. Et quod Imperator
Iustinian. ipsemet quoque declarat, Omnium habere memoriam, &
penitus in nullo peccare divinitatis magis quàm mortalitatis esse, ab
omni reprehensione contemptuque facili negotio me vindicabit.
Vale Benevole Lector & quicquid tandem est quod offertur, hilari fronte,
& in bonam partem accipe. Iphis Cal. Ianuarii 1605.

*De Etymologia vocabuli & variis
Advocati appellationibus.*

CAPVT PRIMVM.



NTEQUAM ad ipsam tractationem
accedamus operæ preciiū facturos nos
arbitramur si vocabuli etymon expli-
cemus, ac præmittāus, quod in aliis
omnibus disciplinis facitandum esse
suadet Vlpianus L. i. ff. De iustit. &
jure. Et nemini quidem dubium est,
quin à composita dictione Advoco derivationem habe-
at: Advocare siquidem significat, aliquem ad se vocare, a-
licujus rei gratia: In hac nostra materia, significat aliquē
ad se vocare, ut ope consiliōque adsit, ac in Iudicio pa-
trocinium præstet: Hinc Advocatus, qui in exercenda
lite, alicui jus suggerit ac præsentiam commodat. Varias
autem esse Advocati appellationes, extra controversiam
est: Aliquando enim causarum patronus ^a, nonnunquam
causidicus ^b, subinde orator, sæpè togatus dicitur ^c. Esse
verò nomen honoris ac dignitatis, testantur Imperatores
Tit. suis De Advocatis diversorum Iudicum, & de Ad-
vocatis diversorum Iudiciorum: Quod usque adeò ve-
rum est ut Zasius ^d dicat & colligat Iudæos doctores &
Advocatos esse non posse, ob id quòd Advocatum esse
dignitas sit ^e, unde & infames ab Advocatione repellun-
tur ^f, qui tamen ut & Iudæi Procuratores esse permittun-
tur, quod vile munus sit procuratoris ^g. Porro & Syndi-
ci universitatum Advocati dicuntur ac defensores, quos
vulgus improprie Pensionarios appellat, ex eo quòd sa-

al. ff. de
postulando l.
advocati C.
de advoc. di-
vers. judic.
bl. 6. C. de
postulando l.
2. C. de Ad-
voc. divers.
jud.
cl. 3. s. 6. s.
9. C. d. Tit.
Ambros. E-
pist. ad Mar-
cellum. 24.
d ad Tit. de
iust. & iure.
cl. lauda-
bile C. de Ad-
voc. div. jud.
l. finali C.
de postulando.
fl. 1. & 3. ff.
de postulando.
§ 5. fin. Inst.
de excep. glos-
sa & Barr.

larium è publico percipiant, quod abusivè pensionem nominant: cùm pensio apud classicios sit id, quod pro alicuius rei usu solvitur, veluti domus, vel agrorum pensio, quam conductores solvunt locatoribus suis g. Imperator verò Iustinianus, honorificis nominibus Advocatos appellat, quos nunc iudiciorum athletas, nunc oratores maximos & iustitiæ satellites appellat h. Alciatus i eos nominat patronos & oratores causarum, qui in foro, & viva voce causas tuentur.

g. l. l. c. ff. de rebus creditis

hin proæm.
Pandeſtarū
verſic. diſcip.
il. credivus
C. de pñtis.

*De Definitione seu descriptione
Advocati. Cap. 2.*

ETymologiam vocabuli, variâsque Advocati appellationes, cap. primo retulimus, ex quibus definitionem non difficulter colligere licet, quem his verbis definimus: Advocatus est, qui in iudicio, apud eum qui iurisdictione præest, causis agendis vacat operamque navat, atque præsentiam suam vocatus commodatⁿ. Nam qui excusat eum, qui ipsemet injus venire nequit, nec aliū mittere potest, propriè excusator dicitur. Quod plerumque in causis iudiciisque capitalibus contingere solet, in quibus admittitur aliquis, ut reum absentem excuset. Definitioni autem prædictæ congruit ea descriptio quam ponit Vlpianus^o his verbis: *Advocatos accipere debemus omnes omnino, qui causis agendis, quoquo studio operantur*. Qua quidem larga descriptione & Procuratores comprehenduntur. Nam & illi litibus in iudicio peragendis, dant operam. Inter eos autem licet magna sit vicinitas; duobus tamen potissimū secernuntur: quod

ne. dilect.
de dolo &
contumacia.

o L. I. vers.
advocatos ff.
de variis &
extraord. co-
gnit.

ADVOCATI.

quod nimirum procuracionem nemo invitatus suscipere teneatur, hi dignitatem habeant illi nullam, cum & viles esse Procuratores possint ut antedictum est. Deinde quod in Advocato prætereà requiritur juris scientia tempore ab Imperatore Iustiniano præfixo & acquisita, titulisq; Doctoratus vel Licentiæ insignita atque comprobata: Quorum neutrum in Procuratore requiritur, sæpe idiotis ac latinæ linguæ imperitis, apud Iudices inferiores causas agentibus. In hac patria nostra, in suprema curia, Procuratores causas in foro dicere nunc non permittuntur, licet ex antiquis Curiae prædictæ Commentariis, liquidò pateat, Procuratores quoque admissos fuisse, sicut etiamnum in Curia Hollandica fieri videmus, & nos, cum in magno Senatu Mechliniæ Advocati munere fungeremur, fieri quoque conspeximus. Ut autem revertamur unde digressi sumus, dicimus, ut ante quoque diximus, Advocatum esse eum, qui jus suggerit, ac præsentiam suam amico vel cuilibet alii patrocinium opemque ejus desideranti, commodat. Omnium autem optimè ac honorificentissimè, non tam definiunt quàm describunt Advocati munus, utilitatem & necessitatem Impp. Leo & Anthemius^r, quorum hæc verba sunt, *Advocati qui dirimunt ambigua fata causarum, suæque defensionis viribus, in rebus tam publicis, quàm privatis lapsa erigunt, fatigata reparant, non minus providentes humano generi, quàm si praliis, atque vulneribus, patriam parentisque salvarent, qui gloriosa vocis confisi munimine laborantium spem, vitam & posteros defendunt.* Qua quidem descriptione periphrastica, non solum munus officiumque Advocati graphice declarant prædicti Impp. sed & dignitatem amplitudinemque omnibus numeris absolutam, ob oculos po-

p L. inv.
tus C. hoc tit.
Advocatus
verò etiam si
nolit à præ-
tore dari pos-
sit l. i. §. ait
prator ff. de
postulando.
q§ sed quia
vero solum
in Proæmio
Pædectarū.

r L. Advoca-
ti C. de Ad-
voc. divers.
iudiciorum.

f Budaeus in
adnotat. ad
Pandectas.

t lib. 2. pa.
verg. cap. 5.

nunt ac praedicant. Quam legem, nos aliquando, si Deus permiserit, latius persequemur, ac de dignitate Advocationis, ex professo tractabimus, ut eorum qui huic professioni parum aequi, imò iniqui planè sunt, hoc aëvo, contradictiones contemptionesque redarguamus ac revincamus. Quamvis autem in jure, promiscuè Advocati dicantur, & causarum patroni, & causidici, & oratores, & Procuratores, atque etiam cognitores, distinguuntur tamen apud classicios autores^f, qui patronum dicunt esse eum, qui defendit alium in judicio, qui & orator dicitur: Advocatum qui jus suggerit: Procuratorem qui negotium suscipit mandato etiam absentis: Cognitorem verò qui praesentis causam novit & sic tuetur ut suam. Quid autem inter Cognitorem & Procuratorem interfit, tradit Alciatus^t, quem consulere licebit. Nos superius adductis contenti, non putamus necesse esse hisce diutius immorari.

*Quod sit officium Advocati in genere erga
Deum & homines. Cap. 3.*

Quid sit Advocatus, & quemadmodum describatur, supra diximus: nunc ordo nostri instituti postulat, ut de officio partibusque ejus dispiciamus. Ut autem hoc ritè tractetur, distinctione opusest, & per partes describendum. Antequam autem ad istam Tractationem descendamus ac progrediamur, illud praemittendum arbitramur, Advocati nimirum ut cujuslibet hominis Christiani munus ac officium, duabus potissimum virtutibus contineri: Quarum prior est, ut rectè de Deo sentiat:

sentiatur: Altera ut rectè inter homines agat. Nisi enim
Advocatus, ut Christianum decet, de Deo ac religione
ritè sentiatur non est in numero Advocatorum recipien-
dus aut tollerandus: Et quidem meritò, cum præsum-
ptio contrariam militet, quòd bonà conscientia cau-
sas non sit acturus, sed potius operam daturus, ut turpis
lucri gratia, homines adversus se invicem tanquam canes
committat: quod ii facere consueverunt, qui litium con-
cinnatores appellantur, quos Salomon in Proverbiis^x di-
cit lites suscitare. Horum quoque meminit Vlpianus^y, quos
Alex. ab Alexandro^z describēs, dicit esse homines impro-
bos, qui novas lites, simulatis captionibus, & cavillis im-
probis in longum ducere student. Istiusmodi Advocatus
non verebitur quoque, lites effictis mendaciis, ver-
borumque lenociniis perpolire. Non erubescet quoque
lites redimere quotidianas, atque pecuniā mercari, illas-
que pactionibus muneribusque pellicere, qui & Vitiliti-
gator, id est vitiosus litigator, fucatis argumentis, Iudici
imponens, ac alienæ litis interceptor, dicitur: Quales, le-
ges omnes, omniāque jura exosos habent, ac foro & Ad-
vocatione prohibendos ac tanquam reipub. pestes ulce-
ræque nocentissima pestes inquam atque carcinomata
pellendos fugandósque censent. Non cessabit quoque istius-
modi impius Advocatus prævaricari, id est, clientis sui jus
causamque, parti adversæ proderet, & ut Vlpianus inquit di-
versam partem adjuvare proditā causā sua; & ut Saturni-
ni verbis utamur, infidas advocationes exercere^a: Denique
excusso divini numinis metu, sacra prophanis, divina hu-
manis miscere, & totam rempub. conturbare non desi-
net. Et sanè de istiusmodi Advocatis, accipiendus est locus

ul. fina. c.
de postulando.

x cap. 16

y L. nequic-
quam § circa
advocatos ff.
De offic. pro-
consulis.

z lib. 4. ge-
nialium die-
rum cap. 15.

a L. Ath-
letas ff. De
bis qui not.
infamia.

Taciti.

b lib. 2.
cap. 11.

Taciti à Lipsio allegatus in politicis^b, dicentis publicę mercis, nihil tam venale esse, quàm Advocatorum perfidiam. Cui congruit locus ibidem ex Columella citatus, qui infidam Advocationem concessum dixit esse latrocinium. Quę convicia & disteria, utique Advocatos probos non tangunt; quos bonę testimonium conscientię, quę ab homine divelli nequit, ac mille testium instar est, quamque D. Paulus Apostolus, gloriam dicit esse Christianorum, abunde solari poterit. Illi siquidem persuasum sibi habent, in occultissimis recessibus, & procul ab omnium oculis, atque adeò in corde ipso atque animo, se habere ac circumferre Deum arbitrum, testem. & judicem, omnium etiam cogitationum suarum, cujus pręsentiam reveriti, nihil non modò faciunt, sed ne in animum quidem admittunt, quod est nefarium ac turpe.

*Quomodo rectè inter homines aget
Advocatus. Cap. 4.*

RECTè inter homines agere, ut est cujuslibet hominis Christiani, ita vel maximè Advocati. Nam cùm virtutis laus omnis in actione consistat, (teste Cicerone) & eum sibi scopum propositum habeat Advocatus ut in judicio laborantibus suo patrocinio adsit, opem subsidiumque præstet, judicem de causę meritis, bonâ fide rectaque conscientia instruat, quo id quod justum legibusque subnixum est, decerni, atque ea via reipub. tranquillitas conservari possit. Vtique Advocato ad laborandum enitendumque est, ut quoad fieri potest, juris legumque scientiam sibi comparet, ne illius ignorance, aut

A D V O C A T I

aut Iudicem in errorem inducat, aut clientem amissa lite,
in inutiles sumptus cōjiciat. Proinde operam dare debet
Advocatus, ut hac parte sibi prospiciat, jurisq; cognitio-
nem exquisitam comparet: Quam nisi pertinaci nixu, la-
bore indefesso, teste Zasio, non cōsequetur, qui si in legib.
non addiscit dediscit. Nam ut exercitatio cōtinua confir-
mat scientiam, ita inexercitatio ignorantiam parit. Quod
usq; adeò Ioanni illi Andreæ cordi fuit, ut annis viginti in
lecto dormire noluerit, quo solidam juris scientiam sibi
compararet, quam omnium quoq; testimonio, summam
cōsecutus est. Ad quam licet cuilibet adspirare non detur,
operam tamen hanc dare debet Advocatus ut quatenus
licet, jura legesq; addiscat, non ignarus, improbo labori
cuncta cedere, ac prætereà *alios iuros* teste Fab. Quintil.^a *In proemio*
Insti. Ora-
qui ad summa nituntur, quam qui præsumpta desperatione, quò voluerint totius
evadendi, prosumus circa ma subsisterint. Neque verò reprehen-
sionem tantum meretur Advocatus, si ius, in quo versa-
tur ignoret, quod & turpe est^b, sed insuper quoq; poenis^b *l. a. §. fero-*
legum obnoxius redditur. Trite siquidem juris regulæ^c *us, Sulpiti-*
sunt, quòd quisque id scire teneatur, quod ad officium^c *us ff. De o-*
suum pertinet. Et quod imperitia culpæ adnumeretur^c. *rig. juris.*
Quod quidem usque adeò procedit, ut communi Do-
ctorum calculo receptum sit, Advocatū si notabili igno-
rantia, aut negligentia causam clientis sui justam perdat,
tam in foro fori, quam poli ad refundenda parti damna
teneri^d, cū is damnum dare dicatur, qui damni causam
præbet, vulgata juris nostri regula. Deinde quoque sum-
ma ope adniti debet Advocatus, ut juris præcepta, quod
profitetur, in omni vita observet. Quorum illud pri-
mum est, ut honestè vivat, id est sobriè & continenter,
neminem exemplo suo malo offendat. Nihil enim ma-

In proemio
Insti. Ora-

l. a. §. fero-
us, Sulpiti-
us ff. De o-
rig. juris.

c §. prætere-
Insti. de l.
Aquila.

d Spec. tit. de
Advocatis:
argumento l.
idem juris ff.
ad l. Aqua-
liam

B

gis mores vulgi corrumpit, quàm si videat viros doctos ingenuisq̃ue artibus imbutos, ac in dignitate quoque constitutos, (advocatum siquidem esse dignitas est) ^{ad l. laudabile C. de ad. voc. divers. iudic.} desolutè vivere, aleà tempus terere, luxúque diffluere: Vt è contrario nihil efficacius ad componendos hominum mores, quàm probata eorum vita, qui scientia & honore in repub. præfulgent, ac conspicui sunt. Quæ ipsa quoque efficit, ut nemo ad injustæ causæ patrociniū ipsum advocaturus sit. Solent enim homines improbi, calumniosas injustasq̃ue causas, iis advocatis committere, quos norunt, solius lucri, è re qualibet redacti spem sibi propositam habere, & absque ullo discrimine, passim clientibus operam suam locare, quos divinus ille Philosophus Plato accipitres pecuniæ appellat, qui tamen ipsi justum ac tenacem propositi virum ita reformidant, ut limen domus illius subintrare erubescant. Quod si omnes Advocati ea integritate, & constantia, qua debent, lites tractarent, non ita malè ordo noster apud populum audiret. Sed quia cum perfectis (teste Cicerone) non vivitur & præsens seculum nequam ^{e Galat. 1.} est, teste Apostolo, unusquisq; qui vocationi suæ satisfacere, spartamq; quam nactus est, ornare cupit, hanc dabit operam, hoc aget, hoc studebit, ut vitæ integritate nomē famamq; sibi cōparet talem, ut credant homines, nihil inhonestè, nihil injustè, nihil malitiosè facturū, etiamsi Deum hominesq̃ue fallere posset, quippe qui scit & firmiter credit, Deum nihil vel dictum, vel factum, vel cogitatum, latere posse.

Quod non sufficiat si Aduocatus honestè vivat, nisi ab alterius

alterius læsione abstineat, & unicuique quod suum est tribuat. Cap. 5.

PRæcepta juris prædicta, ut ad omnes in universum homines, nemine excepto, ita quoque ad Advocatum pertinent: Et eo quidem magis, quod professio in qua versatur, illorum trium præceptorum observantiam ab eo postulet. Nam si Advocatus est iustitiæ minister, imò & sacerdos, Vlpiano teste ^{a l. 4. ff. De iust. et iure.}, iustitiam colens, æquum ab iniquo separans, licitum ab illicito discernens, certè nemo dubitare potest, quin Advocatus, tum demum officium facere censebitur, si Deo quod Dei est λατρίαν, id est adorationem tribuat, magistratui ejus minitro omnem honorem, reverentiam atque obedientiam deferat, concivibus verò suis fidelem operam patrociniumque in civili & capitali causa postulantibus præstet. Id enim in Advocato propriè est unicuique quod suum est tribuere, quod Psalmista ^{b Psal. 145.} vocat operari iustitiam, & in iis, qui in monte sancto Dei habitaturi sunt, requirit, non contentus si ingrediatur sine macula, quod vitæ honestatem designat, quæ ad beatitudinem vitæ immortalis consequendam non sufficit, sed insuper proximo charitatis officia præstari vult, quod idem Psalmista ^{c Psal. 33.} vocat bonum facere: Illa siquidem conjungit alibi ^{d ad Romanos. 13.}, *Diverte, inquit, à malo, & fac bonum, inquire pacem, & persequere eam; Solvere autem quod alteri debeas, ad omnes in universum homines spectat, (teste D. Paulo Apostolo d, qui præcipit ne cuiquàm quicquam debeamus, nisi ut invicem diligamus: Ad hæc præstabit Advocatus, ne quenquam vel dicto, vel facto lædat, quod futurum est, si caveat, ne infida advocacy, proximum damno*

afficiat, propriam conscientiam peccato vulnerans. Nam si clienti suo injustam causam foventi, patrocinium præstet, & adversarium jus suum persequentem, dolosis subterfugiis & frustratoriis dilationibus impediatur, ac remotetur, non solum proximum ac rempub. sed semetipsum lædit, iramque divinam in se provocat: Qui enim malum bonum, & bonum malum, lucem tenebras, & tenebras lucem appellat (teste Propheta*) abon. inabilis apud Deum reputatur.

c. Esaiæ
cap. 10.

*Quomodo in litibus exercendis generaliter se
gerere debeat Advocatus. (Cap. 6.)*

PRæmissis officiis generalibus, ad omnes omnino homines pertinentibus, reliquum est, ut de officio Advocati, in exercendis litibus in genere differamus & explicemus. Et ante omnia Advocato considerandum est: Deum opt. max. ad conservandam inter homines concordiam, amicitiae fontem, constituisse Reges, Principes, ac magistratus, jura legesque dedisse ut populo dissidenti jus reddant, justitiam administrent, omnem vim atque injuriam prohibeant, ac ne ad arma veniant, suas partes interponant: Sed cum aliqui ingenio, prudentia, consilioque destituti, sibi ipsis in judicio superesse non possunt, nec quid justum sit, aut secus, indagare valent; necessitas rerum coegit, ut quorundam hominum, ingenii, scientiarumque dotibus præditorum, opem subsidiumque implorarent: hi Advocati sunt: quorum est officium omnes ingenii nervos intendere, ut hominibus discordibus, ac ad judicium vocatis, vel convolantibus, salutari

salutari consilio adsint, quo suum consequi, aut iniquam petitionem refellere atque avertere queant: Antequam verò causam in iudicium deducant Advocati, omnem operam dabunt, ut, quatenus fieri possit, animos hominum, ad lites propendentes, ad pacem & concordiam inflectant, maximis multiplicibusque litis incommodis, ob oculos positis; ut nimirum dicat Advocatus, ad causæ patrociniū vocatus: Negociosam rem esse litigare, & non rarò suscepta lite, periclitari amicitiam, ac dilectionem mutuam tantopere Christianis commendatam à Servatore nostro, scindi atque divelli, temporis quàm plurimū perire, facultates atteri, & quod omnium maximum est, animi tranquillitatem, cunctis rebus præferendam, perturbari; denique litem ἱλιάδα κακῶν secum trahere ac comitari; quod usque adeò verum est, ut Vlpian.^a *al. 4 ff. De alienas iudicii causa fecit.* verecundam cogitationem ejus, qui lites execratur, non esse vituperandam asserat: præterquam, quòd litis, ut belli eventus dubius sit^b, ac non rarò major pars meliorem vincat: Quæ quidem utque adeò vera sunt, ut Poeta^c inter ea, quæ vitam faciunt beatiorē, quoque connumeret nunquam litem habere. Quibus omnibus incommodis molestiisque enarratis atque propositis, si consultor deterritus à lite abstinerit, ac ad transactionem, amicabilemque compositionem animum converterit, benè se res haberet, & fecit Advocatus quod debuit; eo ipso declarans, se non proprium compendium, sed consultoris utilitatem solam respicere. Quod si verò spretis omnibus prædictis, consultor omnino sibi litigandum arbitretur, multi siquidem in Frisia quasi morbo quodam litigandi detinentur, proxima cura erit Advocati, ut causæ propositæ merita diligenter excutiat, & si justam legitimisque proba-

tionibus fultam (si facti quæstio fuerit) subnixamque
 perspexerit, suo patrocínio defendendam tuendamque
 suscipiat, observatis iis quæ juris scripti decisiones, ac sty-
 lus curiæ ordinationelque observari præcipiunt, prout
 in sequentibus latius declarabitur. Quod si verò causam
 injustam, aut legitimis probationibus destitutam intel-
 lexerit, omnibus modis ab ea intentanda cum dehorta-
 bitur, propositis animi periculis longè maximis, cujus
 jacturam facturus sit, si in malitia perseverans, proximo
 molestiam creaverit sine causa, non evasurus quoque cu-
 riæ censuram, quæ notorias litigatorum calumnias, in
 processu deprehensas, multa pecuniaria coercere con-
 suevit, ut ex duabus antiquis hujus Curie sententiis 20
 Decembris anni 1549 pronuntiatis cognovimus. Quo
 casu consultori si urgeat ac instet, patrocinium denegare
 ac periculi prædicti cōmonefacere debet, ne peccati con-
 tagione inquinetur, quod futurū est, si cum falsa victoriæ
 spe lactatū, in litem præcipitaverit, magnis incommodis
 sumptibusq; obnoxiam, non ignarus quòd si superior
 evaserit, parti adversæ, ad restitutionem damni, sin succu-
 buerit, clienti quoque suo omnia quæ injusta lis abstulit,
 resarcire teneatur.

Observa-
 tio.

*Vtrum justam causam foventi liceat adversarium
 injustè litigantem dolo circumvenire. Cap. 7.*

A Pud interpretes quæsitum meminimus, utrum Ad-
 vocato justam causam foventi permissum sit, adver-
 sarium injustè litigantem, dolo technisq; circumscri-
 bere: Et prima quidem fronte affirmativa pars defendi
 posse videtur, ob id quòd reipub. expediat atque intersit,
 cau-

causam injustam persequentē, tanquam improbū civem,
 & justitiæ perversorem, reprimi ac quoquo modò lucra
 cūbere, ut ea via justitia, omnium rerum pub. salus & con-
 servatio vigeat atque floreat: injustitia societatis huma-
 næ putredo, repellatur atque exterminetur. Quam Ad-
 vocati intentionem, justam probatamque utique nemo
 diffitebitur, ac proinde laude ac commēdatione dignam:
 Nam & in Canonibus, & legib. civilibus reperiuntur re-
 gulæ quædam & axiomata huic affirmationi patrocinan-
 tia, nimirum permixtum esse uti dolo adversus dolum ad-
 versarii, ac versutiam eludere. Et in Reo, qui in veritate
 justam habet causam, omnino permixtum esse asserunt <sup>a c. domi-
nus 3 q. 2. ibi</sup>
 DD. allegantes Auth. quod attinet C. de probat. & L. <sup>glossa in ver-
bo malignā-
tiū. Archid.</sup>
 si quis in gravi Ad senatus cons. Syllanianum: Quod &
 Alciatus ^b defendit, imò & D. Augustini de bello extat <sup>Et Gemma.
in cupientes</sup>
 sententia hæc: *Cum justum bellum suscipitur, ut aperte pugnet quis,*
aut ex insidiis, nihil ad justitiam interest. Quibus tamen non ob- <sup>b in tra-
statu præsu-
pt. Reg. 2.
a. præsumt 31.</sup>
 stantibus, Evangelica lege quæ omnibus nobis Christia-
 nis mordicus observanda est, & retinenda in omnibus a-
 ctionibus nostris, si divinam gratiam promereri velimus,
 id nequaquā, nec in reo quidem permixtum censemus.
 Disertis siquidem verbis Moses ^{c Dent. 16.} omnibus sive in judi-
 cio, sive extra judiciū negocia tractantibus præcipit: *Iuste*
quod justum est persequeris, ut vivas, & possideas terram quam dominus
Deus dederit tibi. Quinimo & apud Ethnicos ea in legibus
 duodecim tabularum extat de gerendis bellis sententia,
 his verbis: *Duella iusta iuste gerunt.* Intelligebant siquidem
 viri isti summa prudentia præditi, istarum legum autores,
 licet Ethnici, posse bellū esse justū, & tamē non iuste geri.
 Cōsimiliter quoq; de litib. quæ privatorum sunt bella,
 dici potest quæ licet justæ sint, injuste tamen exerceri
 possunt.

possunt. Quapropter Advocati ista considerātes, cavere debent, ne sub huiusmodi colore, Adversariū clientis sui, licet injustè litigantem, dolo circumveniant, vel supplantent. Id enim si fecerint, non solum laudem apud cordatos piosque viros nullam inibunt, sed famam nomenque suum denigrabunt ac semet conviciis probriisque obijcient. Denique iram & indignationē divinam, ut simulators & callidi, in se provocabunt. Neque enim patitur Deus, iustitiam sacrosanctam, (quæ virtutum regina est, & virtutes in se continet omnes) technis, machinationibus ac mendaciis inquinari & contaminari, sed vult eam veris, legitimisque defensionibus, sustineri atque defendi, non eget subdolo patrocinio ac fulcro, seipsam tuetur ac vindicat, premitur quidem ad tempus nonnumquā, sed non prorsus opprimitur, imò cum matre veritate, ut palma contra impositum calumniarum onus assurgit. Ac proinde cauta etiam iustissima in iudiciis non nisi veris, iustis legitimisque modis & mediis est asserenda & promovenda. Quod si dicas, non posse te obtinere quod rectum ac iustum est, nisi istis artibus ac dolois machinationibus utaris, respondebitur, generalē esse regulam, Non esse facienda mala ut eveniant bona, & non licere tibi injustè agere, non magis quàm Adversario, Præceptū enim Dei, omnes sine ulla distinctione homines stringit, prohibentis omnem injustitiā dolumque malum^a. Cui consonat D. Pauli^b Apostoli prohibitio disertis verbis concepta: *Ne quis circumvenias* ^{a5} *Marci 10.* ^b *Epist. 1.* *(inquit) in negotio fratrem suum*, qui generalē quoque regulam ^c *ad Thess. 5. 4.* *Epist. 1.* Dei Corinthiis^c in memoriā revocat. *An nescitis (inquit) quia iniqui regnū Dei non possidebūt.* Vnde non excusabit te iniquitas adversarii tui si eam imitatus fueris, ad excludendā illius

^a Dentor.

^{a5} Marci 10.

^b Epist. 1.

^c ad Thess. 5. 4.

^c Epist. 1.

cap. 6.

illius iniquitatem & injustitiā, diffidens de potentia Dei, qui vera justitia & veritas ipsa cum sit, facile, si volet, efficitur, ut causa justa ad optatum finem perveniat.

Quod si tu justa causa, veris legitimisque defensionibus usus, cecideris, quod aliquando fit, ludicibus per sordes, aut imperitiam lapsis (homines enim sunt, labi & errare possunt) cogitare debes, mundum hunc in maligno pos-

itum esse totum, teste Apostolo^a, & cum imperfectis tibi rem esse, qui quod æquum aut iniquum est, non in-

^a Ioan.
epist. 1. cap. 5.

telligunt, aut licet intelligant, sequi reculant. Deinde & illud tibi persuasum habere debes, Deum opt. max. qui

ad salutem nostram cuncta dirigit, velle, ut cum patientia (in qua animas nostras possidere debemus teste Chri-

^b Luca 21.

sto^b) injustam sententiam tanquam huius seculi afflictionem, excipias, ut huius vitæ pertæsus, discas Deum cum affectu orare, ut illius regnū justitia, veritate, ac pace ple-

num, adveniat tibi in hac lachrymarum valle peregrinanti. Quod si verò justam causam, injustis modis ac mediis non licet tueri, prout ex literis sacris ostendimus: quid

his advocatis expectandum erit, qui injustas causas (quas Zafius iniquorum advocatorum pascua vocat) ex professio agunt & tuentur, exiguo lucello redempti.

Profectò pessimè sibi tales Advocati consulunt: Nam & conscientiam perjurio vulnerant, hominum odiam ac vituperationem sibi comparant, & famæ jacturam irreparabilem faciunt, ac velut abjectamenta populi contem-

nuntur, etiam ab iis, quos malis artibus ac dolis defenderunt atque tutati sunt. Utinam hæc Advocatorum mentibus insculpta impressaque hærent, ac nobilitatem professionis^c suæ ipsi perpenderent. Certè non tam ma-

^c L. 7. C. de
postulando.

lè audiret apud vulgus hominum ordo noster, odio plus

C

quàm variniano, doctis infensum infestumque. Sed quia multi reperiuntur (proh dolor) Advocati, qui prædictorum obliti solùm lucrum quo jure quâve injuria partum, tanquam scopum sibi propositum habent, ad quem collimant, hinc illæ lachrymæ, hinc in Advocatos convicia viris bonis honestisque non ferenda, quæ nunquam evitabunt, nisi bona fide ac conscientia causas agentes, ac ea gravitate atque modestia praxim exercentes, qua debent, ipsis factis ostendant, timorem Dei præ oculis se habere, ac operam dare, ut virtutis ac probitatis famam & existimationem apud homines sibi comparent. Atque huic quidem sententiæ nostræ adstipulatur quoque amplissimus vir Ioachim Hopperus Eques auratus & Status Belgici apud Philippū 2. Hisp. regē cōsiliarius, singulare Frisię decus & ornamētū, sūmus & philosophus & lurs reconf. qui in libello cui titulū fecit Ferdinandus sive de institutione Principis his verbis utitur: *Haud satis est bonum facere, nisi id ipsum benè facias, hoc est, ea ratione ac via, qua oportet: Unde in sacris literis iudicia Dei iustè judicari iubentur. Estque non minus vitiosum rem iustam facere iniustè quàm ipsum facere iniustum.* Proinde non est q̄ quisquam sibi blandiatur, si dicat bonū esse dolum quo utitur, eūque legibus Civilibus, quin-
a l. i. § 2 ff. de Dolo malo mō & Canonicis permissum esse, solertiāmque vocari à Iuristconf. ^a Lex enim divina clara est ac rotunda, omnibus Christianis mordicus observanda, quæ omnem omnino dolum, fraudem, ac circumventionem proximi prohibet, absque ulla distinctione & exceptione, si iram ac vindictam divinam incurrere nolint. Deus enim non irridetur; cuius regnum aut synceris animis ad eundum est, aut æternum supplicium accipiendum.

De Cautiōibus quas Cautelas vulgo appellant, & quatenus Advocato usus earum permissus sit. Cap. 8.

CVM nemo ignoret, passim eos, qui forensē praxim exercent, malē audire, cū ob alia, tum eo quoque nomine, quōd vulgus hominum jactitet ac i pargat, nihil ferē in exercēdis litibus advocatos agere, quā ut adversarium, certis quibuidam verborū formulis, tanquam decipulis, calliditque machinationibus ac triceis circumscribant, cautiones nempe denotans, verū earum usus ignarum: operæ precium nos facturos existimamus, si & hanc ab Advocatis calumniam, sinistramque opinionem, amoliamur. Illud quidem negare non possumus, extare multorum scripta, quibus cautelarum materia pertractatur ex professo, quæ in omnium manibus sunt. Inter quos celeberrimus est Bartolomæus Capolla Veronensis, insignis autor, qui in hac materia primas faciliē tenet. Cujus in causis criminalibus responsa, quæ consilia vulgō dicuntur, per totam Europam omnium manibus teruntur. Hunc secuti sunt complures alii^a, qui in diversis hominum judiciorumque actionibus varias cautiones clausulasque literis mandarunt. Quarum aliquæ non solum ineptæ sunt, atque ridiculæ planē, sed quoque impiæ reperiuntur, homine ethnico, imō Barbaro, Gotho ac Vandalo, nedum Christiano indignæ, quæ expungi perpetuōque premi silentio merentur. Quas nos vulgi diſteris contumeliosisque Advocati appellationibus, occasionem præbuisse arbitramur, ut nunc rabulæ forenses, modò vulpes, nunc pilorū sectores ac Curiarū canes & harpyiæ dicamur, aliisque probrosis nominibus passim traducamur. Hæc ut effugiant Advocati, operam dare de-

^a Thomas
ferratus, le-
annes de Ar-
nono, Marc-
Ant. Blanc.
Raimondus
Pius Fè-
ckard.

bent, ut verum legitimūque cautionum (quæ & remedia à Iurisconsultis appellantur ^a) usum, intelligant atque percipiant, ut ea ratione sibi clientibulque quos in fidem suam receperunt prodesse ac prospicere queant. Id enim Iuris periti munus esse ac officium testatur Cicero eloquentiæ parens ^b his verbis: *In iure cavere, consilio iuvare, atque hac scientia genere prodesse quam plurimis, vehementer & ad opes augendas pertinet, & ad gratiam.* Proinde Advocati officium in eo versari existimamus, ut in causis agendis, litibulque exercendis, rectè legitimeque cautionibus atque juris remediis utatur, prospiciens, ne adversæ partis malitia doloque deceptus cliens, damnum accipiat ac in captionē incidat. Neque enim alius cautelarum usus admittendus est: Nam adversarium clientis sui, dolosis ac reprobatis technis, ac machinationibus tricisulque circumvenire, & supplantare, Christiano bonæque fidei Advocato permissum non esse, etiamsi injustam ille causam foveat, cap. 7. disseruimus, ac sacræ scripturæ autoritatib. confirmavimus. Nam & D. Paulus Apostolus ^b expressis verbis monet Thessaloniacenses: *Ne quis (inquit) fratrem suum in negotio supergrediatur ac circumveniat.* Et Colossensib. prædicit eum qui injuriam facit recepturū id quod inique gessit. cap. 3. Utetur itaq; Advocatus circūspectus cautionibus licitis, remediisulque juris permissis, à Cæpolla, aliisulque autoribus traditis, tanquam pharmacis quibulda, à morbis impendētib. corpus præservantibus, non verò ut venenis malis (sunt enim & venena bona teste Cajo ^c) adversario clientis sui damnum præjudiciūque, tanquam perniciem inferentibus: Id enim nec Advocato Christiano, nec viro vel politicè probo, licere antè diximus: Interim tamen non imus inficias, ad munus officiiūque providi Advocati quoque pertinere, ut istas cautelas

^a l. statui-
liberos, & iude
Servius ff. de
stat. liberis l.
si quis duos
ff. De solut.
b libro 2.
De officiis.

^b Epist. i.
cap. 1.

^c l. qui
venenum ff.
de verb. si-
gnificat.

las reprobatas, vafriciasque captiosas notas perspectasque habeat, ut ea ratione ac via, adversarium istiusmodi decipulis utentem, repellere, atque à cliente damnum avertere possit. Nam ut Medico non solum salubrium herbarum est notitia necessaria, sed & noxiorum quoque pharmacorum ac venenorum, ut à se aliisque opem illius implorantibus, malum arcere ac fugare possit: Ita quoque Iurisperito & Advocato in foro versanti, (cui Vlpianus *c. l. iustit.* *versic. finali* *ff. de iustis.* *& iure.* *c. l. iustit.* *ad l. iustit.* *b lib. 2* *Epist. 27.* *c Math. 7.* *iusti in iustis scientiam tribuit*) harum cautelarum reprobatarum notitia necessaria est, ne illarum ignoratione, in captionem incidant, quos patrocínio suo defendendos suscepit. Et sanè rectè Vlpianus iniusti scientiam jurisperito tribuit^a, praxim verò minimè, utpote qui non ignorabat legum scopum esse unicum, pœnarum metu homines in officio continere, & à delictis detertere. Tametsi juxta Plinium secundum, in Epistolis^b, *Nos qui in foro versamur, verisq; litibus terimur, multum malitiæ, quamvis nolumus, addiscimus.* Concludendum itaque in hac materia est, licere non tantum Advocato, sed & expedire, ut cognoscat, quid sit reprobatum, quid noxium, sed proximo nocere damnumque dare, arribus illis reprobatis, & lege charitatis à Christo nobis traditæ^c vetamur, & honestati politicae, quam ethnici quoque servarunt, minimè consentaneum est; quod Cicero eleganter & latè in libris de officiis tractat. Ad quam charitatis legem tanquam ad Lydium lapidem (quod dicitur) hominum actiones examnabuntur. Vt autem revertamur unde digressi sumus, dicimus scientiam eorum quæ prava noxiaque sunt, improbari non posse, quando non in hoc nobis mala proponuntur, ut ea sequamur, sed ut cognita vitemus ac detestemur. Alioqui enim nec venenatæ rerum materiæ, nec

virus ejaculantia reptilia, scripto prodenda essent, ne aliqui his ad perniciem utantur. At cum venenatorum cognitio hoc commodi præbeat, ut ne ignari ab illis lædamur, aut vitæ damnum incurramus, non mirum est, si Advocato reprobatarum cautionum notitiam necessariam esse concludamus.

Quod sit officium Advocati in tractandis litibus coram hac suprema Curia. Cap. 9.

HOC membrum capite sexto tractare coepimus, sed non plenè discussimus: ideoque consultum esse arbitramur, illud paulò plenius excutere. Diximus prædicto capite, Advocato ante omnia advigilandum, ne quolibet causas absque discrimine, agendas suscipiat, sed ut merita eius, quæ intentanda defendendaque proponitur, diligenter examiner, ac re in omnes partes perpenſa, eam tantum suo patrocinio tuendam adsumat, quam iustam, legitimisquæ rationibus probationibusque fultam perspexerit. Ut autem id consequatur, adniti debet ut animus ab omnibus affectibus habeat liberum: Nam si vel amore vel odio, vel spe, vel metu præoccupatus fuerit,, nullo modo quod iustum æquumve aut secus est, percipere poterit. Quod eleganter Boetius in libro de consolatione philosophiæ*, his versibus describit:

alib. 10. l.
metre 7.

*Tu quoque, si vis, Lumine claro
Cernere verum, Tramite recto
Carpere callem, Gaudia pelle,
Pellet: morem, Spemque fugato,
Nec dolor adsit, Nihil a mens est,
Vinctaq; frenis, Hæc ubi regnant.*

Liber

Liber enim in deliberatione debet esse animus, nec ullis affectibus abripi, liber autem esse nequit cui affectus imperant & cupiditates dominantur. Quem quia aliqui Advocati ad causam concreditam non adferunt, fit ut non tam quid justum æquumque sit, quàm quid ad victoriam causæ, quam susceperunt obtinendam expediat, inquirent, & si spes victoriæ nulla supersit, hoc agunt, hoc moliuntur, ut adversarium litemque, dilationibus pluribus, ac tergiversationibus extrahant, morasque injiciant, & quantum fieri potest, immortales reddant. Quo nomine pessimè noster ordo apud populum audit, atque traducitur, adeò quidem, ut in proverbium ferè abierit: *Hoe beter jurist/ Hoe booser Ehrich*. Durissimum quidem & abominandum est istud dictærium, & viris honestis non ferendum: sed si verum fateri velimus, reperiuntur aliqui, qui absque ullo discrimine, si modò spes dolosi affuisset numi, causas agendas suscipiunt, & quominus habent in jure fundamenti, eo plus diligentia impendunt, ut eas ad optatum finem perducant. Quòd si palmam, iudicibus circumventis, tenebrisque objectis per fas nefasque obtinuerint, quod nonnunquam fit (sunt enim homines, labi & falli possunt) quasi re benè gesta, gloriantur in malitia, & fertilior sibi in posterum praxim pollicentur, qui tamen magis probare debebant honestè vinci quàm vincere malè per contrarium spiritum, cum animam lædat conculcata justitia. Hi & consimiles Advocati, in bonis viris connumerandi non sunt, sed potius tanquam carcinomata, pestesque rei pub. hominum commercio atque societate, ut antè diximus, pellendi. Nam ut Nilus Episcopus & Martyr inquit: *Qui malis præstant patrocinium, non solum scelerum adiutores sunt, sed &*

a Dialogo
11. de legib.
in fine.

peccati communione inquinantur. Quod genus hominum Plato ille divinus usque adeò execrat^a, ut lege lata, civem in rep. bene constituta morte plectendum censcat, si avaritiâ, justitiæ vires in animis iudicum in contrarium vertisse, ac præter opportunitatem multa litigiâ movisse, aut moventibus adfuisse, convictus fuerit. Et in inulmodi ritè quadrat germanicum seu belgicum probrosum dicitur antè relatum. De bonis & integris Advocatis non accipiendum, qui legibus & magistratibus obsequentes, in hoc solum incumbunt, ut unicuique quod suum est, salvum esse, concordia inter cives retineri, & reipubl. tranquillitas conservari possit, qua conturbata convulsaque, privatorum facultates in tuto esse non possunt. Quemadmodum autem sollicitè Advocatum prospicere debere diximus, ne injustæ causæ patrocini-um ullatenus suscipiat, alioqui gravissimè Deum offensurus: Ita quoque cavere debet, ne justæ causæ defensionem requisitus deserat, præsertim si pauperem, viduam, vel pupillum, vel aliam personam miseratione dignam, causa concernat. Istiusmodi enim personis, omni humano præsidio subsidioque destitutis, in iudicio laborantibus, adesse, opemque ferre gratis, si paupertate premanetur, tenetur, etiam si à iudice non injungatur: quo jubente si recusaverit, avocationibus sibi interdictum iri non dubitabit^b: Cùm certum sit, ad officium iudicis quoque pertinere, ut pauperi adversus potentiorē litiganti, & advocatum habere non valenti, aliquem det atque constituat^c, qui illius defensionem, & quidem gratis ad litis eventum, si inopem se esse, & fideiussorem invenire non posse, iurejurando affirmet, suscipiat. Ea siquidem declaratione facta ab impendiis Curiæ ad litis eventum,

liber

b L. Provi-
dendum. C. de
Postulando.

c L. nec
quicquam
observare ff.
De offic. pro-
cursus.

liber erit. Proinde Advocatus, cujus partes sunt quàm plurimos consilio juvare, si nomini famæque consulere volet, ac conscientiam liberare, enitendum sibi putabit, ne quiquam sit, qui sibi denegatum ab eo patrociniũ fuisse, aut causam non pro dignitate pleneque tractasse, sed dicenda transisse, & quæ inculcanda, infigenda, repetendaque fuerant, cursim breviterque (quod Plinius prædictus prævaricationem vocat^d) attigisse meritò conqueri possit.

lib. 1.
Epist. Epist.
ad Corn. Tac-
cium.

Quod sit officium Advocati erga proprium Clientem.
Cap. 10.

NVnc dispiciendum est, quæ sint Advocati partes apud suum clientẽ. Suprà diximus esse necessarium, meritè causæ in judicium deducendæ diligenter examinare, justã ne an injusta sit: Id autem nũquam melius percipiet Advocatus quàm si clientem de causa sua perorantem patienter attentèque audiat, omnesque circumstantias causæ cohærentes, diligenter excutiat, ac clienti suo contraria quædã argumenta objiciat: Alioqui enim nisi id fecerit, causæ merita difficulter resciscet: Solent enim homines magno decepti errore, causæ suæ secreta cælare, imò fictis coloribus ita eam ornare, ut nisi Advocati diligenter attendant, rei veritatem exquirere & indagare nequeant: Quo fit ut iis technis decepti, sæpenumero causa cadant. Quapropter si sibi suoque honori clientisq; commodo consultum prospectumque velint, operam dabunt, ut omnia causæ merita momentaque exactè perdiscant, & excussis probationibus, quas adferre possunt, statuant quid faciendum sit, vel omittendũ. Id enim

D

sumiserint, frustra laborabunt, & cliētes in iutiles sumptus conijcient, qui postmodum amissa causa, de Advocati vel negligentia vel imperitia questuri sunt. Vt autem extra omnem clientis calumniam sese constituent Advocati, & conscientiae suae satisfaciant, si causam injustam, aut probationibus destitutam deprehenderint, operam dabunt, ut ab ea intentanda consultorem dehortentur, positis ob oculos litis incommotis damnisque Capite 6 relatis. Id enim facere tenentur, ac clientem suum ad justitiam erudire, ut tanquam stellae in perpetuas fulgeant aeternitates ^a. Quod si verò justam causam, legitimisque probationibus istructam, (utrumque siquidem requiritur, ^b) perceperit, alacriter eam defendendam suscipient. Ante omnia verò de mandato legitimo sibi prospiciet, ac Actis inscribi curabunt: Alioqui enim contingere potest, ut maledati à cliēte transmissi, amissione, si bonae fidei non fuerit, magnis molestiis, quinimo & dāno Advocati involvantur. Quod alicui ex primariis hujus Curiae Advocatis, viro docto & acuto, olim contigisse intelleximus, cui res erat cum homine versipelle & improbo, qui Curiae sententia ad certam pecuniae summam? non modicam condemnatus, negabat se Advocato mandatum dedisse. Qui nisi Curiae de mandato ore tenus dato, fidem fecisset, ex aliquibus indiciis, solutionē adjudicatae pecuniae, evadere nequivisset. Itaque ne in istum scopulum impingat Advocatus, faciet quod paulo antè dictum est. Nisi mandatum à Notario à Curia approbato, aut coram Iuridicis seu Decurionibus confectum, vel si Prælatus, pastor aut nobilis sit, ipsius sigillo ac subscriptione confirmatum clausula substituendi munitum habeat, istiusmodi siquidem procuratoria, ut loquuntur practici paribus passibus ambu

^a Daniel.
12 cap.

^b 2. q. 8. c.
sciant L. ei
eum qui ff.
De probat.

ambulant, eandemque vim obtinent quàm ea quæ Curia
 Actis incripta sunt, ut ex Ordinatione Curia liquet
 Rubr. 10. Lib. 3. Et tanto quidem magis de mandato
 valido sibi prospicere debent Advocati, quòd inter inter-
 pretes magna sit concertatio, utrum is, cujus nomine li-
 tigatum est, post latam sententiam ea quæ ipsius nomine
 absque mandato gesta sunt, rata habere possit, quibus-
 dam id affirmantibus, aliis verò negantibus, ob id quòd
 post latam sententiam, perempta instantia rati habitioni
 locum esse negent: inter quos est Ferrariensis exquisiti-
 simus autor^a. Deinde curabit Advocatus, ut instructi-
 onem à cliente suppeditatam juxta Curia Decretum 20
 Decembris anno 1541. promulgatum & Enchiridio
 Statutorum insertum, scriptis mandet, atque penes se
 conservet, ut requisitus eam Curia ostendere possit, ac
 clientem, quando in causa scribendum est, magnis sum-
 ptibus evocare sæpe non sit necesse: Id enim si fecerit, Cu-
 ria suam conscientiam comprobabit, quæ percipiet, ni-
 hil ab eo allegatum, articulisque probatoriis compre-
 hensum esse, quod instructio à cliente data non contine-
 at, & clienti postmodum amissa lite conquerenti facili
 negotio os obstruere poterit: Hæc quia rarò fiunt ab
 Advocatis, hinc in judicio voces illæ inexcusabiles mul-
 torum audiuntur, respondere nequeo, quia instructione
 careo, in portu (quod dici solet) naufragium facientes,
 qui tamen ignorare non possunt paria esse scire vel scire
 debere.

a ni for-
 ma respo-
 nis Res. in
 glossa super
 verbis Simeo-
 nis spelsa.

20 Decem-
 bris 1541.

*Quomodo apud Iudicem se gerere debeat
 Advocatus. Cap. 11.*

D 2

15. Martii
1597.

Superioribus aliquot capitibus explicatum est quæ sint partes Advocati erga omnes in genere homines: deinde erga proprium clientem: nunc quomodo apud iudicem se gerere debeat inquirendum est. Illud autem in primis observare debet Advocatus, ut iudicem tamquam Dei ministrum, omni honore ac reverentia afficiat, debita obedientiam ei deferat, nihil contra dignitatem illius acerbè, vel contumeliosè dicat, vel scribat: Id enim Ordinatione Saxonica Enchiridio Statutorum Tit. de Advocatis, artic. 17. inserta, expressè prohibetur. Deinde juxta ejusdem Curia Decretum 15 Martii anno 1597 publicatum, & prædicto Enchiridio comprehensum, Advocatus in iudicio honestè decenterque se gerere ac loco, & corporis habitû decoro & ad verbo cõponere tæetur, prout honestas exigit, non divagari in auditorio, nec clamosis sermocinationib. imò fabulis illud turbare debet: Subtrahere verò sese absq; commissarii licetia, quando copiã sui facere debet, q̃ à quibusdã fieri vidimus, non solum turpe est, sed in contẽptum & iudicis, & adversarii tẽdit, quos eludere velle videtur qui id faciunt qui quod aliis Tribunalib. non impunè ferunt. Iam verò si quid in iudicio oretẽus proponẽdũ, aut postulandũ erit, clara voce, & cõsueti loco, ac intra subsellia Advocatorũ cõsistens Advocatus, id facere debet. ita, quidẽ ut à Curia Delegato (quẽ Commissariũ vocant) & Advocatis exaudiri queat, adhibita præmissaq; verecũda prefatiũcula, exemplo Tertulli Oratoris D. Paulum accusantis, Act. 24. & ipsius quoq; Pauli apud regem Agrippã causam suam defendentes, Act. 26. & non illotis (quod dicitur) manib. in verba prorũpere, quæ omnia cõstitutione Curia prædicta cauta atq; præcepta sunt. Debet itaque Advocatus omnem Curia reverentiam deferre, ut dictum

dictum est, ne secus faciens, & violati jurisjurandi notam sibi contrahat, & indignationem Consiliariorum incurrat, quinimo & coercionem arbitrariam excipiat: Cujus rei exemplum nos, cum Mechliniæ advocati munere in magno enatus fungere mur, in primario ejusdem parlamenti Advocato, amico & familiari nostro, vidimus, nimis triste: Is enim quod Præsidem ejusdem senatus D. de VVaterdijck equitem auratum, è profapia comitum Bergensum, à quo pridie in auditorio, Advocatis ac Procuratoribus præsentibus, acerbè taxatus perstrictusque fuerat, supplici libello (quem nobis postea re non integra legendum dabat) prædicto senatui magno, nimis calido consilio, in scitis omnibus exhibito, contumeliosè traduxisset, post diutinam apud primum apparitorem detentionem, in senatum prædictum adductus, omnibus Advocatis Procuratoribusque ad spectaculum evocatis, cum ad Procuratoris generalis interrogationem flexis genibus, libellum supplicem quem manu tenebat, à se conscriptum exhibitumque declarasset, verbis præeunte prædicto Procuratore generali, palinodiam deprecationemque solennem continentibus, prolatis, prædictum libellum supplicem suis manibus dilacerare iussus fuit, quod nos *Observatio.* bis omnibus inspectantibus quoque fecit, cui & unius anni spacio Advocatione etiam interdictum fuit. Proinde isto exemplo deterriti, refrenandum esse stylum, & intra limites modestiæ manendum consulimus, *felix* siquidem est *quem faciunt aliena pericula cautum*, ut habet versus ille notissimus. Nos certè ante annos 30 eam reverentiam Curriæ ejusque Delegatis exhiberi vidimus, ut nec inhonesti verbi prolatio impunita fuerit, quidam enim apud Commisarium turpiloquio usus relatione ad Curiam facta 12

Observatio.

Carolinos aureos fisco inferre condemnatus fuit. Quam irreverentiam Ordinatio Curiae Hollandicae quoque strictè puniendam coercendamque præcipit artic. 72. Et ut verū fateamur, in eo potissimum sita est reipub. salus & conservatio, si Magistratui iudicibusque sua constet autoritas & reverentia, quam vel maximè tueri debent Advocati, juris legumque periti & iustitiæ sacerdotes, qui in hoc incumbere debent, ut homines omnes reverentia iudicum in officio continentur. Ad hæc cavebit Advocatus, ne iudicis animum fictis coloribus, falsisque allegationibus, pervertat: id enim si fecerit, Deum qui ipsa iustitia & veritas est, gravissimè offendet, & contra viri boni, nedum Christiani officium peccat & delinquit. Ex quo patet quantopere peccent ii qui clientibus execrandum consilium dant, ut iudicis animum, integritatemque donis muneribusque expugnent atque pervertant, ut victoriam consequantur, quorum quanta sit vis in ista impietate patranda, abundè sacræ literæ docent: *Excitant enim munera oculos sapientum et mutant verba iustorum*^a. Nulla certè major iniquitas ab Advocatis perpetrari potest, quā si scelestis istiusmodi consiliis, & clientum, & iudicum animos corrumpant, ut sui voti iniustissimi compotes fiant. Quam improbitatem leges civiles usque adeò detestantur, ut litigatorem istius criminis convictum, amissione totius causæ mulctandum, decernant^b: Advocatum certè præter infamiae notam, æternus manet interitus: Facit enim impio isto consilio ut cliens injustam causam obtinens, parti adversæ quod suum est, sub vela mine iustitiæ, auferat. Quo casu in conscientia consulere tenetur clienti victori, ut adversario restituat, quod iniusta sententia ademir: quinimo & ipse ad salarii, quod pro patro-

^a Deuter. 32.

^b l. i. ubi dicitur
§ sed & si
dedi. ff. De
condict. ob
surpam cau-
sam.

patrocinio turpissimo solutum est, restitutionem tene-
tur, cum sit lucrum longè iniquissimum teste D. Angu-
stino c. Deinde cavebit Advocatus, ne iudicem falsis alle-
gationibus vel abrogatis legibus, in suam trahat sententia-
tiam: quod qui faciunt, & conscientiam perjurio vulne-
rant, & honori pessimè consulunt: Iustitiam & iudicem
supplantantes, & proximo quod suum est injusta senten-
tia auferentes. Qui certè gravissimè contra legem chari-
tatis nobis tantopere à Christo servatore commendatam,
peccant, & in præceptum Decalogi *non furaberis* impingunt.
Licet enim manibus rem alienam non contrectent invito
domino, faciunt tamen ut proximo quod suum est au-
feratur sub juris etiam iustitiæque velamine; quæ utique
deterrima furti species est. Isti autem certò sibi persua-
sum habere debent, non defuturam ultionem divinam,
quæ tanquam Nemesis & Adrastia implacabiliter scelera
vindicat, infensa impiorum facinoribus eisque insuper,
qui his patrocinantur, quod Philo judæus iustitiæ tribuit
a, peculiare ac proprium.

c Epist. 32
Mona. Tit. de
Advocatis.

*Quomodo clientis sui adversarium tractare debeat Ad-
vocatus. Cap. 12.*

a in Tra-
ctatu de con-
fusione lin-
guarum.

Superioribus capitibus demonstratum est quod sit Ad-
vocari officium erga proprium clientem, item erga ju-
dicem causæ, nunc videndum quomodo clientis sui ad-
versarium tractare debeat. Illud itaque semper Advocato
considerandum & cogitandum est, se iustitiæ sacrosanctæ
ministrum esse, imò & sacerdotem, nec lege divina, eti-
am humana cessante, licere sibi quemquam, vel verbis, vel
scriptis lædere atque traducere. Si enim secus fecerit, non
cense-

censebitur rectè inter homines agere, sed contra legem
 charitatis peccare, qua veramur alteri facere, quod nobis
 factum nolumus. Cavebit ergo Advocatus, ne in adver-
 sarium clientis sui sit injurius, illum in processu conviciis
 lacerando, quod ab aliquibus sine discrimine fieri videa-
 mus; Nihil enim turpius fingi potest in Advocarato, qui le-
 gum scientiam profitetur, quam si eò insolentia progred-
 iatur, ut adversarium clientis contumeliosè perstringat.
 Quam conviciandi libidinem usque adeò à foro judicis-
 que remotà esse debere asseverat Plato, ut xi. dialogo de
 legibus lege lata fugandam prohibendamque conten-
 dat his verbis: *Multis autem modis homines furore aguntur. Alii*
morbo, ut h: de quibus modo diximus: alii per iracundiam prave nature
utrosque educationem, q̃ parvis inimicis moti alius inclamant & tur-
puter inter se conviciantur. Nihil verò tale in civitate bonis legibus institu-
ta fieri decet. De convicio igitur hac una omnibus lex ponatur: Nemo
alicui convicietur: Sed quicumq; cum alio de re quapiam ambigit, discat po-
tius doceatq; tam ambigentem, quam presentes, ita ut omni convicio pro-
pus abstineat. Cum enim sibi invicem verbis turpibus maledicunt, mulie-
bres habentur, & in primis ex verbis, qua cerè levissima res est, odia gra-
vissima & inimicitie sepe nascuntur. Rationem certè gravissi-
 mam subjicit Plato, quare à conviciis projiciendis in
 proximum sit abstinendum: *Nam & inimicitie maxima sepe*
nascuntur, inquit, qua non raro in cades, ac homicidia exerunt. Turpe
 certè esse conviciis se invicem proscindere, maximè in judicio, nemo diffre-
 bitur, cum plerumq; & ridiculi fiant conviciatores, ridicula per iram, &
 commotionem ut plurimum in adversarium proferentes, ut idem Plato
 prædicto loco subjicit. Quòd si verò causæ, quam tra-
 ctat, qualitas talis sit, ut necessitate ad illius defensionem personæ,
 cum qua cliens litem habet, turpitudinem allegare cogatur: Vt puta si frater aut soror ab hæreditate
 fratris sororisve, turpi persona instituta, exclusus fuerit,
 quam

quam nisi allegata hæredis instituti turpitudine, obtinere nequit, nihil præter boni viri officium fecisse censetur, si eam objecerit, cum jure legibusque permittentibus id faciat ac ob id justè. Quod & tum locum habet, si objecta clienti turpitudine, ad excludendum eum ab inofficiosi querela de turpitudine objiciētis exceperit, quod videlicet in pari turpitudinis causa, potior sit hæredis instituti, quàm ejus, qui per inofficiosi querelam hereditatem petit. Nam & aliàs, si hæres institutus indignus esse hereditate dicatur, aut ex causa ingratitudinis legibus expressa exhæredatus, non dubium est quin cautelarum istarum allegatio, Advocato permessa sit: neque enim ex libidine conviciandi, sed necessitate officii talis fit objectio & allegatio^b. Quòd si iste casus inciderit, providebit Advocatus, ut sufficienti mandato munitus ea scriptis complectatur, aut subscriptione clientis omnem à se invidiam divertat & amoliat. Illud certè Advocati Christiani fuerit, cum modestia in istis allegationibus odiosissimis versari, ne ullam adversario clientis, vel judici occasionem præbeat, suspicandi quòd libenter & cum voluptate istos proximi defectus vitiaque detexerit & propalaverit: Quin potius in istis chyrurgorum mores consuetudinemque imitabitur, qui non nisi summa necessitate compulsi ad extrema ista remedia, sectiones, ustionesque procedunt, nec sine commiseratione quidem. Quòd si ea conscientia in istiusmodi causis litibusque versatus odium inimicitiaque sibi conflaverit causarum patronus, ut solet plerumque fieri, hominibus laicis rerumque imperitis, lapidem projectum, more canum, non projicientem mordentibus, non debet commoveri nec indignari, sed humanæ fragilitati adscribere, & co-

*a l. fratres
C. de inoffic.
testamento.*

*b arg. l. ma-
ter. 2. C. de
calumniis.*

cogitare ita natura comparatum esse, ut obsequium amicorum, veritas odium pariat, teste Comico. Interim tamen nemo diffitebitur permolestam esse Advocatorum provinciam, qui plerumque in partis adversæ totiusque cognationis familiæque odium incurrunt, ac offensas maximas subeunt, quas nos non rarò experti sumus. Sed quid facias? ferenda sunt ista, ac cogitandum quòd cum perfectis non vivitur, nec perfectionem in hac vita, hominibus natura ad pessima propensis, sperari posse, easque omnia æquo animo ferenda esse, Deoque committenda, qui novit quid nobis maximè expediat. Advocatus certè firmiter credere debet non defutura sibi præmia quæ (Christo teste) manent eos qui persecutionem patiuntur propter iustitiam: Certè eam requirit in Advocato hæc professio animi fortitudinem, ut nec metu, nec minis, nec prece, nec precio, iustæ causæ defensionem detrectet, vel injustæ patrocinium suscipiat, Papiniani illius juris coryphæi hominis ethnici exemplum secutus, qui, interfici, quàm impii Principis Caracallæ parricidium excusare maluit, dicens facilius id patrari quàm defendi posse. Sed quia rarò in istas angustias Advocati rediguntur, quibus tales causæ non offeruntur, illud saltem præstare debent, ne in litibus exercendis ab eo quod rectum est deflectant, vel spe vel metu, istius versus memores: *Tu ne cede malis sed contra audentior ito.*

Quomodo partis adversæ Advocatum tractabit.
Cap. 13.

MUltis videbimur frustrà hunc laborem sumere, descripturi Advocatorum officium erga se invicem: statim

statim enim objiciet aliquis, anne nobis tacentibus id intelligant? Fatemur equidem Advocatos, qui legum peritiam profitentur, omniaque humanitatis studia ab incubulis (quod dici solet) imbiberunt, ignorare non debere, quæ suæ sint partes erga eos quos capitibus præcedentibus commemoravimus, sed vel maximè erga se invicem. Sed quia Advocatis, ut hominibus, natura fragilibus, dum in hac lachrymarum valle peregrinantur adest infirmitas ista quam D. Paulus Apostolus se sentire conquerebatur, *ut bonum quod vellet omitteret, et malum quod nollet, faceret*: operæpretium nos facturos arbitramur, si eam quoque partem paucis perstinxerimus: Ita enim fiet, ut nostrarum præceptionum memores, operam demus, ne unquam præter officium aliquid committamus, audituri alioqui: *Turpe est doctori, cum culpa redarguit ipsum*, & consequemur, ut filius noster, paternis præceptis monitisque instructus, advocationem absque reprehensione sit executurus. Illud erit itaque Advocati erga Advocatum partis adversæ munus, ut debitam illi reverentiam & honorem, tanquam symmistæ, tam in Curia atque auditorio, quam in publico, & ubique locorum, deferat, ab omni contumelia conviciisque prorsus absteineat, alioqui in constitutione Imper. ^{a l. quis-} et ordinationem Curie ultima ^{quis C. de} novembris 1622 promulgatam ejusque poenam incursum. ^{postulando.} Neque enim patitur istarum legum dispositio Advocatum eo insolentia progredi, ut non erubescat, symmistam ejusdemque professionis virum conviciis lacerare, & planè caninam facundiam exercere. Et sanè animi impotentis est signum, affectibus usque adeò abripi, ut publicè honestatis publicarumque legum nulla habita ratione, quis non vereatur fratrem in professione, contume-

liosè excipere, jus clientis sui defendentem. Quod quia vulgus hominum fieri sæpe vider, hinc fit quòd simulatas istas contentiones rixasque advocatorum existimet, & summa in Curia natas, vino postmodum dilui ac mergi asserat: Quod dicerium non alia via ac modo effugient Advocati, quàm si ab omni acriori cōtentione à abstinentes, de jure partium modestè, graviterque & amicè, remota omni acerbitate verborumque amarulentia, inter se conferant. Ita siquidem futurum est, ut à contemptu populi vulgi que literatis omnibus infestissimi, se vindicent, ac professioni suæ, multis laboribus, sumptibus, periculisque comparatæ, teste Friderico imperatore^a debitum honorem asserant. Quos artium liberalium scientia, divinæ vini humanique juris peritia, atque professio, meritò intra cancellos modestiæ continere debet; nedum divinæ vindictæ metus, divinique judicii extremi terror, in quo & de otiosis, nedum amarulentis verbis conviciis que reddenda erit ratio: Tamen si & Curia censuram non effugiant Advocati, legis prædictæ violatores, pecuniariam multam irrogantis, Quod olim celeberrimis advocatis contigisse, antiqua docet sententia 15 Februarii 1547 pronuntiata. Quàm autem sit turpe in judiciis conviciis certare, & qui sequantur effectus mali ac perniciosi, ex Platone capite præcedenti citato liquidò patet.

^a Auth.
habita. C. Ne
filius pro pa-
re.

Observatio.

15. febr. 1547

Finis prima partis.

*Quomodo in exercendis Ordinis Iudiciarii partibus
versari debeat Advocatus, & primum in citatione
impetranda & exequenda. Cap. 14.*

ANtè capite decimo relatum est, quod sit Advocati officium erga proprium clientem, atque ibidem tradidimus, cautè prudentérque facturum, si instructionem causæ à cliente datam, scriptis complectatur atque penes se reservet, juxta Curiae Ordinationem ibi allegatam: Et rationes quare id facere debeat adjecimus. Nunc tractationis series postulat, ut explicemus, quæ sint Advocato Actoris observanda, causam clientis sui in judicium deducturo. Ordo autem postulat, ut supplici libello Curie porrecto, & clientis proprii, & adversarii nomen domiciliúmque continente, nec non qualitatem exprimente, citationem sibi concedi petat. Quam ut impetret, ante omnia dispiciendum erit, utrum cliens ipse Actor personam standi in judicio habeat. Nam si ex aliquo defectu, quod vel mulier^a vel miles^b sit alieno nomine experturus, repelli possit, frustra citationem petit. Consimiliter quoque si filiusfamilias, vel servus sit, qui nisi certis casibus judicio interesse non possunt^c. Quòd si verò filius patrem, vel avum, vel proavum, vel remotiorem in ascendenti gradu utriusque sexus parentem, etiam naturalem tantùm in jus vocare volet, quod certis casibus potest, cavere debet Advocatus, ne sine impetrata venia id faciat, alioqui multam pecuniariam quinquaginta aureorum soluturus^d. Deinde eo scrupulo liberatus, perpendere debet Advocatus, an lite pulsandus, prima instantia ad supremam Curiam vocari possit, quando nimirum spòte

^a l. aliena
C. de procurator.

^b l. qui stipendia C.
ead. tit.

^c l. cum oportet & exceptis. C. de bonis quæ liberis L. si quis à liberis ff. De lib. agnosc. L. vix certis ff. de judiciis.

^d l. menum litigandi § prator ait ff. De in jus vocando.

se Curia non subiecit in instrumēto. Quòd si de ea non constet, aut certum sit privilegio fori renūciatum non esse, proxima cura erit dispicere, num ex aliquo Actoris privilegio, ad Curiam primā instantiā vocari possit, ut puta si vidua sit, vel pupillus, vel morbo, vel senio, vel paupertate, vel consimili aliquo respectu miseratione dignus. Eo siquidem casu reus comparere tenebitur, etiam si inferiori iudici subiectus sit, veluti rusticus, vel civis.

*a Tit. Quā-
do imperator
inter pupillos
vel viduas
vel alias mi-
serabiles per-
son. cognoscit.
& ne exhibeantur.*

Observatio

*Ultima Maii
1603.
Observatio.*

Observatio

Sed cum Imperator in Rubrica^a adiciat (vel alias miserabiles personas) quæri solet, quænam istæ sint alia personæ miseratione dignæ. Bart. post Petrum & Cynum, ad L. unicam C. dicto Tit. censet istam rem iudicis arbitrio relinquendam esse. De eo aliquando quæsitum meminimus, an virgo sui juris, ac locuples isto privilegio gaudere debeat, neque enim juxta propriam vocabuli significationem vidua dici potest, cum in viduitate non fuerit: Dicitur quippe vidua quòd sit sine duitate, quasi vedua, ve, siquidem particula privat. l. malū navis, vers. viduam ff. de verb. significat. Attamen casu in iudicio ventilato, & virgini, etiam diviti, privilegium istud competere nos asserentes, ac in contradictorio sustinentes, exceptione partis adversæ rejecta, sententia Curia secundum nos lata fuit, autoritatibus veterum jurisperitorū & d. versic. viduam subnixos. Quemadmodū non ita pridem in quæstionē vocatum fuit an prædictæ Rubricæ privilegio puberes gaudeant: Et quæstione ab Advocatis supremæ Curia disputata, sententia Curia interlocutoria ultima Maii anno 1603 fori exceptio proposita, rejecta fuit. Quod & in persona viduæ ad Curiam vocatæ & exceptionem declinatoriam proponentis, decisum fuit, atque adeò confirmatum illud juris axioma. Quòd privilegiatus contra privilegia,

vilegiatum, jure suo non utatur: nam exceptione rejecta
 comparere coacta fuit. Denique miserabiles personæ re-
 putantur, omnes quibus movetur natura ad commiserationem,
 propter casus humani, aut fortunæ injuriam etiam si divites sint,
 juxta ea quæ tradunt Azo^a, Innocentius^b Albericum, Andreas de Iserma,
 & Math. de Afflictis^c. Quorum omnium tamen, in pauperibus ea est
 limitatio & restrictio, ut de iis tantum pauperibus accipien-
 dum tradant, qui adversis fortunæ casibus, non propria culpa
 ac luxu, ad paupertatem redacti sunt; Quod & in vidua receptum
 est, & ea quæ in coelibatu vivit. Nam si inhonestam vitam
 ducunt, & eo, & aliis omnibus privilegiis, respectu viduitatis
 coelibatusque competentibus, indignæ reputantur^d. Illud superioribus addendum
 arbitramur, quod Didacus Covaruvias Hispanus celeberrimus
 Juriscons. in practicis quæstionibus^e disputando resolvit,
 inter miserabiles nimirum, personas viduasque, non tantum
 connumerandas eas, quæ maritum non habent, morte naturali
 rebus humanis exemptum, & veræ viduæ sunt, verum etiam
 eas hoc privilegio gaudere, quæ maritos quidem habent
 superstites, sed inutiles veluti qui in exilium acti, aut ab
 hostibus capti vel ad triremes damnati sunt. Tametsi enim
 veræ viduæ dici nequeant, cum mariti in rebus humanis
 esse non desierint. nihilominus tamen quia omni subsidio
 auxilioque maritorum carent, & insuper in mœrore vitam
 ducunt, meritò prædicto privilegio potiuntur. Neque verò
 solum citationem in validam & illegitimam facit,
 privilegii prædicti in Actoris persona defectus, concedentis
 reum extra territorium suum ad Curiam evocari, sed & rum
 quoque effectum perdit citatio, si non sit libellata^f, (ut loquuntur
 practici^g)

*a in Summa
maus C.*

*Quando Iu-
per. inter.*

*b c. ex parte
x. de foro cō-*

pes. c. per ve-

stras de Do-

nat. inter vio-

rum c. un-

orem.

c in cōfiss.

Neapolis.

d Lucas de

penna et Fe-

lyn. in c. signi-

ficanst. De

offic. delegat.

c cap. 6 et 7.

e l. fina.

ubi Accurs.

C. Ad l. sa-

briā. de pla-

giariis.

f Imola in l.

inter accusa-

toris de pub.

ind. Iul. clar.

q. 2 l. vers.

nuncquaro.

DE OFFICIO

40

ci) id est, si causam insertam non haber, ob quam reus vocatur ad iudicium. Consimiliter quoque & tunc viribus caret citatio, quando in forma peccat, ac illegitima est que in eo qui citatus est excludit contumaciæ crimē, l. si filius, ff. de interrogat. act. l. 2. ff. si quis in ius voc. Istit siquidē casibus cōparere reus non tenetur^a. Quemadmodū nec tunc, quando terminus Ordinacione præfixus servatus non est, nempe si pars adversa vocatam se conqueratur breviori spacio quā octiduo ante diem juridicum. Nonnunquam etiam corrumpit in ius vocatio, ratione temporis incongrui, ut quia tempus est feriarum in honorem Dei, si ve solennes, si ve repentinæ illæ sint, quarum imperator meminit^b. Itidem, & ratione loci, si in aliquem inhonorem locum adesse iusserit iudex, vel arbiter, impunē enim ei non parebitur^c. Ut nec tunc, cū locus ad quem vocatur, præsentiam venienti periculosam facit^d. Similiter hæredes, parentes, liberi, conjunx, agnati, cognati, affines, aut fideiussores defuncti ante nonum diem conveniri, aut quocumque modo inquietari, aut aliqua admonitione pulsari, aut in iudicium vocari non possunt, si ve debiti gratia, quod à defuncto descendit, si ve alterius cujuscunque causæ nomine ad memoratas personas specialiter pertinentis^e. Istit siquidem casibus, vocatus si absit, de contumacia accusari nequit, nec poenam contumaciæ patitur, quem majoris causæ occupatio defendit^f. Itaque cū citatio sit fundamentum & principium, iudicii^g, circumspecti Advocati est prospicere, ne quid hac parte peccetur: alioqui in portu (quod dici solet) naufragium facturui. Denique illud quoque providebit, ut, citatum si per se, vel alium legitimo mandato munitum, non compareat, de contumacia accuset non contentus si quis-

^a Innoc. c. præterea de Dilat. c. licet de offic. deleg. c. finali de Dolo et contumacia.

^b l. omnes dies C. de feriis.

^c l. si cum dies si arbitri, ff. de Arbitris.

^d l. 2. §. si quis cautio. nibus.

^e § hac autem versic. sancimus in Auth. ut cū de appellat. cognosc. Col. lat. 7.

^f l. contumacia versic. poenam, ff. De re iudicata.

^g Spec. tit. de Citatione. Bart. in l. i. ff. de in ius voc. et in l. probatam. C. de sent. et interloc.

quisquam Advocatorum dicat se paratum esse causam vocati nomine continuare, ac certiores illum facere, ut compareat vel mandatum legitimum transmittat. Tales si quidem continuationes nullius momenti sunt, ac si admittantur impediunt sapè, ne adversus reum, secunda vice vocatum, & absentem & de secunda contumacia accusatum, per provisionem (intendit) vulgo dictam, sententiam obtineat, propter primæ citationis vitium atque defectum, quod multoties accidisse Advocatis vidimus, tertiam citationem impetrare & exequi coactis, non sine maximis clientis sumptibus. Proinde cauti Advocati erit operam dare atque prospicere, ne Citatio ex aliquo defectu, vel temporis, vel locorum vel personarum vel vitiosæ executionis, (quam Galli *explevis* appellant, corruat. Ea siquidem si reddatur invalida ac nulla, omnia quæ postmodum superstruuntur, atque inde dependent, sunt nulla, & citatus comparere non tenetur, & si comparuerit potest sine licentia recedere quandocunque impune juxta ea quæ tradunt DD. Andr. Barbatia in c. consuluit De offic. deleg. Hipp. de Mars. conf. 38 vol 1.

observatiq.

a gloss. in
l. accusatori.
bus, C. de
Accusat.
quam sequi-
tur Bald. in
c. si clericus.
i. col. de pace
ten. in l. cum
fratrem C.
de his quib.
ut indignis
c. conf. 173
lib. 3. Hipp.
de Mars.
conf. 64. C. a-
e cula conf.
72. num 71.

Quæ sint partes Advocati in defendendo Reo.
Cap. 15.

Superiori capite discernimus, quæ sint Addocato perpendenda, Citationem clientis sui nomine perenti, ne in inutiles sumptus cum conjiciat. Nunc quomodo Reo legitimè citato, et comparenti consulere ac subvenire debeat, excutiendum venit. Et ante omnia utique examinabit, an cliens defensiones exceptionesque legitimas habeat easque probare possit: Reus, siquidē excipiendo fit

a. l. si pro-
curator ff.
de Procura-
toribus. cap.
mandato.
cod. tit.

27 Octobris
1554.

b. l. si quis
Advocatus
C. de Except.
cl. 2. C. de
confort. ejus-
dem litis c.
insinuante.
De offic. dele-
gati.

actor & non minus ad probationes tenetur, quam actor in
in exceptionibus ff. de probat. Deinde inquireret, Vtrum
Actoris Advocatus vestem nuptialem habeat, id est, legi-
timo mandato, & nomen constituentis, & constituti &
judicis, & adversarii, & causam & clausulam substitutio-
nis & ratihabitionis continente^a, munitus in iudicio co-
pareat causam acturus: Nam si eo destituatur, aut requi-
situm mandatum exhibeat, juxta Ordinationem 20 De-
cembris 1541 promulgatam, & ultima Novembris 1602
renovatam, non confectum, à limine iudicii repellendus
erit. Alioqui enim si de defectu mandati validi non ex-
ceperit, & absque tali mandato alieno nomine litigantem
admisit, reddetur processus retro nullus: quin in o & se-
tentia desuper lata erit nulla. Idem & in Advocato Rei est
observandum, ne iudicium reddatur illusorium. Quod
si de mandato utriusque legitimo appareat, Reus conven-
tus reliquas exceptiones, sibi contra libellum Actoris
competentes, simul & semel juxta Curiae constitutionē
27 Octobris anno 1554 publicatam, & ult. Novembris
1602 renovatam, proponere debet. Illud autem prospici-
et Advocatus Rei ne hominē peregrinū immobilia nō
possidentem, vel alium quēcunque non prestita pro litis
expentis cautione admittat, sed opposita ante litis con-
testationem exceptione eum repellat, postmodum frustra
oppositurus. Deinde ut exceptiones, tam declinatorias,
quàm recusatorias ac dilatorias, ante litem contestatam
objiciat, postea frustra priores duas oppositurus. Dilato-
rias autem si post litem contestatam opposuerit in multa
tam librę auri ex constitutiōe Imperatoris incurrēt^b, nisi
inopinatō supervenerint, ex dispositione juris^c, Peremp-
torias verò intentionem persequentis semper perimētes
ac

ac obstantes, post litem contestatam oppositurus^a. Quod si anormale sint quæ & mixtæ dicuntur, tam antè, quàm post litem contestationem, opponi poterunt, quales sunt. Excõmunicationis Ecclesiasticæ vel Imperialis, falsi procuratoris, inepti libelli, & quæcûque ostendunt iudicium nullius esse momenti^b. Ut autem ordo in iis omnibus servetur, ab exceptiõne declinatoria (nisi per contumaciã Reus, ab ea proponenda exclusus sit, quod Curia stylo receptum est) initium facere, deinde ad reculationem iudicis, progredi debet. Inter quas ea est differentia, quod priori proposita, iudex cognoscit, an sua sit iurisdicção, quoniam non est privata sed publica res cuius inspectio separata est à persona iudicis; posteriori verò arbitri cognoscat de suspiciõne aut si plures sint iudices, collegæ ipsius non autem arbitri, Quod. si verò iudex contemptis exceptionibus incompetentiæ, procedat in causa, statim appellabit Advocatus: quod si omiserit iudicem tacite & re ipsa exceptiones rejicientem, approbare censetur^d. Toram autem Exceptionum materiam hoc loco tractare, non est nostri instituti, cum ea a viris doctissimis, tumisq; Practicis, Speculatore Oldendorpio, Vin- delino, Schelling, Schæck aliisq; latissimè sit pertractata, è quib. plena (quod dici solet) manu petere licet, sed tantum digito quasi demonstrare, quod sit solertis Advocati officium in Reo defendendo, cuius vel maximè interest coram incompetenti aut suspecto iudice non litigare^e.

al. pen. & fina. C. de Except. l. peremptorias. C. sent. res. non po. e.

bl. licet. C. de Except.

el. 2 § sea si dubietur ff. De iudic. l. si quis ex aliena ibi dem.

de ex parte de Appel. las. c. si a iudice eod. ter. lib. 6.

el. apertissime, C. de iudiciis.

De Recusatione seu Rejectione Iudicis. Cap. 16.

SI cum perfectis viveretur, & omnes iudices tales esset, quales Iethro à Mose volebat eligi, nimirum, Viri potentis, & timentes Deum, in quibus sit veritas, & qui oderunt avaritiam,

DE OFFICIO

44

similes illi iusto, quæ Flaccus poëta describit, quæ *Nec ardor
crviti prava iubentur, Nec vultus instans Tyranni, Niente quatit solina. Et si
fractus illabatur orbis Impavidū feriant ruina.* Si tales (inquā) essent
iudices oēs, hæc Exceptio, in iudiciis, litibusque exceren-
dis locum non haberet: omnibus sibi persuasum habitu-
ris nihil eos facturos, quod legibus æquitatiq̃ repu-
gnat, nulla spe, nullometu, nullo odio, vel amore, ne latū
quidem unguē (ut habet adagium) recessuros ab eo, quod
iudicem integrum, incorruptumq̃ deceat. Sed cum ho-
mines sint, corruptelæ ac peccato ex lapsu primi parentis
obnoxii & concupiscentia ad malum sollicitate deprava-
ti, in ordinata aliqua affectione trāverlim rapti, nonnun-
quam ab eo quod rectum est legibusque consentaneum,

ac licet ex
suscepto De
foro compet.
c. cum specia-
li De Appel-
lat. c. suspici-
onis De offic.
deleg.

b Ang. &
Alex. allega-
tes alias de-
cisiones in l.
quia poterat,
ff. Ad. Sena-
tus consul.
Trebellian.
c lac. Bu-
rzig. Ang.
Salys. Fulgof.
in l. cam spe-
cialis, C. de
iudiciis.

d Alex.
conf. 154. lib.
9. Dec. conf.
200

delabuntur atque defleunt: Hinc factum, ut legiflatores
litigatoribus, ex causa legibus probata, iudices etiam or-
dinarios, tanquam suspectos rejicere ac recusare permitti-
runt^a. Verū enim verò cum ista recusatio plerumque
ingrata sit iudicibus, neque ex qualibet causa permiffa. Ad-
vocatus providus causas suspicionis à cliente suppedita-
tas, diligenter examinabit, & si illegitimas perceperit, cli-
entem suum ab iis proponendis dehortabitur, ne si eas re-
jici contingat, parum propitium postea iudicem experi-
atur. Quod si verò iustas legitimasq̃, quales oportet
esse juxta interpretes, deprehenderit forti animo, nulla
odii quod sibi conflaturus est ratione habita, eas propone-
re, Curiaque supplici libello porrecto (in scriptis si qui-
de non viva voce exprimendę sunt, juxta ea quę tradunt
DD.^c specificè declarare debet^d, ac petere, ne in perro-
gandis Consiliariorum sententiis, istorum qui recusari
sunt, habeatur ratio. Illud autem in confesso est, eam an-
te litem contestatam esse proponendam: nam lite conte-

stata

stata non admittitur, nisi causas suspicionis postmodū ob-
 ortas esse, ac ad suam notitiam, lite jam contestata perve-
 nisse, litigator jurejurando affirmare paratus sit. Quo casu a. l. non di-
 stinguemus.
 d. cum quidā
 arbiter ff. De
 Arbitris, l.
 Instans ait
 ff. De iudici-
 is, c. in iudici-
 re, De offic.
 deleg. DD.
 in l. apissi-
 mi C. de iu-
 ditiis. Barr.
 in l. quidam
 consuebant.
 ff. De re iu-
 dicata Can-
 tuncula cōf.
 x. num. 10. fu & post conclusionem in causa proponi posse, stylo hu-
 jus Curiae receptum esse, Advocati non ignorant: Quo
 ordine verò proponenda sit, superiori capite quoque de-
 claratum est. Ne autem temeritatis inculari possit, qui
 Iudicem recusare pretendit ut suspectum, Advocato illi-
 us perpendendum est, an id facere expediat, ne clientem
 in aliquod dispendium incidere cōtingat: præsertim si ta-
 les sint suspicionis causæ, quæ iudicis existimationem ali-
 qua labe aspergāt, ut puta si eum adversario nimis familia-
 rem faventemque esse, si pecunia corruptum, si animi sui
 motum disputando aliis præsentibus, detexisse impingat:
 siquidem si postea in probatione deficeret iste proponens,
 gravissimæ injuriarum actioni semet involveret, & iudi-
 cem ex injusta causa aut non probata recusatum semper
 inimicum experturus esset. Proinde advigilare debet Ad-
 vocatus, ut excussis probationibus clientis, si quas habet,
 expendat, quid facto sit opus. Ante omnia autem si quid
 istiusmodi proponendum arbitretur, ut de speciali man-
 dato sibi prospiciat, curare debet Advocatus, aut libellum
 supplicem causas suspicionis complectentem, Curiae por-
 rigendum, clientis manu signatum exhibere debet, ne si
 sinistra eum opinione gravari contingat. Iam verò cum
 variæ suspicionum causæ jure proditæ sint, operæ precium
 nos facturos arbitramur, si eas hoc capite obiter comple-
 xi fuerimus: Et primū quidem nemo ignorat, qui pra-
 xim forensem vel à limine salutavit, iudicem tam ordi-
 narium, quàm delegatum recusari posse, si alterutri liti-
 gatorum vel consanguinitatis, vel affinitatis vinculo con-

*ac. infinu-
ante. De offe.
delegatis.* **junctus sit.** Quod ipsum tamen non simpliciter proce-
dit. Nam si remoto gradu, veluti ultra tertium, alteru-
trum ex litigantibus attingit, certum est eam causam ad
recusandum iudicem ut suspectum non sufficere: praefer-
tim in Frisia patria nostra, in qua ad tertium gradum exclu-
sive consanguinei affinesque (ultorū siquidem par est con-
ditio) iudices esse non prohibentur. Sed cum diversarum
nationum non eadem in hoc articulo sit consuetudo, non
cēlemus opus esse huic rei diutius immorari. Ad alias ve-
rò suspicionum causas quod attinet, dici posse videtur,
eadem ferme causas, quae in reprobandis testibus allegari
ac proponi solent, in recusando iudice quoque locum
habere. Quemadmodum enim testem à dicendo testi-
monio repellit si parēs^b, si filius^c, si frater^d, si maritus^e, si
domesticus^f, si commensalis, si inimicus^g, si dominus, si
vasallus, si inimici mei familiaris & amicus, si socius, si
advocatus, si procurator sit: Ita quoque praedictae causae
iudicem suspectum reddunt: Quibus & aliae adnume-
rantur à Speculatore, aliisque Practicis, veluti si directè,
aut indirectè, emolumentum litis aut aliqua portio, ad
iudicem spectet: Item si similem aliquam litem habeat
iam motam vel verisimiliter movendam: Verendum enim
foret ne cum alterius detrimento suae causae prejudiciū
aliquod constituere vellet. Item si litem cum alterutro
litigatorū foveat^h, vel habuerit jam finitā Præterea & is
ut suspectus reputabitur ac recusabitur, quē alteruter ex
litigatoribus (utriusq; siquidē consensus requiritur) sibi
dari iudicē petierit quod mali exēpli esse, & ad verecūdi-
am quoque iudicis pertinere respondit Callistratusⁱ Iuri-
scons. Consimiliter & is ut suspectus recusabitur, qui
semet ingessisse, & ut iudex daretur procurasse, probas
probabitur

*b l. testis
idoneus. ff.
De testib. l.
parentes. C.
eod. tit.*

*c l. lege
Cornelia. ff.
De iniuriis.
d l. pen. ff.
eod. tit.*

*e l. 2. C.
eod. tit.
f l. 3. in
princ. ff. eod.
tit.*

*g e. accedens
ut l. 1. non
contestata.*

*h l. propter
litem. ff. De
Excusat. iur.
Ausb. si cu-
ratoris C.
qui dare iur.
Cur.*

*i l. obser-
vandum. ff.
De iudiciis.*

bitur^a. Istis siquidem causis specialiter expressis atque probatis (quod omnino requiritur, cum sola allegatio non sufficiat^b, merito legibusque permittentibus, tanquam suspectus à dicenda sententia repelli poterit, siue Ordinarius siue Delegatus iudex fuerit. Quod usque adeò procedit, ut dicatur Imperatori nihil magis cordi esse, quam ut sine suspitione, omnes lites peragantur, & tractentur^c. Usque adeo quidem ut etiam ab imperiali numine dati iudices recusari permittantur^d. Quinimo receptum esse interpretes dicunt, quòd nec Princeps tollere possit facultatem recusandi iudicem, glossa in c. ad hæc De Rescriptis Dec. c. quoniam contra De Probat. Quæ recusandi iudicem licentia tantum favorem ob id in libera repub. semper habuit, ut Plinius Secundus in Panegyrico Traiano Imperatori dicto, tanquam libertatis certissimum signum ac Imperatoris clementiæ ac lenitatis verum Τελευπριον referat, quòd recusari iudices à litigatoribus, absque ullo metu ac offensa potuerint, etiam in causis fiscum concernentibus, cuius nunquam malam esse causam dicit prædictus Plinius, nisi sub bono Principe. Ejus hæc sũt verba: *Sors & urna fisco iudicem adsignat: licet rejicere, licet exclamare, hunc nolo: timidus est, & bona seculi parum intelligit: Illum nolo, quia Cæsarem fortiter amat: Eodem foro utuntur Principatus & Libertas.* Proinde nec iudices, qualescunque sint, iniquè ferre debent ex iusta causa se recusari, nec Advocatus absque reprehensione clienti hac in re deesse poterit, cum non ignoret recusatione interposita processum postea habitum ipso jure nullum esse juxta Innoc. Abb. & alios in c. cum speciali de Appellat. Alex. conf. 89. vol. i. etiam si non sit appellatum.

De

aliqua
ma ff. de
Procuratori-
bus.
b. c. suspi-
cionis, De
offic. delegati
s. cum specia-
lis. De Ap-
pellat.
c. l. apertis-
simi c. de
iudiciis.
d. d. l. aper-
tissimi.

*De libello, responsione, reliquisque processibus partibus
scripturis. Cap. 17.*

Iam verò si contra Citationē emissā iudicisq; qualitātē
quod vel incompetens vel suspectus sit nullus exceptio-
nib; locus sit amplius, sed lis suo tramite omnino decur-
rere debeat; Advocatus Actoris libellū, actionē & futuræ
litis speciē cōplectentem, edere debet in iudicio, ut Reus
conventus deliberare queat, cedere an contendere velit.
Dabit autem operam Advocatus, ut factum causamq;e
aptam quæ medium est concludendi, & ex qua sequi pos-
sit condemnatio, clavis aptisq;e verbis, omni dubio et
obscuritate carentibus, in libello, per articulos ritē di-
stincto, juxta Curia Ordinationem 20 decembris anno
1541. publicatam, & ultima Novembris 1602 renovatam
& Enchiridio Statutorum insertam, proponat, subiecta
competenti conclusione: Narratio siquidem & conclu-
sio demonstrant qualis actio proposita sit. Et cū libel-
lus sit substantiale fundamentum litis, usque adeò ut eo
ad nihilum redactō, processus reddatur nullus^a, provide-
re debet Actoris Advocatus, ut libellus sit aptus, omni-
que ex parte absolutus atque perfectus: Nam ex vitiosa
petitione Actor obtinere nequit, licet probatio exquisi-
tissima subsequuta sit. Proinde Advocato Rei consideran-
dum est & inquirendum, an libellus non aliquo respectu
impugnari & subverti possit. Nam illa exceptio inepti-
tudinis, vel incertitudinis generalitatis obscuritatisq;e
libelli, in qualibet iudicii parte, atque adeò & post sen-
tentiam opponi potest^b: Quinimo Iudex ex officio talem
libellum ineptum lacerare ac rejicere tenetur, Baldus in l.
final.

^a c. exami-
nata ibi Fel.
De iudiciis.
et DD. c. 1. de
libelli oblat.

^b Iason in
l. si patronus
ff. De iure-
jurado. Bald.
in l. Excepti-
onem C. de
probat. Ma-
vanta in spec.
aures parte
6 novū mē-
brum nu. 5.
Panor. in d. c.
examinata
nu. 3. & 4.
Dec. cōf. 252.

final. C. de annali except. gloss. & DD. in l. 1. ff. de offic. aſi. Ad hæc proſpicere debet Advocatus actoris, ne quid libello interat, clienti ſuo damnoſum: habetur enim pro confeſſione judiciabili, quæ contra Actorem probat: Quod tum procedit, ſi reu. talia narrata libello compres-
 henſa, acceperit; ſecus ſi contradixerit: Eo ſiquidem
 caſu iſtiusmodi narrata confeſſionem inducentia, non
 nocent narranti & confitenti, juxta ea quæ tradit Baldus,
 qui dicit ex libello negato neminem ſe fundare poſſe.
 Denique providere debet ne clauſulam illam ſalutarem
 omittat: Peto mihi jus juſtitiamque adminiſtrari, omni
 meliori modo ac via, etc. Quæ ejus eſt efficaciam, ut vide-
 tur litigans omne jus ſuum qualitercunque competens, in
 judicium deduxiſſe, juxta communem Doctorem opinio-
 nem. Imò operatur & efficit iſta clauſula, ut judex in ju-
 dicio non ſolum rei geſtæ veritatē, quæ ex actis conſtet, non
 petitionem Actoris reſpicere debeat, prout tradit Guido
 Papa, dicens quod propter hanc clauſulam judex potiùs
 reſpicere debeat ad jus partis, quàm ad Actoris petitionē.
 Cujus virtute etiam expenſas, licet non petitas judex adju-
 dicare poteſt, ut inquit Myſſingerus, & ſententiam ſu-
 per inepto libello quoque ferre, juxta ea quæ tradunt
 doctores diverſis locis. Imò tantæ potentiam eſt prædicta
 clauſula ut ſiquis poſſeſſorium intentaverit cum d. clauſu-
 ſula, etiam in petitorio obtinere poſſit, DD. in. d. c. cū
 dilectus Felyn. in c. licet hely, De Simonia. laſon l. natu-
 raliter & nihil cōmunne, De Acq. poſſ. Quæadmodum au-
 tem à libello abeſſe debet omnis obſcuritas, generalitas &
 incertitudo: ita quoque reſpoſio Rei omnibus prædictis
 vitiis & carere debet, elapſo trium ſeptimanarū termino,
 præciſè tradi & exhiberi quæ non ſolum clariſ aptiſq; ver-

a Bald. in l.
 pecum & in
 l. si magnā.
 C. Quia accen-
 ſari non poſſe
 ſunt l. 1. C.
 de confeſſiō.
 b Parisius
 conf. 115. lib.
 1. num. 36.

c in c. cum
 dilectus de
 ord. cog. 2.
 de offic. ord.
 laſon in l.
 petens. C. de
 factis Ang.
 & omnium in-
 ſtit. De Acq.
 poſſ. lib.

d conf.
 & 49.
 e conſilio

16. num. 49.
 f Abbas in

d. cap. cum
 dilectus. So-
 cinus cōſ. 39.

parte, prima.
 laſon in d. l.

petens. Ang.
 in d. & omni-

um. Felyn. c.
 cum ſuper

De offic. de-
 legati Innoc.

in c. exami-
 nata.

De judiciis:

bis litis contestationem inducentibus, articulisque distincta (prout de l bello ante relatam est) sed quolibet articulo unum tantum factum complecti debet: quod & Ordinatione magni Consilii apud Mechlinenses cautum reperitur sub Tit. de Advocatis & Procuratoribus, artic. 9. ac intuper ad singulos libelli articulos rotundè & categoricè, vel confitendo, vel negando non quidem generaliter, sed specificè respondere Reus tenetur, alioqui vi ac potestate Ordinationis ultima Novembris 1602. promulgatæ ac Enchiridio Statutorum insertæ, pro concisis omnia habebuntur, quæ ita refutata non fuerint. Quod autem de trium septimanarum spacio in iis exhibendis precise observando antè dictum est, locum habet, nisi causa aliquo privilegio subnixa, breviori termino in iudicio ex Curie Decreto tractanda peragendaque veniat: ut est Alimentorum, Matrimonialis, Mercedis non solutæ causa, ac similes, in quibus octiduum prefinitum est. Quod si provisio locum habeat, aut his 50 aureorum Carolinorum summa minor sit, juxta Curie cõstitutionem exemplò respondere reus, ac intra octiduum litem peragere tenetur: Quod & in aliis causis locum habet, in quibus de plano, & sine figura iudicii, summarie ac sine strepitu proceditur; in quibus sufficit petitionem Actoris, viva voce factam, actis inseri. Quod si verò materia tam sit lata, & diffusa, variisque circumstantiis usque adeò implexa ac involuta, ut libello responsioneque concludi nequeat, sed omnino replicandum, duplicandam, aut ulterius quæque scribendum sit, utriusque partis Advocati prospicient, ut in processu omnia facta, quibus probatis, victoriam se consecuturos confidunt, aptè distinctèque proponant, nullisque repetitionibus ac superfluis verbis utantur.

Ultima Novembris 1602.

a Clementina sapè De re iudicata.

tantur quod *ἐκταλογία* dicitur. Nam interlocutione
 iudicis ad probandum admissi, non alia facta probatoriis
 articulis comprehendere permittuntur, quam quæ in
 processu ante sententiam interlocutoriam proposita, at-
 que narrata reperiuntur, exclusis tamquam impertinenti-
 bus, quæ postmodum articulis inserta sunt, quorum in
 processu nulla facta fuit mentio, prout Ordinatione Cu-
 riæ 20 Decembris anno 1541 promulgata, & ultima No-
 vembris 1602 renovata, cautum reperitur. Atque
 eò spectat protestatio ex stylo Curiae interrogatoriis
 permessa, de impertinentibus non admittendis valde uti-
 lis & necessaria. Ea siquidem efficit, ut eorum in deciden-
 dis litibus, iudex rationem nullam habere possit ac debe-
 at. Prædicta autem constitutio eam recipit limitationem,
 nisi petita adversus omissionem in integrum restitutione,
 (quæ ex probabili causa indulgetur) aliter dispositum fu-
 erit: Neque enim quisquam legitimis probationibus de-
 fensionibusque facile secludendus est, vel præcipitandus:
 quod præcipitatio sit iustitiæ noverca: Postremò illud
 quoque præcavebunt Advocati, ne in Quadruplicatione
 ulla instrumenta exhibeant: Id enim Curiae vetat ordina-
 tio 15 Martii anno 1597 publicata. Quòd si fecerit Reus,
 poterit Actoris advocatus, licet in causa conclusum sit ea
 refutare, præcisa contradictione ejus qui hoc fecit. Porro
 & illud vitabunt Advocati ne, prolixitate scribendi vel
 adversarium obruant vel iudici tenebras offundant, me-
 mores ejus, quod rectissimè Baldus dixit, tantum valere
 unum verbum effectivum quantum mille. Qua parte, ab
 aliquibus Advocatis pluribus abhinc annis valde peccas-
 tum est. Tempore quo nos, relicta Mechliniâ, praxim in
 patria exercere cœpimus, anno 1572, Advocatos hujus

Curia, viros canicie venerandos, iuris scientia, & praxis peritia prestantes, prudentia morumque gravitate contempnos, fideque propè singulari, quorum nemo in vivis nunc est, ab ista prolixitate alienissimos fuisse vidimus, quam illi tanquam pestem iustitiæque remoram, averlabantur, quorum aliqui in causis graavioribus nos sapè hæsitacione liberarunt, ac consilio intruxerunt ignorantiam nostram. Quam ipsam prolixitatem ut obscuritatis matrem, a iudicii pellendam fugandamque serenissimus ac potentissimus Angliæ, scotiæ, Hibernæque Rex Iacobus, ejus nominis I in dono Regali ad filium dilectis verbis monet, neque immeritò, quidem cum veritas simplex sit, quæ fucoloribusque non eget, paucis que declarari potest: unde & suspecta iudicibus ista prolixitas plerumque solet esse. Quæ quidem nimia prolixitas, Edicto prædicto causam dedit anno 1597 promulgato, quo centesimum articulum numerum, & quadruplicationem, absque Curia permissione, libello supplici impetrata, excedere non licet. sed ut illa prolixitas, ita & alii complures abusus, hoc ævo nimis maligno, in praxim hujus Curia irreperunt, quibus tollendis rescandisque Ordinationibus diversis, ultima Novembris 1602 promulgatis, aliquatenus prospectum est: Nos certè cum Plinio secundo fateri cogimur descivisse nos à consuetudine parentum, apud quos omnia disposita, moderata, tranquilla, maiestatem loci pildorèque retinebant.

*a Epistola
ad Maximū
lib. 9.*

*Quod sit officium Advocati in processu concludendo
ac instruendo ante sententiam interlocutoriam
Cap. 18.*

Processu ut antè retulimus, ad conclusionem perducto
Advoca

Advocatorum partes sunt, eam in instruendo curam diligentiamque adhibere ut facta, cum originalibus scripturis (gallicè *minutes* vocant, practici) collatione, inspiciant numin de cribendo, alicubi erratū sit ab amanuēlibus Curiae & si errata vitiaqueprehenderint, ea sedulò corrigāt, & per articulos aptè numeris distinctos notēt, suaque subscriptione munitum Graphæo Curiae aut illius vicario, quem Actuarium appellant, actis inscribendum adnotandumque porrigant. si enim secus factum fuerit, facile fieri potest, ut totus processus intercideret, quod aliquando accidisse conquestos fuisse Advocatos, quorum intererat, audivimus. Certè Curiae ordinatione nuper publicata, injunctum est Advocatis ut prædictis solemnitatibus adhibitis, processus instruant, instructosque debito loco collorari ac reponi procurent, adnotatione prius facta, quo die, mense, ac anno aliis processibus accesserint. Omnino autem sollicitè cavere debent, ne concluso processu in iudicio, cum instructuri aliquod instrumentum in processu non exhibitum, nec à parte adversa antè visum reitorio adjiciant ac infarciant. Id enim non tantum permissum non est, lege prohibente, sed prorsus pugnat cum fide boni viri, qualis vel maximè esse debet Advocatus. Nulla enim injustitia major excogitari potest, quàm si operam det & ingenti nervos omnes intendat advocatus, ut quo jure, quæve injuria, adversarium circumvenire atque supplantare possit, ad obtinendam causæ victoriam. Quinimò si machinationibus callidis technisque reprobatis advocatus sententiam pro cliente suo consecutus fuerit, ad restitutionem tenetur, si in ingressu litis, si postmodum clientem suum injustam fovere causam prehenderit non minus quàm si per imperitiam

aut negligentiam causa iusta cliens ceciderit, utroq; enim casu tenetur Advocatus ad restitutionem, ut dictum est.

a Alberic.
in l. 1. C. de
suffrag. Host.
in summa de
Advocato. 9.
fin. vers. te-
nem. Spec.
eod. tit. vers.
qui si perim-
prua.

De Interlocutoria Iudicis sententia. Cap. 19.

PROCESSU concluso, & juxta Curia stylum instructo, consueverunt aliqui Advocati, ad praecidendas moras, & ut eo citius ad probationes proferendas admittantur, suo periculo (etiam refragante adversario) petere processum Interlocutione iudicis terminari, partesque ad probandum admitti: Id quia periculo non caret, cautè advocatus in eo negotio versari debet, non ignarus quòd si Curia, processum postea censi secus visum fuerit, non impunè laturus sit. Vidimus enim nostro tempore Advocato magni nominis, duarum librarum Flandricarum multam irrogatam fuisse, quòd processum in factis consistere adseverasset, & suo periculo interlocutionem iudicis delegati, intervenire procurasset, què Curia ad instantiam Advocati partis adversæ postmodum absq; interlocutione terminari potuisse deprehēdebat & definiebat. Turius itaq; fecerit Advocatus si Curia censi processum obtulerit, ejusq; diffinitionem expectaverit, nisi res tam sit manifesta ut Advocatus quoq; partis adversæ, facti esse questionē declararet. Quòd si per malitiā id fecerit, ut ea via terminationi litis remorā injiciat, ac adversariū frustratoris dilationibus detineat impediaturque, certus esse debet Advocatus, gravissimè Deum omnis injustitiæ, doli fraudisq; hostē, offensum iri, atque se ad expensarum damnorumque & salarii proprii non tantum in foro poli (ut loquuntur) sed et foro fori restitutionem teneri. Illud autem sui esse officii Advocatus intelligere debet, ut Interlocutione iudicis facta

Observatio

facta & partibus ad probationes inferendas admissis, statim clientem alibi commorantem certiores faciat, eumque moneat, ut primo quoque tempore ad se veniat de articulis concipiendis probationibusque preparandis communicaturus, non ignarus, Ordinatione Curiae nuper renovata, Enchiridióque Statutorum inserta, primam dilationem à die latae sententiae Interlocutoriae initium capere ac labi, licet in iudicio ab Adversario nulla sit facta interpellatio. Quod Advocatus omittere & negligere minime debet, cum & clientis intersit scire, & ille quoque eo nomine salarium percipiat.

*Ultima No.
vobis 1602.*

De Dilationibus probatoriis. Cap. 20.

Cum objectum, finis scopusque Advocationis sit iustitia sacrosancta, circa quam versatur causarum patronus, eaque sit unicum reip. vinculum idque fortissimum, quo concordia civium colligatur & continetur, qua sublata nihil cuiquam exploratum esse potest, quid suum, quid alienum sit, teste Cic. Illud advocatus sibi persuasum habere debet, nihil tam ad officium suum pertinere, quam ut lites incolarum sibi commissas quam citissime ad finem perducatur. Quod tum futurum est, si dilationibus ad probationes producendas jure concessis, praecidendis decurtandisque invigilet. Quorsum enim dilationum temporibus, duobus videlicet mensibus, elapsis tertiam sibi dilationem concedi postulat Advocatus, testibus in provincia commorantibus, qui prioribus duabus currentibus nullam diligentiam praestitit, sed in utramque (ut dici solet) aurem dormivit? Quorsum adversus non unus aut alterius, sed trium quoque terminorum lapsum

*a In Ora-
tione pro Co-
suetudine.*

in

integrum restitutionem postulat, is qui prioribus curren-
tibus ac labentibus, ne diploma quidem (*Commissionem*
vocat,) nedum Citationem ad testes suos evocandos
requisivit? Illud extra controversiam est Advocatos eade
causa pessime audire, atque falsissimè à populo traduci,
quòd data opera plures & superfluas dilationes, sine cli-
entis quoque mandato, ad fatigandum adversarium & li-
tes protrahēdas sibi cōcedi postulent. Profecto fateri opo-
rret eos, qui malitiosè hoc fūdēt, contra iurijurandi reli-
gionē, in cōscientiā & viri boni officiū peccare & delinque-
re, cū quantum in se est reipub. tranquillitatem, civi-
ūque concordiam convellant atque conturbent. Inte-
rim tamen nolim ea, quæ dicta sunt, ita accipi, quasi cur-
quā authores esse cupiamus, ut adversarium suum a pro-
bationibus secludat: Scimus enim favorem habere pro-
bationes, quibus causa instruitur atque allegata in pro-
cessu docentur, earūque non angustandam, sed ampli-
andam esse facultatem, ut loquitur Imp. b. Sed id tantū
improbamus, ac bonæ fidei nequiquam congruum esse re-
stamur & declaramus, si quis ex composito cum cliente
suo, hoc agat, ut finem litis protelando ac differendo,
partem adversam mora longa sumptibūque fatigatum
vel ad deferendam litem, vel transigendam velit nolit,
compellat adigātque. Illud enim à viro bono qualis Ad-
vocatus esse debet, quam remotissimum esse debere nemo
vel mica cōscientiæ præditus, diffitebitur. Facit enim ta-
lis Advocatus contra legem charitatis, facit contra leges
& Ordinationes publicas, quibus iurejurando obstrictus
est, denique contra juris præcepta quod profitetur: Ne-
que enim quidquam ab honestate tam est alienum, quā
facultates proximi, istiusmodi malis arribus technis-
que at-
terere

a. l. quoniam.
de heredi-
tatis & Ma-
nichæis.

tere & pessundare. Quod si verò alteruter ex litigatoribus elapsis dilationibus tribus testes sibi producendos arbitretur, supplici libello Curia porrecto expressis impedi-
menti caulis aliquod sibi tempus indulgeri petet, ac re in contradictorio judicio ventilata & disputata, Curia si postulationem requirentis rationibus subnixam compererit, aliquod dierum spacium non gravatè concedet, ne quem à probationibus secludi contingat. Quam judicalem postulationem certis verborum formulis conceptam, *sic* *Requet*, in judicio Curia consuevit exprimere.

De positionibus Articulisque probatoriis. Cap. 21.

QVONIAM hujus Curiaë supremæ stylo receptum est, ut, antequam testes ad dicendum testimonium adhibeantur, utraque pars, jurijurandi propter caluminam (nisi illius gratia facta fuerit) religione constringi possit, qua sub nominis divini invocatione declarant & profitentur, parte ad hoc citata, se credere justā esse causam quam persequuntur, nihilq; fecisse, nec facturos esse, quo judicū integritas labefacteretur, & veritatē candidè simplicitérq; dicturos, nullis superfluis dilationib. trahēdē litis gratiā usuros; Advocatus cavere summopere debet, ne clientem instruat, quid ad positiones articulósque respondere debeat, ut condemnationem justam effugiat. Gravissimè certè istiusmodi Advocati peccant, qui & jurijurandi religionem violant, & Deum opt. max. justitiæ veritatísque protectorem & vindicem, imò veritatem ipsam offendunt, insuperque clientem proprium mentiri docentes maximo se se peccato involvunt. Quod si cliens instet ac urgeat consiliūque petat, quid respondere debeat, ut victoriam

H

obtineat, faciet Advocatus quod Ioannes Baptista Caccialupi in Tractatu suo de officio Advocati, faciendum suadet^a, ut dicat: *Si sic responderis perdes causam, si aliter & contra*

veritatem animam perdes. Tenetur certè, Advocatus, graviter clientem suum monere, & divini numinis iram vindictamque ob oculos ponere & inculcare, ne contra veritatem respondeat, sed ut purè ac planè, præsertim de proprio facto, absque ulla luitatione ac adjectione respondeat. Id si fecerit Deo conscientiam suam probabit & laudem bonumque nomen apud homines, etiam eos, qui mali sunt, sibi conciliabit. *Fides etenim in presentia eos quibus resisti offendit, deinde*

b lib. 3. E.
pist. Epist. ad
Melinianum.

ab illis ipsis suspicitur atque laudatur, teste Plinio 2^b. Porro Advocatus, qui positiones articulosque contribit, id prospicere quoque debet, ne nova facta in processu non allegata articulis inferat, ne singulis articulis amplius quam unum factum complectatur: id enim vetat Curie Ordinatio 15 Martii 1597 promulgata ac Enchiridio Statutorum inserta, sub Rubrica de Advocatis artic. 13. Quod & Ordinatione magni consilii apud Mechliniam cautum est, artic. 34. sub Tit. *Ordonnance et style de proceder.* Sed nec articulos ita concipere debet, ut rudes simplicesque homines, per confessionem per verbum (*credit*) prolatam in captionem incidant, quod tum fieri sæpè vidimus quando præjudiciabilis aliqua qualitas, multis verborum involucris tecta, articulis inserta reperitur, quam respondens, doli nescius in responsione sua non exceptit. Id si quidem Advocatus ut vir bonus, salva conscientia facere nequit, qui in eo, ut in reliquis processibus partibus, bona fide & sincerè versari debet, nec quicquam admittit, quo clientis sui adversarius supplantetur damnumque accipiat injustè. Verum enimverò cum ipsæ positiones

ab

ab Actore conscriptæ exhibitæque contra eum tanquam confessum probent^a, adeo ut revocare talem confessio-
nem tanquam judicalem nequeat^b, sollicitè providebit ^{alcap. finali de iur. juran-}
Advocatus, ne positionibus articuli que ea complectat^c. ^{do.}
tur, quæ clienti proprio præjudicare possunt: Producens ^{b Spec. Tit. de posit. § us.}
si quidem positiones fatetur vera esse, quæ in illis conti- ^{cimo, num. 8.}
nentur, ^c. Porro cum aliqui Advocati consueverint, parti ^{cl. cum pre.}
adversæ, ac etiam testibus, ad articulos aut etiam interro- ^{cum, C. de}
gatoria responsuris, positionibus interrogatoriis que cri- ^{lib. caus. l. 1.}
mina complecti; quod videlicet vel perjurus, vel adulter, ^{transactio.}
vel hæreticus sit, & istis respondere non teneatur, erit Ad- ^{ibi Bald. C. de Transact.}
vocati partis adversæ hîc officium monere clientem suum, ^{Alex. conf.}
vel testem, ne tali positioni criminosa respondeat, alios ^{71. lib. 10.}
qui enim si falsus fuerit tale delictum, dictum illius nulli-
us erit momenti, teste Lanfranco^d.

^{d Tit. de te- ste, num. 790}

De confessionibus. Cap. 22.

Responsione ad positiones articulosque reddita, prima
cura erit Advocati, diligenter inspicere quid clientis
adversarius responderit. Nam si confessus fuerit id, quod ^{cl. cum te,}
est intentionis fundamentum, salva res est: nec enim ne- ^{C. de Trans-}
cesse erit testibus producendis oleum operamque perdere. ^{act. genera-}
Cum nulla sit efficacior probatio quam propria confe- ^{les C. de nom-}
sio^e. Confessio siquidem judicialis, ab omni onere pro- ^{num. pec. l.}
bandi relevat: Imò confesi in iure pro judicatis haben- ^{fin. C. de fi-}
tur^f Et ratio est, quia quodammodo sua sententia dam- ^{descom.}
nantur^g, atque ob id nulla dicuntur esse partes judicantis ^{fi. unica, C.}
in conitentes, nisi ut condemnet^h. Vnde ex illa confes- ^{de confessis.}
sione procedi solet ad sententiam definitivam, etiam in ^{gl. 1. ff. cod.}
causis capitalibusⁱ. Quod tamen non indistinctè proce- ^{tit.}
^{hl. proinde}
^{§. ult. ff. de l.}
^{Aquilam.}
^{Aug. in}
^{ea quidem.}
^{C. de accus.}

dit, sed concurrere debent ea, quæ interpretes tradunt. Quorum primum est, ut sit facta coram iudice suo^a. Nam sicut sententia à non suo iudice lata, est nulla: Ita quoque confessio coram eo prolata non stringit^b. Deinde requiritur ut sit facta adversario presente: licet id in hac materia locum non habeat, in qua de ea tractatur confessio, quæ ad partis instantiam, & iudicis interrogationem seu examinationem super articulis factisque in processu antè interlocutoriam negatis, fieri consuevit. Et licet aliàs in confessionibus ad obtinendam victoriam requiratur quoque ut sit facta à maiore 25 annis, ob id quòd minor adversus suam confessionem, in integrum restituatur^c, præterea ut sit facta libera voluntate, & non coacta^d. Ad hac, super re litigiosa: Ea tamen in his confessionibus de quibus agimus locum sibi non vendicant, cum minor personam standi in iudicio non habeat, nisi ætatis venia impetrata: Ea enim indulta omnes ad ius legitimos exercere potest, non minus quàm qui 25 annum explevit, prout decisione Curia huius re ab Advocatis in dubium vocata 29 Iunii 1604 definitum est, & in iudicio cesset omnis metus vel coactionis suspicio. Illud autem præter cætera in hisce confessionibus requiritur, ut sint factæ ex certa scientia & non errore. Is enim qui errat, non fatetur^e. Vnde error facti necdum finito negotio nemini nocet. Quo probato, iudicis est providere, ne parti erroneè confectæ, aliquod exinde præjudicium generetur^f. Quamvis autem regulare sit, ut antè diximus, quòd confessi pro iudicatis habeantur, & confessio ab onere probandi releveret; multi tamen præter eos quos retulimus, in iure casus sunt, quibus confessio confitenti non præjudicet, veluti si postea liqueat articulos fuisse imperinentes^g. item si quædam-

a l. 2. De
confessis. et
fieri De
iudiciis.

b Butrius
in d. c. si
clericus. & c.
si diligenter.
De foro com-
pet. Alex. cõf.
30. lib. 7.

c l. certum
§. in pupillo.
ff. De confes-
sis. l. si ex
causa iudica-
ti d. nunc vi-
dendum. ff.
De minorib.
25 annis.

d c. 1. §. q.
6. l. confes-
sionib. ff. De
interrogat.
Añ.

Observatio.
29 Iunii
1604.

e l. non fa-
tetur. ff. De
confessis.

f c. fin. De
confessis.

g Innoc. 1.
C. cum con-
tingit de offic.
delegat. Ma-
ximi. parte o-
bis. de posses-
sione 33.

Adyn. cõf. 52.

dam apud Acta profiteatur ancillam se vel servam esse, Talis enim confessio, confitenti non prejudicat, & hæc de censionem libertatis non excludit^a. Similiter si cōjugas^{a l. intervo-} tus fateatur, ante contractum matrimonium, se uxoris^{gata, C. de} suæ consanguineam cognovisse, imò fateatur uterque,^{liberali can-} tamen propter talem confessionem, non separantur con-^{sa.} juges. Porro ad nostram materiam quod attinet, illud ex- tra controversiam est, si partes jurejurando de veritate di- cenda præstito, ea quæ positionibus judici exhibitis com- prehensa sunt, & ad victoriam consequendam sufficiunt, respondendo confessi fuerint, testium productionem ne- cessariâ non esse; ut nec tunc, quando pars ad respondens- dum art culis bina citatione evocata, contumaciter ema- net: habetur enim quoad positiones in judicio exhibitas, (quod necessariò requiritur) pro cōfesso^a. Id enim stylus^{b d. cap.} hujus Curie recepit & in praxi observatur. Quod tamen^{ult. de con-} non aliter procedere tradunt interpretes, nisi sit præses co-^{sessis, lib. 6.} rã judice & monitus ut juret non respōdeat dum præsens est, vel contumaciter se absintet post admonitionē factam à judice, ita ut contumacia nulla ratione possit excusari. *glossa in c. si post præstitū.* Neque verò Advocatum movere debet, responsiones *Bald. in l. u.* partis adversæ examinantem, si qualitem aliquam restri- *nica C. de* ctivam adjectam deprehenderit; cūm ignorare non debe- *confessis, &* at, istius qualitatis, quæ responsioni affirmativæ adjecta *in l. 1. § quod* est, probationem, respondentis eamque alleganti incum- *observari, C.* bere: Quam non probata, perinde habetur, ac si purè abs- *de juramen-* que adjecta qualitate respondisset, confitens id in quo car- *calumnie.* do negotii versatur & consistit. Illud prædictis obiter *Canonic.* adjiciendum arbitramur, non requiri præcisè partis ipsius *cōf. 27. nro* ad articulos responsionem, si propter probabilem causam *59.* adesse nequeat, sed per Advocatum aut procuratorem,

in animam clientis jurantem, responsionem dari posse, ita tamen si ad singulos articulos instructionem transmissam habeat atque exhibeat, alioqui repellendus quod & Ordinatione Curie Hollandicæ artic. 125. cautum ac permisum reperitur.

De Interrogationibus ad Articulos exhibendis.
Cap. 23.

Interrogationum quæ & interrogatoria à practicis dicuntur, usus in iudiciis causisque forensibus ferè omnibus sibi locum vendicat: Ut nimirum pars, contra quam testes producuntur, articulis interrogationes subiciat, super quibus non minus quàm ipsis articulis testes examinari & interrogari debent, ob id quòd magnum ad erundam veritatem momentum habeant, atque eo nomine solum exhibeantur, ut iudici tanto promptius veritas innotescat^a. Nam si testes non sint integræ fidei, animis eorum ex aliqua causa in favorem ejus, à quo producuntur inclinantibus ac propendentibus, per interrogationes ad omnes loci, temporis ac personarum circumstantias, falsitatis facile convinci possunt. Siquidem permulti homines reperiuntur, qui ad perhibendum testimonium vocati, faciles sunt, & non satis animadvertunt, quid dicant, qui per interrogationes istiusmodi, non raro, tamquam è profundo somno excitati, semet ipsos recolligunt, dictaque sua corrigunt, aut si id non faciant, semet ipsos confundunt, testimoniumque suum suspectum reddunt. Quo fieri credimus ut in Tribunalibus Orientalium civitatum, primum ad articulos, deinde ad interrogationes partis singulas, pari fide ac diligentia examinentur.

^a c. presentium. De Testib. lib. 6. Baynsing-ösf. 3. n. 4.

tur. Istiusmodi enim informationes nobis sæpè exhibitæ fuerunt, quas non sine voluptate & admiratione legimus. In nostris tum inferioribus tribunalibus, tum suprema Curia non ita fieri vidimus, examinadoribus sæpè exiguam interrogationum rationem habentibus, nisi urgeantur, quod nobis non rarò contigit. Consimiliter quoque in examinandis testibus, antehac peccatum fuit ab examinadoribus, sola credulitatis voce contentis. Sed Edicto Ordinum nuper publicato^a, ei rei prospectum fuit, ad in-
 junctum ut testes audituri, extensè eorum dicta excipiant
 atque describant, non contenti verbo, *credit*, ut fieri con-
 suevit his verbis, ad primum, secundum, ac tertium articu-
 los respondit testis *credit*: Id enim Ordinatione prædicta
 vetitum est,, sed debent ad longum testium depositiones
 scripto complecti, adicientes quid sit quod verum esse
 aut se credere dicant. Quod si observatum fuerit, ut præ-
 ceptum est, experientia rerum magistra docebit, testos non
 omnia adseveraturos. quæ articulis, quos se credere dixe-
 runt continentur: præsertim si super interrogationibus
 partis adversæ, diligenter examinari quoque fuerint. Nam
 aut dicta sua statim corrigere cogentur, aut si id omiserint,
 contrarietatis semet redarguent. Qui certè mos interro-
 gandi testes laudabilis utilisque ad veritatem eruendam,
 mordicus observandus ac retinendus est: Ac tanto qui-
 dem magis quòd jure civili ac Curia stylo receptum sit,
 ut non nisi parte, contra quam testes producentur citata
 (ut scilicet testes jurare videat atque interrogatoria exhi-
 beat) fiat examinatio. Quod quidem usque adeò requiri-
 tur, ut nisi id factum fuerit, tota examinatio testium irrita
 reddatur, viribusque careat. Est enim ea observatio de
 substantialibus judiciorum solemnitatibus, qua omissa,
 reddi-

a ultima
 Novembris
 1602.

redditur actus nullus, juxta ea quæ tradunt DD. diversis locis^a. Illud autem ad munus & officium Advocati pertinet, sollicitè prospicere ut hæc quæ dicta sunt ad unguem observentur: & inter cætera præcavere, ne interrogationum vel parti adversæ, vel testibus prodicendis copia fiat, antè examinationem. Id enim minimè expediret, sed usum utilitatemque interrogationum interciperet, testibus antè ad singula interrogatoria quid respondendum sit edoctis, ac instructis. Porro operam dabunt Advocati ut in concipiendis interrogationibus modum adhibeant. Neque enim earum multitudine onerandus est Curia delegatus; Qua parte à quibusdam Advocatis peccatur qui omnia clientis sui merita causæ interrogationibus complecti solent malo more & exemplo.

De Testibus producendis & quod sit Advocati in ea re munus. Cap. 24.

bl. i. f.
De Testib.

INter omnia quæ hætenus in medium allata sunt, iudicii membra, nullum est quod majorem fidem probitatem, ac circumspeditionem Advocati desiderat, quàm hoc ipsum de quo nunc agimus. Nam cùm necessitas rerum ea sit teste jurisconf.^b, ut in quæstionibus facti, instrumentis deficientibus, nullus ferè detur exitus, nisi per testes, utraque parte quod verum est sibi arrogante, providi industriique Advocati erit procurare ut omnia, debita cura ac sollicitudine conficiantur. In primis autem dispiciet ut legitimè in producendis testibus nomine clientis sui procedatur, nihil subdolè, nihil contra formam juris fiat. Cavere itaque debet, ne delegatum iudicem seu examinatorem clienti suo propitium, & parti adversæ suspectum, impe-

impetrare studeat: Id enim bonæ fidei consentaneum non est, ac jure quoque reprehenditur^a. Deinde ne consilium cliēti execrabile det, de testibus corrupendis, aut instruendis, aut ad clientis sui (quæ multorum hominum malitia est) requisitionem instantiamque ipsemet id faciat. Peccat siquidem gravissimè qui id facit, teste Bart.^b. Sed clientem, ad hoc impium remedium declinantem, serio & cordatè monere debet, ne quid tale contra rectam conscientiam molitur, etiamsi omnes latere posset, nihilque Deo opt. max, tam exosum esse, quàm proximum circumscribere, dolo fraudeque decipere, & quidem in judicio, cui Deus ipse præsidet, cujus oculis omnes hominum actiones patent, qui falli nequit: *Cælestis enim oculus iustitia, videt quidquid fit, etiam in locis desertissimis*, teste Philone ludæo^c. Tota scriptura sacra exclamat contra calumniatores, mendaces, falsosque testes per quos optimus quisque in vitæ, nominis, vel facultatum discrimen facili vocatur negotio: Unde apud Salomonem d: Falsus testis dicitur esse jaculum, gladius, & sagitta acuta. Exemplum præbet duorum senum adversus pudicissimam matronam Susannam testimonium falsum, quæ ad supplicium, ducta lapidibus obruta fuisset, nisi Danielis pueri, per divinam inspirationem, ad vindicandam injustè damnatæ innocentiam, provocatione liberata fuisset, senibus, per diversi loci circumstantiam, interrogatione facta, de falso testimonio convictis & lapidatis^e. Quinimo & Christum servatorem nostrum, Scribæ & Pharisei falsis testibus convincere conati sunt omnium innocentissimum^f, ut & S. Stephanum martyre Actorum 6. Quapropter nulla in re majorem adhibere cautionem debet Advocatus, quàm in testibus producendis, ne quid fiat quo testium integri-

^a C. ad bas
De Rescrip-
tis.

^b l. 2. C.
de iurjurā-
do propse-
ca iuriam.

^c lib. 1. de
vita Moysi.

^d Proverb.
23.

^e Danielis
13.

^f Math. 26.

*a Bart. in l.
final. C. de
questionib.
Bald. in l.
inheremus. C.
de probat.
Innoc. in c.
per inquisi-
tionem. De
electionib.*

*b l. 2. C. de
iurejurando l.
mam ff. De
dolo.
c l. si duo
versic. finali
ff. de iureju-
rando.
Al. l. 5. 1.
ibi glossa &
Bart. ff. hoc
est.*

tas evertatur aut testimonium illius parte adversa non vo-
cata corruat, cum nec indicium faciat juxta ea quæ tradūt
interpretes ^a. Neq; verò id solum pecunia muneribusque
fit, sed & tum quoque corrumpitur testis aliquo modo, si in
caupona opiparè cum tractari vino vel alio potu inebri-
ante procuret cliens vel illius Advocatus, quod in hac
Provincia, malo more frequentissimum est. Nam ea quo-
que corruptelæ species est, si homines sint infimæ sortis,
& istiusmodi tractationi non assueti. Quo fit, ut homines
isti testimonium perhibitori sæpè bene poti Commissario
examinandos se offerant; Qui meritò & non sine gravi &
acri reprehensione increpandi & repellendi sunt, & non nisi
somno discussa crapula admittendi & examinandi. Et licet
adversus tales testes, legitimæ cōpetant reprobationes ac
refutationes, satius tamen est, veritatem ab hominibus,
istis remotis obstaculis prædictis, nudam simplicemque
proferre. Nam si veritatem corrupti aliquo modo op-
pugnaverint, & quod falsum est, in gratiam producentis
dixerint, aut eam reticuerint, certò sibi persuadere debēt,
divinam vindictam ultionemque se non evasuros. Nec so-
lari falsum testem debet, quod imperator ^b dicat perju-
rium solum Deum habere ultorem, ut putent extra om-
nem poenam se constitutos etiam si de perjurio appareat:
cùm Ulpianus referat ^c: Imperatorem rescripsisse cum
patre, eum qui pejerasse convictus erat, fustibus castiga-
tum dimittendum esse, tametsi & id tum procedere dicat
glossa si perjurium non cedit in alterius præjudicium in
c. quicumque 6. q. 1. Ut & testis, qui iurejurando præsti-
to veritatem se dicturum recepit, infamæ notam contra-
hit, & ab omnibus honoribus ac dignitatibus repellitur,
cùm falsi crimen incurrat, si falsum testimonium perhibu-
isse

esse probatus fuerit. Tametsi homini Christiano, qui post
 hanc vitam vivorum ac mortuorum iudicium futurum
 credit, nulla gravior pœna accidere possit, quàm si con-
 scientiæ mortum perpetuum, tanquam tortorem & car-
 nificem furdo verberare cadentem, in animo circumferat.
 Sed illud aliquando in disputationem vocatum memini-
 mus, an ne gratiam iurijurandi facere tenearis, si certus
 sis adversarium tuum pejeraturum, vel testem falsum tes-
 timonium dicturum? Sanè charitas Christiana suadere
 debet, (meo quidem iudicio) ut iurijurandi gratiam fa-
 cias, quod salva fide testimonii licet, quod nimirum no-
 bis charior esse debeat magisquæ curæ proximi salus peri-
 clitantis, quàm pecuniarium aliquod compendium no-
 strum, quod nobis, etiam remissa iurijurandi religione,
 salvum fortè futurum est, si veritatem absque iurejuran-
 do professus fuerit ac perhibuerit, quod sæpè contingit.
 Advocatus certè unicè debet adlaborare, ne ullo modo
 adduci se patiatur, ut vel dicat, vel faciat aliquid in gratis
 am clientis sui, quod à fide boni viri, præceptis legum,
 Curiaëque decretis sit alienum. Ita enim fiet, ut bonam
 conscientiam, quæ jure convivium Salomoni dicitur²,
 Deo probaturus sit, ac apud homines laudem compara-
 turus. Ne autem cursum iudicii impedian remoramquæ
 liti peragenda inijciant, curabunt Advocati tum Actoris,
 tum Rei, ut testes intra terminum renunciationis aut à ju-
 dice præfixum, aut partium conventionem designatum, pro-
 ducantur. Nam quod nunc passim fieri videmus, ut ad
 finem currente tertia dilatione ad productionem se præ-
 parent, duabus integris dilationibus quibus omnino ni-
 hil actum est, elapsis, à supina negligentia, imò malitia ex-
 cusari nequit. Est enim Advocati officium, ut interlocu-

a Proverb.
 cap. 15.

toria sententia pronunciata, clientem suum certiores faciat ac moneat ut veniat, ac de testibus producendis consilium capiat. Quod intra mensem, partibus in provincia commorantibus, facillimè verò intra bimestre tempus fieri potest. Debet certè advigilare Advocatus, & mone-
 re clientem suum per literas, ne sit in mora. Contingere enim potest, ut testes, si senes sint, aut valetudinarii, post primi termini lapsum è vita migrent, aut longinquam aliquam peregrinationem suscepturi, intra menses aliquot, aut annū integrum non revertentes, copiā sui facere nequeāt. Quo ipso quàm magna iudiciis remora iniiciatur, nemo non intelligit. Cui malo ut remedium adhiberi possit, & ne in istas angustias redigatur cliens, curabit ut testes, lite contestata, si senes vel valetudinarii sint, aut diu absuturi, audiantur. Id enim fieri posse jure receptum est argumento à contrario sensu sumpto. Quò autem testium examinatio promptior sit & expeditior, debet Advocatus schedulam Commissario exhibere, nomina testium articulorumque numerum continentem, super quibus audiri debent, quod & Ordinatione Curiae ult. Novembris 1602. promulgata atque Enchiridio Statutorum inserta præcipitur ac iungitur, ut ita Commissario in describendis testium depositionibus labor minuatur. Illud præcedentibus quoque adjiciendum arbitramur, ad Advocati officium etiam pertinere, ut si quando adversarius clientis sui testes producturus est, præsens sit, atque procuret ne testes examinati, depositiones suas examinandis communicent, quod nos aliquando fieri conspeximus: facit enim ea res quàm plurimum ad testium fidem & veritatem evertendam, testibus ex composito unum & idem deponentibus. Quod ne fiat, præsentia sua Advocatus impedire

si lite non
 contestata
 non proceda-
 tur ad testiū
 receptionem.

Ultima No-
 vembri 1602.

pedire teneretur, ac quantum in se est efficere ut seorsim abq; ulla communicatione ac conspiratione testimoniū perhibeant illi qui vocati sunt, ne si secus fiat justam clientis sui causā periclitari contingat. Cui malo ut eatur obviā consuetudine in tribunalibus orientalium civitatum receptum esse videmus, ut testibus examinatis ac dimittendis à delegato iudice seu Commissario silentium injungatur. Satis tamen fore existimamus si iurijurandi quoque religione ad reticendum testimonium adigatur, cum magis divini numinis reverentia quam nudo iudicis præcepto homines contineantur in officio.

De Instrumentorum editione seu productione. Cap. 25.

QUæ de fide Advocati in producendis testibus adhibenda proximo capite diximus, ea quoque in producendis instrumentis locum sibi vendicant. Et procurabit ut apud Delegatum seu Commissarium currentibus adhuc dilationibus, ad productionem præfinitis, edantur. Antequam autem id faciat, diligenter temporem instrumenti legat atque examinet, non ignarus, quod producens præsumatur omnia fateri, quæ eo continentur^a. Deinde cavebit ne authenticam scripturam temerè parti adversæ concedat, aut in processu exhibeat, ne intercitat, ut non ita pridem conquestos audivimus clientes. Quod autem diximus, instrumenta probatoria, labentibus adhuc dilationibus exhibenda producendaque esse, usque adeò verum est, ut nisi id fiat, & postea id facere velit, quod tamen ante conclusionem in causa fieri debere ordinatione Curiae 20 Decembris 1541 publicata, cautum est, in iudicio^{so} presente parte adversa, id facere teneatur, termino ad con-

*a Innes. de
eolum De
Censibus.
Bald. in l. s.
quis testibus.
C. de Testib.*

*so Decembris
1541.*

traducendum præfigendo. Exhibenda sunt autem exempla non simpliciter descripta, sed parte adversa vocata, aut contumaciter absente collata. Ea siquidem collatione facta, aut præsentem adversario aut consentiente se absente fieri, par robur habent, ut authentica instrumenta, quæ postmodum exhibere necesse non est, ne deterantur, aut amittantur, cum incommodo clientis, cui ad fundandam & instruendam causam suam exempla non eo modo collata profutura non essent. Neque verò arbitramur opus esse, Advocatos monere, ne instrumentis, falsis, vel de falso suspectis utantur in iudicio, non ignaros id periculo non vacare. Cum non solum falsum fabricantes, sed & eo scienrer utentes, pæna l. Corneliæ de falsis teneantur,

al. s. ff. hoc tit.

bl. falsi, §. a. ut b.

d. Ordine ff.

Ad l. Corn.

de falsis.

c. l. si falsos

C. de sic.

tamen si textus discrimen inter eos constituere, videatur, tametsi illud in confesso est eum qui falsum instrumentum fecit, atque composuit, pæna falsi puniri, etiamsi usus non sit. Reliqua verò quæ de fide instrumentorum in iure traduntur, quia ad stylum formamque procedendi non pertinent, quam nos hoc loco & Tractatu tantum persequimur, prætereunda arbitramur. Illud certè operam dabit Advocatus, ut, si instrumentis clientis intentio probari possit, ea legitimo tempore ac modo exhibeat, non ignarus illorum certiore esse fidem quam testium scriptura, siquidem nunquam non sibi similis est, quæ quod continet etiam quocunque tempore gestū sine fūco fatetur, cum probatio quæ per testes fit fragilis sit, & sæpè fallat, teste Conrado Bruno in Tractatu suo de legationib. c. 7.

De Renunciatione. Cap. 26.

Testibus ac instrumentis, juxta formam Curiaëque stylum

lum exhibitis, productis ac examinatis, ulteriori corundem productioni renunciare debent Advocati, ut tandem recto tramite ad finem decurrat. Ad quem ut perveniat, dilationes plures quam tres, concedendę non sunt, præsertim si litigatores in provincia commorentur, & duabus prioribus labentibus, nulla sit adhibita diligentia. In quo certè sæpè peccatur ab Advocatis in utramque (quod dici solet) aurem dormientibus. Quod si verò alterutra pars, ex justa legitimaque causa, aliquot dierum spacium sibi concedi petierit, non morosum se præbere debet Advocatus, sed eo temperamento adhibito litem tractare, ut advocatus diversę partis, & ipse Iudex intelligant, nihil agi aut quærì, quo quis à jure suo ac probationibus seclusus, succumbat, sed id tantum spectari & agi, ut hominum malitiis, moras neccentium, litesque ex professo protrahentium, eatur obviam. Indulgendum ergo est ex causa rationabili 10 aut 15 dierum spacium, pro ratione ac loci distantia sufficiens: cum in mora modici temporis parvum sit præjudicium. Quod si malitia in petendis adhuc aliis dilationibus tribus elapsis, quibus labentibus nihil omnino actū est, tam sit manifesta, ut nullo colore excusari possit, non debet Advocatus istam fovere malitiam, sed rigidè juris uti remediis, & curabit ut diversę parti certus ac peremptorius aliquot dierum terminus præfigatur, intra quos testes producere cogatur. Præcidentæ certè dilationes sunt, ut tandem finis causę imponatur, ne lites fiant immortales. Quod quidem eo magis faciendum est quòd hujus Curię Ordonnatione terminus nullus peremptorius statutus sit, nisi dicas omnes omnino dilationes peremptorias esse.

De

De Reprobationibus seu Refutationibus testium.

Cap. 27.

Renunciatione facta testibusque publicatis, Advocati partes erunt, totam istam informationem, testiumque dicta diligenter evolvere atque expendere. Et primum quidem Actoris Advocatus, cui ut plurimum incumbit probatio, excusis testimoniis inquirere debet, an aliquid, & quid à clientis sui parte probatum sit. Nam si duobus testibus parte adverſa vocata, productis (quod fieri debere antè diximus^a) omni exceptione majoribus, intentionem suam probaverit, victoriam sibi meritò pollicebitur. Consimiliter quoque Rens, si exceptionem suam, vel solutionem allegatam aliamque qualitatem juris agentis exclusivam, plenè docuerit, absolvendus veniet. Ut autem voti sui compotes reddantur, ante omnia diligenter ruminare debent Advocati, confessiones partis diversæ ad articulos factas. Nam si reus in responsione sua ad articulos id confessus fuerit quod est ab Actore propositum, res in vado est, nec superest aliud, quàm ut condemnerur, ut antè quoque probavimus^b. Quod si ex responsione talem confessionem elicere non possit, proximum est, ut dicta testium diligenter sollicitèque excutiat, et quid ab unoquoque eorum dictum sit, adnotet, ut scire possit, an valida ex eorum dictis exsurgat probatio. Iam verò si partis diversæ testes reprobandi sint, Advocati prudentis officium erit, quando probra testium alleganda sunt, ad fidem illorum elevandam minuendamque (quod huic parti iudicii tanquam sentinæ malorum peculiare est) adniti, ut quantum fieri possit testium ignominiam & probra par-

cissimè

^a l. si quan-
do l. juris iu-
randi. C. de
Testib. L. ubi
numerus ff.
d. tit.

^b sup. De
Confessionib.

cissimè revelare studeat, nihil libidine conviciandi, cuiquam objiciat: Ac in eo ita se gerere debet, ut adversarius ac testes, denique iudex ipse intelligant, summa necessitate coactum, quæ contumeliosa sunt in medium protulisse. Nam qui ira odioque accensus, testes reprobando significationem præbet, cum voluptate se testium defectus detegere, is profectò in legem charitatis peccat, & eo ipso declarat, habere se cor felle & amarulentia plenum. Illud autem prospicere, & cum cliente communicare debet Advocatus, antequam ad probra testibus obijcienda descendat, an probationes eorum in promptu habeat: his siquidem deficientibus, gravissimis injuriarum actionibus clientem involveret, Oldrado de Ponte^a, & Ludovico Romano id attestantibus^b. Quòd si verò probationes præ manibus sint, ac per testes expediri possint, articulis ea complecti ac probare studebit Advocatus, & in istis injuriis allegationibus eam adhibere cautelam, ut nihil sine speciali mandato clientis sui scriptis complectatur. Id enim si fecerit, & honori suo optimè consulat & iudici fidem faciet, nihil à se maledicendi animo atque libidine obrectandi in isto negotio factum esse, sed officii necessitate compulsus ad actumque ea scripsisse, quæ alterius existimationem lædunt, ac, apud viros bonos gravant. Reliqua verò, quæ tum contra personas, tum dicta testium adferri possunt, quia omnibus in praxi vel modicè versatis nota sunt, quippe quæ in reprobationibus inseri consueverunt, non est necesse hoc loco referre, cum textus legum, è quibus peti solent, cuilibet sint obvii. ^{c. l. testis i. donatus. l. pen. ff. de test. l. 2. l. parentes. C. cod. tit.}

Iam verò si excusis probationibus, testiumque dictis, eos non exactè examinatos deprehendat, ad officium advocati pertinet, ut testes denuò vocari, diligentiusque audiri,

K

procuret, quod Commissarius recusare nequit. Nam cum in probationibus totius causæ victoria sita sit, non immerito Advocatus advigilare debet, ut omnibus numeris absoluta sit testium examinatio, quæ ut plurimum magnis impensis sumptibusque perficitur, præsertim si è remotis locis evocentur. Quæ quidem examinationis repetitio tunc peti poterit, si testis de causa scientiæ interrogatus non fuerit, aut non responderit sufficienter, aut ad interrogatoria diversæ partis non sit examinatus, quod neutiquam omitti debet. Antequam autem manum de tabula (quod dici solet) dimoveat, conclusionem reprobationibus testium juxta Curia Ordinationem subicere debet, ne in judicio mora interjecta, postmodum id postulare necesse sit.

De Salvationibus seu sublevationibus Testium.
Cap. 28.

cap. 15.

DE hoc membro processus judiciarii dici potest quod Salomon in proverbii refert*, nimirum linguam placabilem lignum esse vitæ. lucundius siquidem & humanitati congruentius est, laudare proximum quàm vituperare, benedicere quàm maledicere, conviciisquæ proscindere. Itaque Advocatus, ut omnes reprobationes contra testes à cliente suo productos refellat atque amoliat, totis viribus incumbere atque adlaborare debet, ut contrariis probationibus eas elidat, testibusque suis fidem integram adserat. Nam si vel in minimis testes isti reprobatorii discrepent, aut in circumstantiis loci, temporis, personarumque varient, omnis fides conviciis probisquæ in testes conjectis abrogabitur, & qui antè bonus

ac

ac legalis fuit, nunc quoque talis esse præsumetur, juxta
 tritam juris regulam. Quibus autem rationibus argu-
 mentiſque testes ſalvandi ſublevandiſque ſint, eorumque
 dicta confirmanda, non eſt noſtri inſtituti in hunc com-
 pendiarium tractatum congerere; cùm ea ex libris juris ac
 interpretum commentariis latiſſimis peti poſſint: Quo-
 rum omnium ea communis eſt ſententia, ut dicant teſtium
 dicta ſalvari, ſi in principali cauſa non diſcrepent, aut
 aberrent, etiamſi in minutulis circumſtantiis varient, ſed
 id ſolùm nobis propoſitum eſt in hoc Tractatu monere
 Advocatos tyrones & exhòrtari, ne clientibus ſuis ſuo-
 que officio deſint, ſed ut operam dent ac enirantur, ut re-
 mediis juris licitis permiſſiſque teſtium fama reproba-
 tionibus labefactata & aſperſa reſtaurari ac in priſtino ſtatu
 manuteneri queat. Quemadmodum autem de reproban-
 te antè dictum eſt, quòd is ſimul quoque in cauſa conclu-
 dere debeat, idem quoque in ſalvante locum habet, ut eo
 facto, præter complementum (quod Galli *fourniſſement*
 appellant) nihil ampliùs agendum ſuperſit. Id enim &
 Ordinatione magni Conſilii cautum reperitur, artic. 36.

*De complemento ſeu repertorio proceſſus, poſt ſenten-
 tiam interlocutoriam. Cap. 29.*

Concluſione in reprobationibus & ſalvationibus jux-
 ta Curia Ordinationem facta, aut ſi pars adverſa
 detrectaverit, ejuſdem ordinationis remedio implorato,
 ad inſtruendum complendumque proceſſum Advocatus
 accingere ſeſe debet. Neque enim res parvi eſt momenti
 & quæ perfunctoriè tractanda eſt ac peragenda. Nam non
 ſolùm teſtium deſiſitiones & inſtrumenta, ſi quæ ex his

bira sunt, clientis sui per delegatum Curiae seu Commis-
sarium interiri ad Curiam procurabit, sed ea quoque ad a-
mussum examinabit, an ritè sint descripta nec ne, peccatur
enim sæpe ab amanuensibus Consiliatorum, qui pueri
cùm sint ac scribere sæpè nesciunt, affirmationis loco ne-
gativam, aut contrà per errorem substituunt. Quòd si ea
parte nihil peccatum deprehenderit, proxima erit cura,
aut repertorium (quod inventarium vulgo dicitur) om-
nium eorum quæ post interlocutionem exhibita sunt
conficiat, & in eo, vel characterum, vel numerorum no-
tis, describat, quid repertorium contineat. Et si instru-
menta producta sunt, adnotare juxta Curiae^a ordinationē
tenetur, quorsum & ad cujus facti vel articuli probatio-
nem faciat, id enim non parum judicis laborem minuet.
Neque verò sufficere arbitrabitur, si à sua parte omnia se
bene habeant, sed adversæ partis inventarium inspicere
debet, ut scire possit, an aliquid ab adversario insertum
& infartum sit, quod in processu antè exhibitum non fuit.
Id enim si deprehenderit, Advocatum monere & incre-
pare debet, ut amoveat, aut si recusaverit, supplici libello
Curiae porrecto significare debet, ac petere ut illi injun-
gatur ut id faciat. Profectò qui talibus utuntur artibus
ac technis spiritum Christi minimè redolentibus, in vi-
ris bonis habendi non sunt. Etiam si enim causam justam
foveat, injustis tamen modis mediisque promovenda ac
tuenda non est, teste Didaco Couvaruvia excellentissimo
hujus seculi jurisconf. qui sententiam nostram cap. 7 re-
latam ex professo confirmat^b. Illud quoq; corollarii vice
adjiciendum existimamus, inter illicita quoque connu-
merari, si Advocatus processum ab utraq; parte instructū
completumque, & Curiae fideique Graphæi, aut ejus vica-
rio

^a Ultima
Novembris
1662 promul-
gatam.

^b lib. 1. va-
riarum reso-
ut. cap. 2.

rio conceditum, ad se recipiat, alicui ex Consiliariis, cuius sibi favorem fortè pollicetur, obtrusurus. Eo enim ipso fit, ut sæpè processus intercitant aut malè tractentur, quod ne fiat publicè interest & Curia Ordinatione quosque cautum vetitumque reperitur.

De Consiliis seu juris informationibus quæ responsa dicuntur. Cap. 30.

PROCESSU concluso ac completo, modo ac forma antè à nobis relata, solent Advocati, ad maiorem & compendiosorem iudicis instructionem, aliquam iuris informationem brevem, & causæ litisque statum seu facti species, & utrinque partis argumenta, eorumque solutiones & confirmationes complectentem, processui addere & exhibere, quod & in aliis Tribunalibus moris esse & fieri posse non ignoramus ^a. Sed dubitatū meminimus, an parti adversæ aut illius Advocato istius informationis seu consilii copia, necessariò facienda sit nec ne, quibusdam affirmativam, aliis negativam partem defendentibus, quæ & nobis placet, & in praxi obtinuit ^b. Nam cum istiusmodi informatio iuris non sit pars processus, nec de substantia iudicii, teste Baldo in Auth. iubemus, C. de Iudiciis, uti omnes fatentur (alioqui enim ante conclusionem in causa exhibenda foret,) necessariò sequitur, partis adversæ non interesse, eam sibi exhiberi atque legendam dari, & eo quidem minus in foro nostro, quod in processu, partis utriusque causæ merita, ei argumenta, plenis velis sint deducta, disputata, atque hinc inde confutata. Aliud fortè dici posset, obtinere debere in praxi Hollandica; quia nō nos in processu quodam magno,

^a Bald. Auth. iubemus, C. de iudiciis.

^b Henningus Goeden in Tractatu suo de ordinis iudicarii processu Rubr. 28. nu. 47. 48.

in quo de jure viribusque Repraesentationum disputatur, aliam esse animadvertimus. Eum siquidem processum, ab Advocatis istius Curiae primariis, ita conscriptum deprehendimus, ut nihil praeter nudam (exquisitam tamen) facti narrationem, nullis legum allegationibus vestitam ac confirmaram contineret: Certi interim juris informationem (*Advertissement ou motif de droit* appellat Galili) iudicibus compromissariis, coram quibus lis pendet, neutiquam defuturam esse, cujus nobis copia nunquam exhibebitur. Magis certe nobis placet, hujus nostri fori consuetudo, qua disputationes in processu fiunt, & res aperto quasi Marte geritur, Advocatis in scripturis, adversario exhibendis, omnes ingenii ac doctrinae vires intendentibus, ut clientis sui nomine, argumenta contraria solventes, superiores evadant. Neque enim omnes, qui sententiam in senatu dicturi sunt absolutam Iuris scientiam in scrinio pectoris habent, ut argumenta ab alterutra parte, ex legibus male usurpatis obiecta, apta interpretatione, vel distinctione, prout res postulat, proprio Marte dissolvere queant; quod non ita difficile, Iudicibus minus versatis, futurum est, si Advocati partis adversae, qui totius causae statum ac merita per frequentes velitationes veluti in numero habent, & quosvis fucos facile deprehendere possunt, solutiones viderint. Quod nobis in gravi & ardua quadam causa, quae in hac Curia non ita pridem sententia definitiva secundum clientem nostrum lata decisa fuit, accidisse testari possumus. Quam Actor ipse Iurisperitus, & hujus Curiae quondam Advocatus, non infimi nominis, scripto quodam, post conclusionem in causa exhibito, variis ex jure, tum Canonico, tum Civili, ad ostentationem de prom-
ptis

ptis, sed perperam usurpatis allegationibus, usque adeo
ornaverat, vt, nisi nos Curiae permissione impetrata, il-
lud accurata, longaque Iuris informatione, omnibus il-
lius fucatis allegationibus visis, detectis, atque discussis,
refutassemus, res periculo caritura fortè non fuisset. Pro-
inde laudanda est ac preferenda huius fori nostri consue-
tudo, omnem versutiam fucumque; animum iudicis sup-
plantare valentem, excludens. Generosi siquidem animi
est, hostem adversis, non averfis vulneribus configere;
Vulpinum est ex insidiis eum aggredi. Permissum itaque
Curiae ordinatione, anno 1597. publicata ac Enchiridio
statutorum inserta comprobamus, etiam post conclu-
sionem in causa, Iuris informationem seu consultatio-
nem Iudici tradere, parti tamen adversae, ejus inspicien-
dae copiam ac facultatem jure denegari posse. Vt autem
citra fraudem, omnemque subreptionem, ac bona fide
fiant omnia, cavebit is, qui consultationem conscribit,
Iudici tradendam, ne allegationibus legum, ulla facta in
processu non proposita, interserat, atque admisceat. Id
enim non licet & à viro bono, & honesto probòque Ad-
vocato perquam alienum esse debet; cuius est, in litibus
exercendis, omnia causae clientis sui merita argumenta-
que candidè, syncerè, ac bona fide profiteri, atque in me-
dium proferre, & adversario excepta Iuris informatione
communicare, nihil addere, vel detrahere iis, quae semel
exhibita sunt, quod praedicta Curiae constitutione quoque
est cautum, ne is, sententia postmodum contra se lata, præ-
tendere possit, technis ac machinationibus illegitimis,
se superatum succubuisse, vel si actor sit, repulsam tulisse.
Atque hisce Iuris informationibus, seu consiliis, nos
aliquoties in causis arduis, gravibusque tum civilibus,
tum

cum capit alibus sæpè oblati, usi sumus, & quidem non sine fructu, quas si vita suppetat aliquando in publicum dabimus.

De sententia Definitiva. Cap. 31.

TOtius laboris qui litibus exercendis impenditur, scopus est sententia definitiva, ad quam obtinendam quam citissimè omne studium suum atque sollicitudinem convertere atque dirigere debet Advocatus. Quòd si ea ex voto contigerit, est quod gaudeat, ac clienti tuo gratuletur, non ignarus litis eventum, ut belli, dubium esse, & suffragiis plurium meliorem sæpè partem Vincentibus, eum succumbere, qui secundum se pronunciatum iri non dubirabat. Sin causa ceciderit qui vincere sperabat, cogitare debet, unumquemque nostrum, amorem sui, quem φιλαυτίαν græci vocant, excoecat, aliter de rebus suis judicare, quàm rei veritas sæpè postulat: Rapimur enim imò abripimur affectionum ventis, veri judicium auferentibus. Cui illud quoque accedit, quòd non semper superior sit causa quæ melior est, quod nec mirum est, cum Plinio teste ^a numerentur non ponderentur sententia, nec aliud in publico consilio fieri possit, in quo nihil est tam inaequale, quàm aequalitas ipsa: Nam cum sit impar prudentia, par omnium jus est. Quinimo, ut inquit idem Plinius ^b, ingenia judicium non minus imperispicua, incerta fallacia sunt, quàm tempestatum, terrarumq; ^c, ut & varia hominum judicia, varie voluntates. Quod de cliente suprà diximus, ac illius præoccupato iudicio, idem quoque de Advocato dici potest, qui patrocinium præstirit ac causam tutatus est. Is siquidem cæco quodam iudicio, sæpè existimat justum esse legibusque subnixum, quod defendit, licet à scopo aberret. Proinde lata sententia,

^a lib. 2. E-
pist. ad Arri-
anum Episto-
la.

^b lib. 1. E-
pistolarum.
Epist. ad
Corn. Tacit.
suum.

tentia, eam moderationem adhibere debet Advocatus circumspēctus & cordatus, ut clientem qui victus est, ab importunis querimoniis & exclamationibus dehortetur, & ad injurias ac probra in judicem evomenda projiciendaq; progressum gravissimè increpet, positus ob oculos periculis, quibus se subjiciat, infamiae nimirum, juxta legum definitionem, nec quidem immeritò, cum in judice omnis cesset sinistra suspicio & praesumpta calumnia^b, imò praesumitur iudex omnia rectè facere quae officio suo incumbunt, l. 2. C. de offic. civil. jud. Bald. in l. 1. C. Ne quis in sua causa, nisi contrarium probetur, quod factu difficillimum est. Quòd si ad reales injurias progressus, manus intulerit iudici, in vitae periculum manifestissimum se conjicit. Cujus notabile exemplum contigisse dicitur in cive quodam Leovardiensi, qui, quòd Consuli ad fores adium suarum confidenti, cum secundum adversarium suum judicatum cognovisset, minitans stricto cultro dixisset, ego te docebo sententiam ferre, carceribus publicis inclusus, intra paucos dies capite plexus fuit, rejectis omnibus deprecatoribus. Neque enim permittitur vel clienti vel Advocato, iudicem verbis, nedum factis malè tractare & excipere. Is siquidem officio suo functus est, etiamsi malè judicavit, respectu habito, non ad id quod fecit, sed quod facere debuit*. Præterquam quòd res iudicata pro veritate quoque habeatur: & reipub. intersit, rerum judicatarum auctoritatem, non temerè convelli: Sed si is qui victus est, omnino arbitretur injustè sententiam contra se latam esse, Ordinariis juris remediis uti debet, ut nimirum ad superiorem provocet, quod per appellationem fit in inferioribus tribunalibus, aut revisionem impetret, si in Curia pronunciatum fuerit: Appellatione siquidem ritè interpos-

a l. iudici.
ff. De inju-
riis.

b c. cum A
clamar, De
Testib. c. in
praesentia De
renunciatio

Observatio

c l. ius ver-
sic. praeior, ff.
de iustit. et
iure, l. iudex
posteaquam,
ff. De re judi-
cata, l. si us
proponis, C.
quom. et
quando iud.

*a l. si causa
cognita, C.
de Transact.
e. venientes de
jurejurando.*

ta, suspenditur prior sententia, donec aliter à iudice appellationis, pronunciatum fuerit^a. Quæ cum ab omni gravamine interponi possit etiam ab actibus extrajudicialibus, non est quod injuriam vel verbalem nedum realem in iudicem evomendo malum sibi accersat condemnatus, quamvis & alia quoque remedia jure prodita sint, quibus, vel iniquitas, vel nullitas sententiæ, corrigi potest, ut puta beneficium restitutionis in integrum, per quam rescissa priori sententia, cōdemnatus reponitur in pristinū statum: Quo tum uti possumus, quando communi quidem jure valet sententia, nec ab ea est appellatum, qualis ea est, quam iudex gratia, favore, vel precibus permotus tulit, & tamen in speciem æquum est ut rescindatur, itē ex causa minoris ætatis^b, vel circumventionis adversarii vel legitimæ absentiæ^c.

*b l. minor
res, C. Si ad
versus rem
judicatam.
c l. ult. C.
de temp. in
integrum
restit.*

*d l. si ex
presim. De
Appellat.*

*e l. renales
C. Quando
provoc. non
est necesse l.
prolatam, C.
de Sent. C.
in serloc. om
nium judi
cum.*

*f Salyc. in
Auth. offe
ratur, C. de
litis cōestat.*

Ad hæc superest quoque remedium nullitatis, quo sententia, ipso jure invalida declaratur, quæ ne nomē quidem sententiæ, meretur; nec executioni opposita exceptione mandari potest, Qua quidem nullitate laborat ea sententia, quæ à iudice incompetenti, vel parte ad sententiam audiendam non citata prolata fuerit^d, & si pecunia corruptus iudex sententiam tulerit, quæ venalis dicitur^e; item si termini substantiales observati non fuerint, si solitus iudiciorum ordo servatus non sit, cui partes renunciare quoque non possunt^f, si ex scripto recitata non fuerit, si expressam continet iniquitatem ex processu actis quæ apparentem, vel publicam læsionem, quæ quoque ipso jure nulla est. Cujus exempla habent textus l. 1. § item cum contrah. Quæ sent. sine appell. resc. & l. 2. C. Quando provocare non est necesse. Ad hæc, ut diximus, superest remedium Supplicationis & remedium Revisionis, ad quæ recurrere potest condemnatus. Quæ omnia supradicta,

Advo-

Advocatus clienti suo, qui condemnatus est aut repulsam tulit, explicare & intimare debet, ut is omnibus discussis & exactè perpensis apud se deliberare possit, atque constituere an adversus sententiam aliquo prædictorum remedio uti velit, & ut intra tempus à jure statutum aut Placito præfinitum id faciat, ne postmodum elapso tempore solum duci poenitentia contingat. Ne autem temerè in hac re fiat aliquid, Advocati officium erit summa cura, sollicitudine atque etiam prudentia cuncta rimari, & considerare utrum ad Appellationis vel Revisionis remedium, confugere clienti expediat, ne, si secus res ceciderit, quàm sperabatur, sit quod Advocato imputare possit. Qui providè faciet, si cum aliis Advocatis duobus, vel tribus, vel etiam pluribus, in theoria praxique versatis, si causa gravis magnique ponderis sit, re communicata & in omnes partes discussa, quid facto opus sit, consuluerit, & maturè executus fuerit. Eo si quidem facto semetipsum extra omnem culpam constituet, & Curiae fidem bonam ac integram conscientiam suam probabit, quem officii ratio, ac necessitas, si sententiam vel nullam vel iniquam dixerit, legitime excusabit.

Finis secunda partis.

*a l. tutorem
ff. De his quib.
lib. ut in d.
gnis.*

De Appellationibus. Cap. 32.

TAmetsi à sententiis hujus supremæ Curie non admit-
tatur appellatio, cum per Arrestum judicet ac remota
appellatione pronunciet: nihilo minus tamen cum ab in-
ferioribus atque municipalibus iudicibus ad Curiam hanc
fiat provocatio: Videndum est quæ sint Advocati partes
in ea introducenda & exequenda. Multa siquidem expen-
denda sunt, ut sciri possit an sit admittenda. Nam nec ve-
rus contumax is nimirum qui citatus & inventus rotundè
dicit se nolle venire appellans auditur, nec is qui intra
decem dies à lata sententia appellationem non interposu-
it, ut nec is qui intra triginta dies à lata sententia, non in-
terposita appellatione numerandos (in quo multos erra-
re asserit Oldendorpius), literas dimissorias quas practi-
ci Apostolos appellant, instanter non petierit, Actusque
Curie inscribi non curaverit, ad appellationem proseguē-
dam admittitur. Quòd si verò ab interlocutoria provo-
catum fuerit in scriptis, expressis gravaminum causis, ap-
pellatio interponenda erit ex dispositione juris Canonici
e, quam stylus hujus Curie supremæ recepit & observat.
Hæc itaque cum ad appellationem ritè legitimeque inter-
ponendam ac introducendam de jure ac forma requiran-
tur, ad curam ac sollicitudinem Advocati pertinet, ut om-
nibus istis discussis, expendat quid factò sit opus. Si enim
aliquid istorum omissum compererit Appellantis Advo-
catus, consultorem ab ea proseguenda dehortabitur, fru-
stra laboraturum, quinimo & in expensis cõdemnandum:
cum paria sint non appellasse & non legitime appellasse.
Quòd si verò omissis solemnibus antè relatis Appellans
litem

il. ex con-
sensu d. fin.
ff. De Appel-
lat. L. & pest
e dictum §.
i. ff. De judi-
ciis L. prope-
randum d. fin
autem ff. De
iudiciis Cy-
nus.

b in Tracta-
tu de prescri-
pt. char. 6. glos
sal. iudicibus
C. de Appel-
lat. Myns. Ob-
servat. 36.
Guido papa
q. 436.

c c. cordi c.
ut debitus
De Appellat.

d argum. l.
quoties ff.
Qui satisd.
sagantur.

litē persequendam sibi arbitrabitur, Advocatus appellati per exceptiones legitimas clienti suo consulēt ac appellāntem repellēt, cuius vel maximē interest sententiā inferioris iudicis secundum se latā firmā remanere executioni mandandā. Quōd si verō sententiā inferioris iudicis aut per imperitiā aut sordes gratiāve prolātā animadverterit Advocatus (neque enim omnes iudices Arcopagitæ sunt, quod Dolani Parlamenti Syndicatus iussu Regis Hispaniæ nostro tempore coeptus quatuor consiliariis ob sordes ordine motis satis docet) atque ob id appellationem iustē interpositā prosequendam exequendamque existimaverit, ut reformari, retractari ac rescindi sententiā possit, clientem monere debet ne quid ex solēnibus prædictis omittat. Id enim si factum fuerit, ab appellatione exclusus, insuper in expensis quoque condemnabitur. Ante omnia verō prospiciet appellantis Advocatus ut ad diē juridicū, ad suā, vel appellati instantiā (quod per anticipationem juxta huius Curiae styliū fieri consuevit) præfinitū, paratus adsit exemplo sententiæ à qua munitus, ut statim libello exhibito (debet enim esse paratus) causā appellationis introducat. Nam si absens de contumacia fuerit accusatus, appellatio deserta declaratur & appellans in expensis condemnatur, & prior sententiā perinde ac si appellatū non fuisset executioni mandatur: Quod ipsum stylo Curiae licet durum sit, receptum esse nemo qui praxim vel à limine salutavit ignorare potest. Cū tamen Actori ad præfinitū diē juridicū non comparenti & de contumacia accusato non aliud inferatur gravamen quā quod citatione circumducta novam impetrare cogatur, solutis expensis adversario antequam admittatur ad agendum in iudicio. Quod quidem

non alia ratione niti credimus quàm quòd rei judicatæ autoritas magna sit in jure, (habetur enim pro veritate) quam non temerè convelli publicè quoque interest; Nam & magni Consilii^a & Curie Hollandiæ^b Ordinationibus idem receptum esse reperitur: cùm tamen non modici res sit præjudicii, una contumacia appellationem desertam reddi, ac primam sententiam, licet injustam fortè & nullam, effectum sortiri. Illud autem in hac materia disputando moveri videmus, an si appellans dicat se ad judicem competentem provocare, non expressio ejus nomine, appellatio talis subsistat? Sed cùm Bart^c. absque expressione nominis, talem appellationem sufficere resolvat, frustrà laborabit appellati Advocatus si exceptione ita appellantem repellere conetur. Porro quod suprà diximus appellationem ex defectu comparitionis appellantis de contumacia accusari desertam declarari, non semper obtinet. Nam si legitima causa paupertate puta vel morbo vel alia impeditum se fuisse probare possit, quominus ad diem juridicum adesse potuerit, appellationem introducturus, quas impedimenti causas legitimas Guido Papa^d, enumerat, contumacia purgata, ex clausula generali, si qua justa causa videbitur, in integrum restituitur. Illud in hac materia in dubium vocari solet an si sententia inferioris judicis plura contineat capitula ab uno aliquo appellari possit; Et decidunt interpretes quòd talis provocatio admittatur^e. Quemadmodum & illud receptum esse tradunt, quòd iudex inferior si in expensis victum condemnare omiserit ab eo admittatur appellatio^f. Reliquas autem quaestiones quæ in hac Appellationis materia moveri solent, non est nostri instituti discutere, sed Tyronibus Advocatis, quibus plerumque ocium suppetit, conquirendas & excutiendas relinquimus.

^a Cap. Des
matieres
d'appel et de-
pendences art.
10.

^b artic. 110.

^c in l. r. in
fine ff. hoc ius.
l. qui Romæ §
scia ff. De
verb. obligat.

^d A quest.
436. nu. 109.

^e Innoc. e.
dilectus x hoc
tit. Bart. in l.
appellanti.
ff. eod. tit.

^f l. fin. l. c.
Quando pro-
voc. non est
necesse Spec.
in Tit. de Ap-
pell. § in qui-
bus versic.
quid si vis.

mus, quos tamen monitos volumus, ut in hac instantia persequenda eadem fide & integritate versentur, quam in alio processu requiri ostendimus.

De Reauditione. Cap. 33.

SVperiore capite diximus à sententiis hujus supremæ Curiae appellationem non admitti, sed semel tantum Revisionis beneficium impetrari & obtineri posse, si intra biennium oblati Curiae precibus petatur, & observentur ea quæ sequenti capite describuntur ac comprehensa sunt. Sed cum nonnunquam contingat Advocatis de Dilationibus probatoriis, ac executoriis, aliisque quæ incidere solent in auditorio disceptantibus, Curie delegati interlocutione aliquod gravamen inferri, hujus Curiae stylo receptum est, ut appellationis loco reauditio peti possit, observatis solemnibus iis quæ requiruntur. Quorum quidem hæc summa est, ut nimirum eam petiturus ilicò facta interlocutione, in auditorio petat, ac ipso facto 25 stuferos monetæ currentis in judicio consignet, atque deponat. Quo facto, relatione pereundem delegatum seu Commissarium ad Curiam facta, in Senatum Advocati qui contenderunt vocati, rem in pleno consilio disputant. Quibus hinc inde auditis, si decretum prædictum approbari ac confirmari contingat, 25 stuferi consignati fisco cedunt: sin minus restituantur Advocato, qui reauditionem petiit. Quæ quidem solemnitas Ordinatione Curiae ultima Novembris 1602. promulgata comprehensa est, ac Enchiridio Statutorum inserta. Atque hanc reauditionis proponendæ ac exequendæ formulam, in Curia Hollandica quoque servari deprehendimus ex ordinationibus ejusdem Curiae 9 Maij

Maij 1521. promulgatis artic. 30. Tamen si autem in magno Consilio apud Mechliniam quoque receptam esse ex ordinationibus prædicti Parlamenti conspexerimus, 8 Augusti 1559. publicatis, sub Rubrica *Styl et maniere de proceder et l'ordre que l'on tiendra au xllle* artic. x, non tamen reauditionis sed appellationis voce describitur atque refertur. Quod autem antè diximus ilicò reauditionem petendam esse, usque adeò in Curia Hollandica obtinet, ut statutū sit, interlocutionem Delegati (*apointement* Galli vocant) ratam firmāq; manere nisi durante auditorio, aut antequam alia causarū fiat præsentatio, seu recitatio, reauditio petatur & perficiatur. Nos dum in praxi versati sumus semel tantum ab Advocato adversarii clientis nostri, reauditionem petitam fuisse recordamur, sed approbata Delegati interlocutione, consignata pecunia prædicta fisco cecidit. Sed cum rarò, imò rarissimè ista petatur reauditio, Advocatis consimilem ferè eventum pertimescentibus, non est necesse huic materiæ diutius immorari.

De Revisione impetranda & exequenda. Cap. 34.

MAJORES nostri summa sapientia & prudentia præditi, cum non ignorarent Frisios suos natura ad dissensiones litesque propensos esse, præsertim animis illorum ex præteritis factionibus ac bellicis tumultibus adhuc effectatis nec ad tranquillitatem omnino reductis, cum Imperatore Carolo quinto optimo Principe certis conditionibus transactione celebrata anno Christiano 1524. inter cætera illud supplices petiverunt ac obtinuerunt, ne in civilibus causis ulla extra hanc Provinciam admitteretur Appellatio, sed ut illius loco semel Revisionis beneficium certis quibus-

quibusdam conditionibus impetrare concederetur frisis qui per sententiam supremæ hujus Curia se laesos questuri essent: Quod Hollandis aliisque quibusdam Provinciis Belgicis permixtum non est, ad magnum Senatum Mechliniæ provocantibus. Cum itaque omnes fere judicii praxisque forensis partes ac membra tractaverimus, ordo seriesque tractationis nostræ postulare videtur ut de Revisione quoque differamus, & quod sit Advocati solertis in ea ritè impetranda exequendaque officium breviter explicemus. Quæ quidem Revisio licet non in omnibus ab Appellatione discrepet, quod idem sit utriusque scopus, ut nimirum prior sententia definitiva reformari atque error illius corrigi possit, in multis tamen, imò plerisque tanta est differentia, ut in forma introducendi exequendique nihil commune habeant. Nam nec intra decem dies impetrare ac interponere, nec intra triginta dies Apostolos petere ac Curia intimare (quod in Appellatione fieri debere necessario antè diximus) necesse est, sed satis est si intra biennium à lata sententia libello supplici Curia porrecto citatio petatur, qua adversario, ad certum diem in jus vocato, causa Revisionis introducitur. Sed cum id non simpliciter procedat, sed pro forma essentiali requiratur, ut causa quingentorum aureorum carolinorum summam excedat, ac deinde ut die juridico consignatis in auditorio aureis quinquaginta ejusdem valoris, si sententia reformata fuerit restituendis, sin minus ærario publico inferendis oretenus proponatur, ac libello protinus tradendo deducatur, subjecta conclusione, ut processus revideatur atque error sententiæ corrigatur; Ad quem libellum pars adversa intra tempus præfixum respondere in scriptis tenetur, adductis propositisque argumentis rationibusque ad con-

M

DE OFFICIO

firmandam sententiam facientibus, ac bifor-
 mae sumptuum conclusionem contendere, ut Actor in revisione declaretur
 non admittendus, aut si admittendus sit per sententiam
 Curiae non esse gravatum. Quae quidem omnia cum sint
 de forma specifica observanda, mordicusque peragenda
 Revisionem petenti, circumspici erit Advocari, qui istam
 Revisionis causam tractandam suscepit, prospicere & pro-
 curare ne quid ex istis solemnibus ullatenus omittatur,
 qui scire debet actum in forma peccantem ipso jure nul-
 lum esse^a. Quod enim cum solemnitate requisita non sit
 nulliter fieri dicitur, cum solemnitas sit forma Actus in di-
 vidua qua destructa etiam in minimis actio tota destruitur.
 Neque enim formae quicquam addi detrahere potest^b. Ad-
 deo ut ne per æquipollens quidem adimpleri possit^c. Ad-
 hæc cum Imperatorio indulto expressè cautum sit non alia
 facta quam quæ in priori instatia proposita fuerunt in cau-
 sa Revisionis proponi ac narrari posse (quod in Appella-
 tione secus est, in qua non allegatum allegari & non pro-
 batum probari potest) & si proposita fuerint earum nullam
 rationem haberi debere: Advocatus actoris operam dabit,
 ne qui ipsemet tale faciat, & Adversarium nova facta al-
 legantem sine protestatione admittat, sed iudicibus revisio-
 nis ea demonstrare in scriptis debet, si quæ inserta depre-
 henderit. Neque verò hoc loco monendos Advocatos
 actorum arbitramur, quam sit periculosum, quantique res
 præjudicii si ad diem præfixum non adfuerint causam re-
 visionis introducenti: Cum Actor absque legitima causa
 absens de contumacia accusatus revisione excludatur, in-
 super pane nomine octo aureos iusti ponderis soluturus
 aliasque expensas omnes: Reus verò si contumaciter abfu-
 erit id fert incommodi, quod nihil ad libellum Actoris re-
 spondero

a l. i. §. 1. i.
 bi DD. ff.
 De verb. ob-
 lig. Bald in l.
 ult. C. de suis
 et legis. l. cert.
 forma C. de
 iure fisci, VVe.
 senb. conf. 1.
 nu. 9.
 b Rolan.
 à valle conf.
 43. Menoch.
 conf. 73. nu. 7.
 Bursatus. conf.
 73. nu. 23.
 c Peckius
 ad reg. juris
 Can. reg. x.

spondere permittatur, aut illius contenta refutare. Cujus tamen eo melior est conditio quam Actoris, quod per juris allegationes sibi prospicere postmodum queat, ita tamen ne ullam moram processui injiciat, qui pænæ nomine quatuor aureos ejusdem valoris ob contumaciam solvere cogitur. Ad hæc cum ultra duplicationem absque expressa Curia permissione scribere non concedatur, utriusque partis Advocati ad laborabunt, ut in Replicatione duplicationeque, omnia causæ merita complectantur, quibus se victoriam consecuturos existimant, ne si hac parte omissum quid fuerit, Advocatum cliens meritò incusare queat, si infœlicem causa eventum sortita fuerit. Quoniam autem Imperatoris Placito id quoque cautum reperitur, ut revisione interposita non obstante, sententia Curia legitimæ executioni mandetur, quod in Appellatione secus est (qua interposita nihil innovatur quandiu de appellatione pronunciatum non erit^a), remedium est ad impediendam executionem, ut victus intra decem dies à lata sententia libellum supplicem Curia offerat. Eo siquidem exhibito sententia prior non aliter executioni mandatur, quam si victor dignam fidejussorem præbuerit, tantum restituendi cum legitimis augmentis quantum est in condemnatione, si legitima retractatione sententia resolvatur. Quod si intra decem dies factum non fuerit executio, sine fidejussione procedet. Quod remedium suppledit Auth. quæ supplicatio^b: quæ licet Præfecti prætorio mentionem faciat, ac ob id de illius tantum sententia accipienda videatur, nihil tamen ob stare arbitramur, quominus ad hujus supremæ Curia sententiam, quæ per arrestum & appellatione remota judicat, non secus quam Præfectus prætorio, trahi possit, præsertim cum dicta Auth. consili-

^a Tit. ff. Ni-
hil novari ap-
pell. interpo-
sita.

^b C. De præ-
cibus Imper.
offerendis.

a decis. 50.

ariorum quoque meminerit. Guido Papæ^a, certè sententias Curia Parlamenti Delphinatus, per arrestum judicatis, sententiis Præfecti prætorio æquiparare videtur. Interim tamen cum in causa quadam revisionis quæ in hac suprema Curia indecisa pendet, oblato intra decem dies supplicis libello, nulla præstita cautione fidejussoria executionem sententiæ impedire nequiverim, dubitare cæpi, an Auth. prædicta in Placito Imperatoris quoque locum habeat. Quæstio equidem digna quæ partibus in contradictorio auditis sententia Curia decidatur. Neque enim quisquam est qui nesciat condemnati quàm plurimum interesse, executionem sententiæ absque tali fidejussione suspendi præsertim si victori bona immobilia in Provincia hac non possidenti quantitas pecuniaria quingentis carolinis aureis major adjudicata fuerit. Eo siquidem casu condemnatus, si sententiam per judices revisionis reformari contingeret, soluta pecunia adjudicata, frustra istius sententiæ magnis sumptibus molestiisque obtentæ, executionem postmodum urgeret, inopia vel fuga adversarii seclusus. Veruntamen cum Guido Papæ in decisionibus suis^b, Curia parlamenti decisione resolutum referat, hoc casu cautionem etiam juratoriam sufficere, si victor diligentiam se adhibuisse & fidejussorem invenire non potuisse, jurejurando affirmare paratus sit, victum ab executione prioris sententiæ ista oppositio ægrè tuebitur. Ex iis autem quæ antè relata sūt de indulto Imperatoris decidi posse videtur quæstio ab interpretibus disputata, an revisso revisionis peti possit. Nam cum expressis verbis Imper. semel tantum revisionem peti concesserit, concludendum videtur negativam partem tenendam esse, quæ & in magno consilio servari ex ordinationibus dicti Parlamenti gallicè publicatis^c cognovimus.

De

*Tit. de
propositione
revisiois et
revisionis.*

De executione rei judicata. Cap. 35.

TAmetsi prima fronte dici posse videatur, lite per definitivam sententiam decisa, nullas amplius esse partes Advocati, quod nimirum rei judicatae executio, vel Curie delegato, si liquida non sit sententia, vel apparitoribus demandari soleat: Nihilominus tamen cum varia incidant, quae executionem remorentur atque impedian, & saepe in ipsa executione ab iis quibus commissa est, contra formam jure scripto & stylo curiae praescriptam, peccetur; à quibus excessibus & gravaminibus ex justa causa ad superiorem committentis appellari potest, expressis in appellatione causis propter quas provocetur; Existimamus ad Advocati officium quoque pertinere, istis casibus condemnato clienti opem consiliumque praebere, ne injuriosa aut nimis damnosa executione, quod non raro fieri comperimus, eum gravari contingat. Erunt ergo partes Advocati, qui condemnato patrocinium praestitit, primum mandatum executionis (Executoriales vocant) inspicere, atque diligenter examinare, quid & quantum illi commissum sit, et an tenori sententiae respondeat. Deinde an alii, quam loci ordinario, executio mandata sit, contra doctrinam Bart. in l. à Divo Pio § sententiam, ff. de re judicat. Et an executio contra consuetudinem ac stylum Curiae Enchiridio Statutorum insertum fiat, qua non servata, aequè appellari potest, ac si contra jus fieret, veluti si proclamationes factae non sint, debito loco & tempore, & per eos per quos fieri debent. Haec inquam si incidant, supplici libello Curiae porrecto, ut tota executio suspendatur, precabitur & procurabit. Adhuc cum de iniquitate executionis ver-

a. l. ab executione verbo Appellat. suspensa quorū appellat. Pa. nor. c. quod ad constitutionē de sentent. & re iudic.

b. Felyn. & Canon. in c. institutus de prescriptis.

Andreas post Hostiensē in c. significam. de Constitutis.

Bart. lafon & ceteri Dd. in l. iuste de acq. poss.

titur quæstio, ad superiorem committentis executionem provocabit^a. Quod si minus ritè procedit executor, aut extra officium quid facit, potest illi licitè resisti, ut & tunc; quando petenti ordinario literas suæ commissionis exhibere noluit, ut ille meritò cogitare potuerit illum tale mandatum, quale jactabat, non habere, l. fin. D. Mandati. l. prohibitum. C. de iure fisci lib. 10. Atque tali executori ab omnibus, quorum interest resisti potest^b. Iam verò cum in executione iure scripto ordo statutus sit, in l. à Divo Pio^s in venditione De re iudicat. Ut nimirum primo loco mobilia & animalia, secundo immobilia, tertio nomina distrahantur; quæri solet utrum iste ordo mordicus servandus sit, ita ut si inverso ordine prædicto capiantur pignora, executio reddatur nulla. Sunt qui affirmativam partem tuentur, contendentes necessariò istum ordinem, tanquam à lege præscriptum, observandum esse, ut Raphael Cuman, Alexand. & alii. Sed Bartolus & alii determinant non usque adeò istum ordinem necessarium esse, quin actus, illo non servato, sit aliquis, & non nullus, quæ sententiam & consuetudo optimus legum interpretes confirmant. Nam in Frisia patria nostra, ille ordo non servatur, sed juxta ipsius condemnati arbitrium & electionē distrahuntur ea, quæ ille distrahi jusserit & designaverit. Vsq; adeò quidem, ut, apparitores, irrequisito condemnato, si seu copiam fecerit, pignora non capiant. Quod si apparitori, voluntatem suam ac electionem declarare recusaverit, aut in contemptū iustitiæ ea capere pignora jusserit condemnatus, quæ ipsius non sunt, aut usque adeò vilia parvique pretii, ut victori nullo modo iis distractis satisfieri possit, credimus victori permissum esse pignora demonstrare apparitori, ut ea in causam iudicati accipiat atque

que divendat, quod sepè fieri solet: Consultius tamen facturum victorem arbitramur, si precibus Curia oblati, quæ suprà dicta sunt, significaverit, ac ejus consensu atque permissione id fecerit: Quod enim auctore judice fit, justè fieri censetur. Ut autem omnia legitimè fiant ac perficiantur debito modo, ac juxta Curia Ordinationem, Apparitoribus vel aliis executoribus præscriptam, providendum est ne condemnatus conqueri possit injuriam sibi fieri: Neque enim juris executio injuriam continere debet^a. Illud superioribus addendum existimamus, quòd etiam si ordo in executionem à §. in venditione præscriptus mordicus servandus non sit, ut ex Bart. sententia conclusit Zazius, nihilominus tamen quodam temperamento executionis rigor & acerbitas mitiganda & lenienda est, & ea discretione ii, quibus demandata est executio rei judicata, uti debent, ut si mobilia capienda & distrahenda sint, ea primo loco vendantur, quæ plus gravant impendio, id est sumptu, quàm augeant fructibus: Ita sentit Raph. Cumanus, qui tamen eam limitationem addit, ut id fiat, si ista parum utilia mobilia celerem & expeditam habeant executionem: Alioqui enim ab iis incipiendum esse mobilibus ut dicit idem Cumanus, quæ còmodius possunt distrahi, quò celerius solvi possit victori, per elegantem textum §. sed & illud d. l. à Divo Pio: Ac proinde primùm quæ rendae est parata pecunia, qua deficiente, mediocriter pretiosa mobilia, quibus carere facilius potest condemnatus, dummodo in iis expedita sit executio. Tertio loco ad animalia: Ultimo ad aurea & argentea vasa & pretiosam suppellectilem veniendum est. Quibus omnibus deficientibus, tandem ad bonorum immobilium distractionem procedendum, ita tamen ut à minus pretiosis fiat initium, quod

a arg. l. me-
minerint, l. C.
unde vi.
b d. l. Divo
Pio § in ven-
ditione.

a ad §. in
 venditione d.
 l. a Di vo Pio.
 b l. ordo. C.
 de exec. rei
 judic.

quod Zazius a, temperamentum civile vocat. Quòd si nec
 ea extent, ad incorporalia jura, id est nomina debitorum
 veniendum b: Atque hic ordo servari debet saltem de
 honestate & civilitate. Est enim istiusmodi condemna-
 tis, qui facultatibus lapsi, ac sine sua culpa ad inopiam re-
 ducti bonorum suorum distractionem, per subhastatio-
 nē horrida executoris voce ferre coguntur, commiseran-
 dum, & quatenus sine justitiæ læsione fieri potest, quoque
 parcendum, ne afflictis valde altera addatur afflictio. Qui-
 dam certè reperiuntur apparitores ita duri, inhumani, ac
 cerebrosi, ut invidiosum istud executionis mandatum
 peracturi, disiectis & ablatis lectis lineisque vestibis aliis-
 que utensilibus, quibus ad vitam transigendam condena-
 ti carere non possunt, vix à personali & reali injuria se
 contineant, quo ipso certè, gra vissimè in legem cha-
 ritatis peccant. Sed illud meritò quæri potest, an in cau-
 sam judicati animalia absque distinctione capi & distrahi
 possint. Textus c In venditione absque ulla differentia
 animalia pignori capi jubet, Nihilominus tamen cum mi-
 ca salis id accipiendum arbitramur, ut nimirum, ad illa a-
 nimalia prædicta verba referantur, quæ ad culturam agro-
 rum non sunt necessaria: Iure enim cautum reperitur bo-
 ves aratorios ac instrumenta rustica pignoris causa de pos-
 sessionibus abstrahenda non esse, & rationem addit Imper.
 Constantinus c, ne illis divenditis tributorum retardetur
 illatio, quod & Imperatores Honorius & Theodosius d,
 confirmant, inde finitè statuentes, pignori gratia aliquid
 quod ad culturam agri pertinet, non esse auferendum, id
 quod & Frederici constitutio prohibet e. Quæ quidem
 omnia procedunt, si condemnatus alia bona habeat: Al-
 lioqui enim & illa distrahenda sunt, juxta glossam in d. l.

a l. exequo-
 res. C. que res
 pign. oblig.
 possunt vel
 non.
 d l. pignori
 C. ad. tit.
 e Auth. A-
 gricultores C.
 ad. tit.

execu.

executores allegantem l. stipendia. C. de execut. reiljudic. Hęc ergo atque his similia Advocatus condemnati cōsiderabit, & si quid ab Apparitoribus in exequendo peccatum cognoverit, precibus Curiaē oblati procurabit, ut illorū duritia & iniquitas praecepto ejusdem Curiaē coerceatur & corrigatur. Idem quoque facere debet Advocatus victori, si apparitorem cūm condemnato, sui compendii gratia, facta collusionē executionem differre atque protrahere deprehenderit, quod non rarō fieri testari possunt ii, qui in foro versantur. Illud autem pro colophone aijiciendū: Advocati quoque munus esse ut clientem suum condemnatum admoneat, ne executioni ullatenus resistat, neve injuriam verbalem aut realem Apparitori inferat, cūm id sine periculo fieri nequeat. Vidimus enim nos, ejus rei exemplum ante multos annos in quodam rustico sylvano, qui quōd Iuridico (Grietmannum vocant) sententiam exequēti manus intulisset, in arcem, nunc dejectam, captivus adductus & post diuturnum carcerem, magna pecunię summa multatus fuit, & insuper, ad perpetuam rei memoriam in Curia, brachium cum pugno cum inscriptione *Observatio.* parieti infixum fuit, quod omnium oculis subiectum etiamnum extat. Perinde enim habetur, ac si Iudicem ipsum affecisset injuria, cujus ministrum apparitorem læsit. Porro nec illud omittendum, ad Advocati officium, qui victori patrocinium pręstitit, quoque pertinere, ut si contra venditionem pignorum ab executore factam, vel ab ipso condemnato, vel à tertio aliquo jus aliquod prætendēte fiat oppositio, lis super ea mota octidui termino Curiaē Ordinatione in singulas scripturas pręfixo constringatur, cūm victoris intersit quā celerrimē istas oppositionum lites terminari, ut pecunias tandem ex venditione redactas

nancisci possit. Condemnati verò Advocatus, si frivolas illius oppositiones animadverterit, monebit clientem suum, ut à lite persequenda desistat, ne postmodum per sententiam rejectis iis, in expensas quoque condemnetur. Neque enim ignorant ii, qui litibus exercendis dant operam, sæpè istiusmodi oppositiones ab ipsis quoque condemnatis, executionis differendæ causa fieri, cum incommodo plerumque victoris qui pecuniis interdum summo pere opus habet. Postremo cum quotidiana experientia deprehendant Advocati, apparitores maximis plerumque sumptibus, pignorum venditiones in œnopolis, pluribus sæpè dilationibus suspensas celebrare, quo fit, ut emptores istis sumptibus territi rariores inveniantur maximo condemnatorum miserorum damno & præiudicio: illorum officium erit prospicere ne tale quid fiat, precibusque Curia oblati ei, rei modum statui procurabunt, certâ aliqua summa præscripta quam Apparitori excedere non liceat. Cuius in exigendo salario avaritiam, & inhumanitatem simili quoque modo refrenari curabunt: Sunt enim istiusmodi condemnatorum querelæ frequentissimæ, quibus Curia taxatione ac moderatione remedium est adhibendum: Summarim, in his litibus causisque tractandis, ita versabuntur Advocati & victoris & victi, ne contra Curia præscriptum, contra juris formam, forique huius consuetudinem, contra bonam fidem, ab apparitoribus vel semetipsis quidquam admittatur, sed ut omnibus dolis, fraudibus, collusionibusque præclusis & semotis, sententia cum prædicto temperamento tandem executioni mandari, & ea via unicuique, quod suum est, tribui atque exsolvi, ac omnis vis & injuria reprimi, averti, atque coerceri queat, quo solo hominum inter se societas & amicitia,

tia, rerumpub. pax, tranquillitas, & concordia, arctissimū atque optimum incolumitatis vinculum, velut facta testa manere queant, eo quòd pace illa fracta, divulsa & conturbata, res privatorū salvæ & in tuto esse nequaquam possint. Quòd autem antè monuimus prospiciendum esse & apparitoribus & Advocatis condemnati atque victoris, ut executio & pignorum præsertim immobilium venditio debito modo ac servata juris scripti stylique forma fiat atque peragatur, non caret ratione, quinimò & summa cautela adhibenda est, ne si postea peccatum aliqua parteprehendatur, venditione per Decretum Curiaefacta, rescissa ac retractata, emptor præter molestias magnas, ingēs quoque damnum accipiat, prout contigisse ex duabus hujus supremæ Curiaesententiis anno 1603. & 1604. prolatis *Observatio.* conspeximus.

De literis dilationum quæ Belgica lingua Dreyen Doy respicit / vocantur, vulgo Quinquennales dicuntur, & Diplomata moratoria appellari possunt. Cap. 36.

Consueverunt plerumq; ii qui condemnati sunt, ac executionem metuunt, & quandoque ante condemnationem ære alieno gravati, ex consilio Advocati Diploma moratorium à Principe impetrare. Solet autem Princeps istiusmodi hominibus obærat, ac ejus explicandi ratione destitutis, ut plurimum quinquēnales dilationes indulgere; Vnde & quinquennales vulgo nuncupantur, teste Guidone Papæ, ad eum finem ne creditorū duritia ad carceres

ag. 57.

adigantur, quod durum est. Sed cum istud beneficium ceteris quibusdam conditionibus concedatur, Advocati cauti erit clienti suo salutare consilium suppeditare, quo effectus illius voti que sui compos reddatur. Quod ut obtineat, & consequatur, summarie, ac attestationibus sufficientibus docere debet, se citra culpam suam facultatibus lapsu

*a l. quoties
L. universa
C. de precib.
Imp. offer.
Azo in summa d. tit.
Old ibidem.
h. ur refert
Guido Papa
q. 109. dicens
Stylo Parla
menti Delib.
ista servari.*

*21 Octobris
1541.*

sum, tantum æris alieni contraxisse. Deinde impetratis prædictis literis, curabit, ut omnibus creditoribus ad Curiam vocatis, debitis solemnitatibus adhibitis, intimentur, & cautionem & literas in iudicio offerens; Et quidem intra mensem à die impetrationis, non verò præsentationis numerandum, alioqui fructu effectumque earum cariturus. Neque verò quælibet sufficit cautio, sed istiusmodi exigitur, quam creditores admittere tenentur: Quibus tamen eam ut inidoneam rejicere ac refutare permittitur. Quo casu partibus in contradictorio auditis, summaria cognitione res definitur. Ad quam cautionis insufficientiam probandam, mensis spaciū utrique parti Imperatoris placito 21 Octobris 1541. publicato artic. 34. præfixum est, intra quem nisi creditor cautionem à debitore oblatam insufficientem probaverit, pro idonea reputabitur. Atque hæc quæ relata sunt Advocatus ejus qui literas impetravit, fieri ac observari procurabit, ne cliens prædicto beneficio exclusus, rigidis creditorum suorum exactionibus executionibusque objiciatur, ac pateat. Quam quidem cautionis sufficientis præstationem usque adeò prædictum Placitum requirit, ut licet maxima creditorum pars, cum debitore pactione inita, aut remissionem partis debiti, aut dilationem concesserit, reliqui tamen creditores consentire eorumque pactioni accedere non cogantur, nisi sufficienti cautione præstita, quod artic. 35. prædicti Placiti requiritur;

requiritur: Illud præcedentibus quoque adjiciendum, quod major pars creditorum, non personarum numero, sed debiti cumulo definiatur^a. Et ita Ulpianus Præto-^{a l juris gen. tium & hodie,} rem, si creditores dissentiant, partes suas interponere, & majoris^{ff. De Paſſis l. majorem} partis consensum, ex cumulo debiti æstimandum, sequi^{ead. tit.} debere decedit, quod textus d. l. majorem latius explicat. Quæ tamen non simpliciter neque indistinctè procedunt, ac in quibuscumque creditoribus locum habent, sed iis solum, qui hypothecas habent. Eos siquidem minor pars in concedenda partis debiti remissione sequi tenetur^b. Quod si verò minor pars hypothecas habeat, majorem^{b Math. de Afflictis decis. 288.} partem creditorum, ex cumulo debiti hypothecis carentem, sequi non tenetur: Secus verò est in dilatione sola concedenda: Eo siquidem casu, cum minus vertatur præjudicium, minor pars hypothecariorum creditorum, majorem partem, ex cumulo debiti æstimandam, etiam si hypothecas non habeant, sequi tenetur^c. Secus foret, si ma-^{c d. decis. 288.} jor pars totum debitum remittere vellet, tunc enim minor pars majorem sequi non cogitur, quod Math. de Afflictis mover. Prædictis autem & illud addendum arbitramur, ut si super intimatione literarum dictarum quæstio incidat, termino octidui, scripturis tradendis præstituto, ad Duplicationem inclusivè lis peragatur, quod Ordinatione Enchiridio Statutorum inserta quoque cautum est.

De beneficio inventarii. Cap. 37.

CUM iis qui in praxi hujus supremæ Curie versantur notissimum sit, duris hisce temporibus permultos inter nobiles & plebeios reperiri, qui variis ex causis ære alieno gravati, dubias relinquunt hæreditates, quas tum te

stamentarii, tum ab intestato hæredes purè adire verentur, ac ob id sæpè deliberatione inita, sub inventarii beneficio adeundas censent, ut indemnes mancant, & illud certis quibusdam conditionibus ac restrictionibus impetrandum exequendumque veniat, ad Advocati quoque officium pertinere arbitramur, ut si hæc difficultas ab aliquo proposita fuerit, cautè atque circumspectè eam sibi tractandam existimet. Vt autem clientem extra omne periculū constituat Advocatus, monere illum debet, ne ullo modo hæreditati suspectæ se immisceat, aut minimā rem hæreditatis sibi applicet. Eo siquidem probato, frustra de beneficio inventarii impetrando laborabit, pro puro hærede reputandus. Quòd si nihil tale hæredi futuro imputari atque objici possit, secunda cura erit, diligenter expiscari, an quisquam sit ex cognatione & familia defuncti, qui purè hæreditatem adire velit aut adiverit: Si enim quisquam sit qui id fecit, aut facere paratus sit, non est quod de beneficio prædicto impetrando consilium ineat, cùm ei de jure hæreditas debeatur qui honori defuncti prospectum consultumque voluit, cuius interest purum habere hæredem & non sub beneficio inventarii adeuntem. Quòd si nemo fuerit, qui se periculo subicere atque exponere volet, tum demum precibus Curix oblati prædictum beneficium impetrare conabitur: Eoque facto curabit ut per apparitorem Curix duobus testibus adhibitis, omnium tum mobilium tum immobilium, nec non nominum repertorium intra quadraginta dies ab impetrato beneficio numerandos, conficiatur. Quo repertorio ita solemniter confecto, curabit Advocatus, ut mobilia ab iis, qui periti sunt, & à magistratū loci, ubi hæreditas sita est, ad eam rem deputati sunt, præstito jurejurando æstimentur: Eaque

que facta, datis pro eorum pretio fidejussoribus, cavebit, ac prædicta bona diligenter sollicitèque asservaturam, ac creditoribus legatariisque se soluturum, nulla interjecta mora, pollicebitur. Nec poterit istiusmodi hæres liquidorum debitorum solutionem, illiquidorum occasione, super quibus lis movetur, ad illius usque decisionem protrahere. Quæ quidem solutio non aliter facienda erit, nisi cautionem præstet is, qui pecuniam recipit, se pro rata ejus, quod ex bonis defuncti redigi nequit, restitutionem esse facturum. Atque hæc quidem omnia Placito Imperatoris 21 Octobris 1541. promulgato artic. 39. Enchiridio Statutorum inserto usque adeò requiruntur, ut si is^{21 Octobris 1541.} qui prædictum beneficium impetravit, iis omisis aliquid ex bonis defuncti contrectaverit, prædicto beneficio exclusus, ut purus hæres omnibus debitis hæreditariis ultra vires facultatum exsolvendis, subiciatur: quod & sententia Curia anno 1590. lata comprobatum & decisum fuit.^{27 Octobris 1590.} Hæc omnia quæ relata sunt, cum tanquam solemnitates formales requisitæ, omitti nequeant, prospicere debet^{Observatio.} Advocatus, ut ea omnia ad unguem observentur, ne cliens habeat in quo Advocatum incusare possit. Illud verò omittendum minimè fuit, quod prædictum beneficium, vocatis quoque creditoribus, juxta stylum Curia, apud acta sit profitendum, & si controversiam à creditoribus moveri contingat, octidui terminum, & Duplicationem excedere non permitti: quod & Enchiridio Statutorum inserto Placito artic. 39. comprehensum reperitur. Quoniam autem nostri instituti non est omnes quæstiones ad hanc materiam pertinentes discutere, præductis contenti finem imponimus.

De beneficio Cessionis bonorum, & quid in eo impetrandò exequendoque Advocatus agere debeat.
Cap. 38.

Superiori capite de iis quæ rei judicata executionem spectant, quæque ab ea dependent, pertractavimus. Iam verò cum inopia debitorum efficiat, ut creditorum duritia obtorto sæpè collo ad carceres detrudantur, ibique vitæ quàm tenuissimo habeantur, usque adeò ut tandem carceris fastidio macerati, aliquam exolvendi debiti rationem viamque inveniant, quod sæpè quoque fieri videmus, cognatis affinibusque proximis commiseratione ductis, & certis conditionibus solutionem debiti in se suscipientibus: Aliis verò omni humana ope destitutis in squalore carceris contabescentibus; Videndum restat, quo remedio istam incarcerationis, ut vocant, miseriam evadere debitores queant. Et certum est omnibusque in foro versantibus exploratum, jure civili proditum esse cessionis bonorum beneficium, quod Imp. Iustinianus^a, flebile adiutorium, & miserabile vocat auxilium, & quidem merito: neque enim in hac vita major excogitari miseria potest, quàm nuditate & inopia ad eum redigi casum ut bonis cedere, creditoribusque ea dimittere quis cogatur. Sed cum istud beneficium, non semper, nec passim, nec simpliciter omnibus indulgendum prædictus Imp. censet, at, & posterioribus temporibus crescente hominum malitia, restringere ac limitare certis quibusdam conditionibus necesse fuerit, ut nisi iis pareat prædicto beneficio indignus habeatur bonis cedens: Videndum est, Advocati, qui condemnato patrociniū præstitit in hoc beneficio

*2 l. pen. &
 ult. C. Qui
 bonis cedere
 poss.*

rite

rite legitimeque impetrando & exequendo, quæ sint partes, quod officium. Et ante omnia quidem providere & prospicere debet, ut cautè in hoc versetur negotio, ne quid omittat ex solemnibus Imperatoris foelicis recordat.

Caroli quinti Constitutione Placitoque anno 1541. 21 Octobris publicato, expressis ac requisitis. Si enim aliquid factum fuerit, vel omisum, quod fieri vel omitti non debuit, debitor qui ad flebile illud confugit auxilium, prædicto beneficio seclusus, carceri publico inclusus, vitam ipsa morte duriores degere cogetur. Ne autem in istas redigatur difficultates & angustias bonis cedens, ex Advocati sui consilio literas seu Diploma cessionis, unà cum omnium bonorum suorum repertorio, (inventarium vocant practici) iurejurando firmato intra mensem à die impetrationis numerandum, ipsemet aperto capite distinctusque in iudicio offerre & exhibere, ac bonis suis nulla eorum administratione sibi reservata atque retenta, creditoribus ad id vocatis permisis atque concessis, ut Actis Curiae prædictum beneficium intimetur insinueturque petere & contendere debet. Quod si creditores præsentis consensum adhibuerint, aut absentes de contumacia accusati & ab oppositione seclusi fuerint, res in vado est: sin contradicendum arbitrabuntur, curabit Advocatus, ut à Iudice delegato seu Commissario, ad contradictiones oppositionesque inferendas præfixo termino, partibus hinc inde auditis, res judiciali cognitione terminari, quam citissimè possit. Neque verò ea, quæ antè relata sunt, à creditorum vinculo debitores plenè liberant, sed requiritur quoque, ut, si ad pinguiorem fortunam perveniètes alia bona acquisierint, ea quoque, ad creditorum suorum utilitatem consignent atque relaxent, retento solummodò lecto uno

cum suis appertinentibus, & ex omni suppellectile una tantum cuiusque speciei particula, dummodo nec stantia, nec aurea, vel argentea vasa, vel alicujus pretii alia mobilia utensilia sint. Quidquid autem superest, singulis vicibus, creditorum commodis relinquere atque dimittere tenentur, alioqui effectu predicti beneficii carituri. Quod autem antè diximus predicto Cessionis beneficio debitores à carceris necessitate liberari, non simpliciter procedit, sed eam recipit limitationem & restrictionem, ut ad eos tantum debitores porrigatur, quorum debita instrumentis, Principis vel Consilii seu Curiae urbiumque tali privilegio munitarum sigillo confirmatis comprehensa ac publicè recognita & cōfessata non sunt. Istiusmodi enim debitis celsio bonorum locum non habet. Quemadmodum nec sententiis, quæ in rem judicatam transiverunt, predictum beneficium Cessionis obstarè aut per exceptionem objici potest, nisi cedens casibus fortuitis absque culpa sua inopem se factum esse doceat: Quo casu absque omni differentia & exceptione cedens bonis isthoc gaudere beneficio poterit. Qua quidè probatione hoc quoque consequitur, ne publicam palo affixus ignominiâ subire cogatur creditoribus nihilominus obligatus, quod nuper Ordinum Frisiae Edicto & ordinatione publicata*, Imperatoris constitutioni supradictæ additum est, existimantibus predictis Ordinibus. multis in eo genere delicti nunc grassantibus exèplo opus esse, ut reliquis incutiatur metus, ne facilè fraudandorum creditorum suorum consilium capiant homines, quod hoc ævo longè corruptissimo nimis est frequens, cum tamen deterrimam turpissimamque, quasi furti speciem, esse nemo negare poterit sub fide & velamine viri boni, & cum jam exploratum habeant se solvendi debiti, quod contrahunt,

a Vltima
Novembri
2602.

hant, facultate destitui pecunias à proximo mutuo sumere nunquam restituendas. Erit itaque Advocati sagacis munus & officium prospicere, ne quid sua negligentia, incuria, vel inscitia clienti suo incommodi periculi que adferat in ea necessitate constituto. Proinde monebit clientem suum, ut debitum ad creditoris instantiam confiteatur rotundè. Neganti enim debitum beneficium prædictum non datur ^a. Fateri autem debitum purè clareque debet, omni præcisa negandi occasione. Sed quaerit hic Baldus ^b, quid de eo sit dicendum, qui in principio debitum negavit, sed post sententiam latam poenitentia ductus confessus fuit, & distinctione facta, resolvit eum, qui iustam negandi causam habuit, ut puta si in jus alterius successit, & antè vel post latam sententiam poenitentia ductus factus est debitum, nulla poenitentia ductus ad beneficium cessionis admittendum esse; Eum verò qui in negatione perseveravit prædicto beneficio indignum haberi ^c, quod in odium scilicet mendacii ac malæ fidei debitoris ita statutum est. Consimiliter quoque clientem suum monebit Advocatus, ne quinquennalem dilationem impetrare studeat, nisi certus sit ista vertente se solvere posse creditoribus. Nam si postmodum spe sua frustratus, facultatem solvendi non habeat, à beneficio cessionis exclusus, ad carceres pertrahetur ^d. Sed illud apud interpretes disputando moveri video, an cessionis beneficium impetratum, novis creditoribus aliis supervenientibus quoque nocere debeat, ne debitorem in carcere detentum, & beneficio cessionis liberatum, in carcere retinere ac confinare possint; Et resolvitur ^e, bonis cedentem, iis quoque novis creditoribus, non minus, quàm prioribus prædictum cessionis beneficium opponere posse, rationem addentes

^a l. pen. ff. hoc tit. gloss. & d. in l. 1. Cessionis. & qui bon. ced. poss. bl. 1. C. qui bonis ced.

^c Malb. de Afflic. decis. 379.

^d glossa in l. cum soluto in fine. C. quib. bonis ced. quæ communiter omnes d. sequuntur Afflic. decis. 378.

^e Guido Pap. cōf. 124.

quod uidelicet non omnes necessario vocandi sint creditores, sed in tantum, qui instant, & urgent, & litem pulsant debitorem, ad instar confessionis inventarii. *aarg. l. 4 ff. hoc est. Guido Pap. d. conf. 124. l. fin. 9. licentia C. de iure delib. Sa. l. 1. C. qui bonis ced. poss.* quod omnibus creditoribus, ex post facto etiam apparentibus sufficit. Et hæc quidem omnia procedunt, nisi probatur non fuerit, bonis cedentem ante cessionem impetratam, vel bona quædam celasse ac subtraxisse, vel prodigalitate & luxu in fraudem creditorum suorum dissipasse ac decoxisse. Eo siquidem probato, prædicto beneficio indignus in carcerem detrudendus erit. Ita dicit Petrus Iacobi in tit. de Cessione bonor. & Sal. cer. ad d. l. 1. C. qui bon. ced. Quod & rationem habet: Neque enim quisquæ ex malitia sua lucrum sentire debet: Sed & reipub. interest istiusmodi dolos & fraudes pessimorum hominum reprimi, præcidi ac coerceri. Neque verò is tantum fructus aut beneficii prædicti commodum est, ut nimirum debitor, qui bonis cessit, ad carceres detrudi non possit, ut antè probatum est; Sed & illud operatur, ut si ad pinguiorem aliquando fortunam pervenerit, licet ea quoque bona quæ postea acquisivit creditoribus dimittere teneatur, non tamen ultra quam facere potest, urgendus veniat^b, quod in alio debitore, qui beneficium prædictum non obtinuit, cessat, qui ad peram & sacculum excutitur, nunquam tutus, donec creditoribus plenè satisfactum fuerit. Proinde ne isthoc beneficio excludatur cliens, operam dabit Ad. vocatus, ut omnia solemnia Edicto Imperatorio requisita mordicus adimpleat, ne quid sit quod ipsi imputari possit. Quod autem ab Interpretibus disputando movetur, an mercatores foro cedentes, quos interpretes mercatores fallitos, ac vulgus hominum laicorum à mensa rupta Banqueroutiers appellat, beneficio prædicto cessionis bonorū gau-

bl. 4. ff. hoc
tit. l. ex com-
tra in cum i-
di notat. per
g. 1. C. de
C. de bonis
autoris. iud.
poss.

gaudere debeant, non habet ullam amplius dubitandi rationem, propterea quod Edicto Imperator prædictus Carolus 5. in Belgicis Provinciis publicato istiusmodi homines, pessimos, commerciorum utilissimam rationem conturbantes, laqueo gula fracta vitam finire voluerit, tantum abest quod ullo Iuris legumque beneficio digni iudicandi sint. Qui rigor prædicti Placiti tamen si in defuetudinem abierit, manet nihilominus firma & stabilis decisio, quod cessionis beneficium illis indulgendum non sit, ne hominum malitiis fenestram apperiri contingat, quod ne fiat publicè interest.

De injuriarum actione. Cap. 39.

INter omnes actiones civiles atque forenses nulla est, quæ majorem nobis scrupulum semper injecerit, quàm hæc injuriarum actio. Nam cum certum sit eam ad solam vindictam tendere^a, quæ Christianis omnibus à Christo servatore nostro prohibita est, cujus lex Evangelica, in eo potissimum sita est, ut proximum diligamus sicut nos ipsos, inimicis nostris iisque qui nos oderunt, beneficiamus, dicendum concludendumque videtur hujus actionis exercitium Advocato Christiano permissum non esse: Quod si simpliciter procederet, nosmetipsos à peccato excusare non possemus, qui aliquoties istiusmodi injuriarum actiones in judicio persecuti sumus. Res certè anceps est: Sed nos commoda quadam distinctione & nostro & aliorum animis hunc scrupulum, ut speramus, eximemus. Lex quidem Christi, omnes in universum homines, qui Christo nomen dederunt, nemine excepto, complectitur & stringit: Quæ quidem non omnem tollit vindictam, sed

*a Leoninus
conf. 51. l. præ-
tor. §. 1. ff. De
injuriis, § non
omnes. Instit.
De perpet. leg.
temp act.
Math. 22. 5.
Luca. 6.*

*Math. 5.
Luc. 6.*

privatam tantum, De qua accipiendi sunt sacrarum scripturarum diversi loci, quales sunt: *Mibi vindictam, & ego retribuam. Item: Diligite inimicos vestros, benefacite his qui oderunt vos, & orate pro persequentibus & calumniantibus vos. Et qui percussit in maxillam, prebe illi & alteram.* Hæc certè omnia privatam spectant vindictam, non eam coercionem, quæ iudicis infertur sententia, quem D. Paulus Apostolus *Dei ministrum* appellat, *vindicem iram ei, qui male agit.* Quemadmodum ergo rectè à Iureconf. dictum est, iustè fieri quod auctore iudice fit ac geritur, nec injuriam facere eum, qui suo iure utitur: Ita quoque in hac injuriarum actione dicendum videtur, ut is, qui publicè læsus, honoris sui defendendi causa, aliquem in jus vocat, nec contra legem charitatis ac Christi præceptum peccare censi debeat: Præsertim, si tali sit affectus quis injuria, quæ illum bonorum virorum consortio arceret indignumque redderet, nisi per sententiam Iudicis innocentiam suam publicè declarari procuraret. Neque

Epist. ad Rom. 6. 13.

a Eccles. 4. 1.

b Epist. 1. cap. 4.

c Mat. 5. cap.

d Ionn. Evangel. 18. cap.

enim Evangelica lege prohibemur honorem nostrum famamque bonam, *nille thesauris pretiosiores*, asserere, eamque illæsam conservare, convicto per sententiam illo, qui labè illi aliquam aspererat. Imò D. Petrus Apostolus ^b, discretis verbis monet Christianos, *ne quisquem eorum patiarur ut homicida, aut fur, aut maledicus, aut alienorum appetitor.* De quibus aliisque similibus criminibus diffamatus, utique non aliter innocentiam suam, quam cunctis hominibus conspiciam esse vult Christus ^c, comprobare & manifestam reddere poterit, quàm si sententia iudicis, convicto de mendacio diffamete, innocēs purusq; declaratus fuerit. Quinimò & ipse Christus servator noster, unicum patientiæ exemplar & idea, à summi sacerdotis ministro percussus, dixit ^d: *Si male locutus sum testimonium perhibe de malo, sin autem bene,*

ne,

nè, quid me cedis? Qui licet inimicorum quoque testimonio innocentissimus esset, voluit tamen injustè verberantem redarguere, suamque innocentiam; coram omnibus profiteri, quòd sine causa & immeritò cæsus esset: nobis exemplum præbens, quid simili casu facere debeamus, cujus actio nostra est institutio. Cujus ut præceptoris vestigiis insistens D. Paulus Apostolus vas electum Dei ac spiritu sancto plenus, Ananiam principem Sacerdotum jubentē ut percuteretur, acriter & quidem contumeliosè reprehendens ac redarguens dixit^a, *percutiet te Deus paries dealbate,* ^{a Act. 23. cap.} *tu sedens iudicas me secundum legem, & contra legem me jubes percuti:* Consimiliter quoque idem Paulus magistratum Philip. pensem accusans^b, quòd se & Silam homines romanos, in- ^{b Act. 16. cap.} demnatos, cæsos in carcerem coniecisset, injuriam sibi factam protestatus, ac suo jure usus, ab ipso magistratu è carcere dimitti, non clam à ministris ejici voluit. Quinimò ut ludæorum insidiis, quas sibi undique strui intelligebat, eriperetur, cum aliam evadendi rationem nullam videret, provocatione ad Cæsarem facta periculo tum manifestissimo se subtraxit. Atque his aliisque rationibus moti, existimamus Christiano licere, actione injuriarum eum convenire, qui crimen aliquod objecit, ut ea ratione ac via suam coram iudice, ac concivibus suis, innocentiam commo- probet atque testeretur, famamque bonam tueatur atque defendat. Illud verò diffiteri non audemus, eos contra legem charitatis Evangelicæ peccare, & à vindictæ cupiditate excusari non posse, qui adversarium, sententia ad pœnā nodiam damnatum, captis pignoribus, vel ad carcerem pertractum rigidè urgent ac adigunt, ut sententiæ revocationem præcipienti satisfaciatur, ut infamiæ notam plenè contrahat: Isti siquidem malum pro malo rependunt & con-

tra.

tra Christi & Apostolorum præceptum^a. Quo casu Advocati munus & officium erit, clientem suum victorem dehortari, ac rationibus christianis inducere, ne quid tale contra reum condemnatum attenter: imò suadere ut sententia iudicis, quæ honorem famamque bonam publicè pleneque restituit, contentus, proximo, licet inimico, juxta legem Christi parcat. Quod si is sanis Advocati consiliis acquiescens, ab ulteriori persecutione destiterit, erit uterque, meo quidem iudicio, peccati expers, & victor coram omnibus testabitur, nihil à se quaesitum actumque fuisse, quàm ut honorem suum, nomenque bonum, cunctis sollicitè custodiendum, convicio condemnati lætum & adpersum, in tuto collocaret. Et declarabit quoque Advocatus, eo dato consilio, se ab omni vindicta alienissimum esse, qui clientis sui animum, sententia obtenta ferocientem bonis argumentis ad lenitatem deflexit, & tanquam motos cōposuit fluctus. Quod si Advocatus victoris omnis humanitatis & lenitatis oblitus frigidam suffundere, & efferum victoria clientis animum, concitare non erubuerit, persuasum sibi habere debet, non defuturam sibi ultionem divinam, eos qui amaro in proximum animo sunt, semper persequentem. Porro Advocatus Rei in causa injuriarum sollicitè quoque advigilare debet ac prospicere, ut clienti suo qui vel verbalem injuriam extra iudicium, licet veram, vel realem intulit, ac lite pulsatur, sanum rectumque consilium præbeat, omnem movens lapidem, ut cliens commodissima via, vel per transactionem quæ permessa est^b, vel amicorū intercessionē, vel etiam deprecationem, à lite molestissima sumptibusque extricetur: Id si obtineri nequit, sed clienti suo Reo omnino velit nolit litigandum sit, operam dabit Advocatus illius circumspice.

^a Epist. 1.
ad Tess. cap. 5.
1. Petri. cap. 3.

^b l. si unus
§ patitur ff.
De patris.

spectus, si nec annali silētio, nec dissimulatione vel famili-
 ari colloquio absque protestatione injuriarum actionem
 esse sublatam appareat, ut data ad libellum Actoris men-
 sem locūque exprimentem, (iis siquidem deficientibus
 ineptus redditur teste Leonino) responsione modestissi-
 ma, si negari non possit quod objicitur, verba injuriosa,
 non injuriandi animo, vel libidine conviciandi, sed ira
 cundiae calore, & à provocato irāque commoto prolata
 esse dilucidè protestetur, ac consequenter actioni injuria-
 rum locum non esse contendat. Quòd si actor istiusmodi
 responsione non contentus, insitet, rigidēque litem perse-
 quatur, ad sententiam deducturus, consilium Reo dabit,
 ut procuratorē constituat, in quem actor judicium trans-
 ferat, quod & lite jam contestata fieri potest^a. Atque hac
 cautela, etiam ad revocationem condemnato procuratore,
 reus qui ipsum dedit, infamiae notam evitat, ut & procu-
 rator ab eo datus^b. Et hanc cautelam passim DD. tradunt
 ad hanc materiam^c, eaque celebres hujus Curiae advoca-
 tos olim usos fuisse, ex antiqua cognovimus sententia in
 Commētariūm relata. Et non ita pridem exquisitus hujus
 Curiae Advocatus, cū clientem suum virum in dignita-
 te constitutum in summo periculo versari intelligeret, &
 ad revocationem condemnatum iri metueret, lite coram
 Magisteria potestate ventilata Actorem clientem nostrum,
 virum nobilissimum, summaque praeclatum potestate, in-
 tollerabili injuria affectum, dato vili procuratore ali-
 quatenus elusit: Et nos quoque simili cautela, Actorem
 quendam actionem injuriarum cum impetu & ferocia cō-
 tra clientem hominem pauperem persequentem, dato
 simili quodam procuratore repressimus, imperumque
 illius violentum retudimus ac fregimus, processu isto

Cōf. 51. m. 1.
 & l. 16. C. De
 accusat. et in-
 script. Spec.
 Tit. De libel-
 li concept. §. 1.

a. l. qui pro-
 prio, ff. De
 Procuratori-
 bus.

b. l. furti §.
 qui alieno, ff.
 procurat.

c. Cyn. L. x.
 C. de Sent. &
 interloc. Myn-
 sing. conf. 83.
 m. 25. Capol.
 la cautela 1. a.

Observatio

etiamnū altum dormiente. Quā quidem cautelam à lū-
 re cons. inventam proditamque esse credimus, non in ali-
 um finem, quā ut hominibus, qui ira & indignatione
 commoti, alteri injuriam extra judicium intulerunt, eoque
 nomine lite pulsati, infamiam inferendam metuunt, illius
 quoquo modo evadendæ, remedium aliquod suppetat:
 cū & publicè intersit bonæ opinionis famæque homini-
 bus, repub. habitari & frequentari. Illud autem prospici-
 et Advocatus Rei, ne qualitatē sententiæ diffinitivæ, no-
 men suum inscribi patiatur, id enim tutum non est, sed
 quod sagaces Curie advocati facere consueverunt, exhibita
 to mandato istam notam à se divertere debet. Quæ qui-
 dem antè dicta, in injuriis extra judicium prolatis obtinent
 in quibus facta etiam liquidissima probatione, veritas
 convicii injuriatē non excusat, in quo magni nominis
 Advocatos hallucinatos vidimus, ut ex sentētia Curie 27
 Octobris 1591. lata apparet. Secus est si injuria in judicio
 dicta vel scripta probata fuerit. Eo siquidem casu, is qui
 actione injuriarum convictus est, condemnationem pro-
 fus evadit, si probatio sufficiens subsecuta fuerit. Vt autem
 compendio rem totam absolvamus, Advocatorum in his
 ce odiosissimis litibus intentandis, persequendis, sustinen-
 disque munus & officium arbitramur, si nullis suasionibus
 dehortationibusque averti & sopiri queant, quod omni-
 bus viribus tentabunt, ut eas tali moderatione, discretio-
 ne, atque humanitate tractent & exequantur, ne feritate
 sua, vel boni consilii inopia, in hominum reprehensionem
 odiumque incurrant, ac iram divinam insuper, omnem
 ferociam, amarulentiam, & crudelitatem adversus proxi-
 mum exercentibus valde infensam, in se provocent, quam
 vitare & effugere, & e contrario gratiam & misericordiam
 divi-

Observatio.

divinam promereri posse, unica virtus est, solaque ea, quæ potest facere & servare beatum.

De officio Advocati in causis Capitalibus tractandis. Cap. 40.

HActenus quod sit Advocati munus, in causis civilibus peragendis utcumque explicasse, atque diservisse videmur: Reliquum est ut quæ sint Advocati partes in defendendis criminum reis expendamus. Et primum quidem Advocato considerandum est, causas capitales esse gravissimas, in quibus de vita liberi hominis ac poenis corporalibus disceptatur, atque ob id cautè & circumspectè in iis versandum esse: Quo enim periculum majus est, eo major cautela adhibenda est^a, ne innocens plectatur. Quinimo cum sint miserabiles personæ captivi, & pro talibus reputentur^b, invigilare debet Advocatus, ne quid clientes sui detrimenti capiant. Nam quemadmodum in bello bis peccare non licet, juxta politicum axioma, quòd nimis tales errores maximas sæpè clades rebus pub. adferant: ita quoque in causis capitalibus, si hallucinatus fuerit Advocatus, si negligentius in defensionibus proponendis versatus fuerit, clientem captivum in grave discrimen conjiciet. Hinc credimus factum, quòd olim octo senioribus Advocatis, decreto publico pauperum captivorum patrocinium sit demandatum, vestigialium solvendorum immunitate concessa: Cui nostra opera & intercessione, viginti quinque carolinorum aureorum annua pensio, pro singulis accessit.

al. qui sententiam C. de penis. bl. si quis ad declinanda C. de Epis. & cler. Dñ. in l. 1. C. Quando imper. inter pub. Bart. in Tract. suo Carceratorum in fine.

Nos (abstulit invidia dicto) Italia, & celeberrima Bononiensi Academia, in qua lauream Doctorem consecuti sumus, celeberrimosque juris utriusque professores, & Carolum illum Sigonium ævi nostri in historiis corryphaum, quo familiariter quoque usi sumus, docentes audivimus, relicta, Dolam linguæ gallicæ addiscendæ gratia venimus, ubi praxim in gravi criminali causa exercere cœpimus, defenso nobili quodam juvene Flandro, qui Italianam petiturus, in diversorio in Burgundiæ Comitatu, ebrius Principi suo maledixerat, eamque ob causam publico durissimoque carceri inclusus, non absque magna molestia evasit, Duacum ad studia persequenda ad biennium remissus. In patriam verò, relicta Mechlinia, ubi in matriculam Advocatorum magni consilii recepti fuimus, regressi, rebus Friscis propter VValonū adventum oppidò turbatis, multis tum nobilibus, primariis, tum civibus in arcem adductis, ac in periculum capitis propter partium studium vocatis, mirum dictu, quàm fertilis causarum criminalium praxis nobis oblata fuerit, omnibus opem nostram patrociniūque ob gallicæ linguæ tribuno militum familiaris peritiā, requirentibus. Cujus etiam beneficio, Centurionibus militibusque VValonibus tunc tēporis, licet non absque periculo, magnas prædas eripimus, ac quodammodo è faucibus extraximus. In qua quidem praxi (ut redeamus unde digressi sumus) ab anno 1572 ad hoc tempus ætatem nostram trivimus, & quam plurimos capitis accusatos, nostro patrociniū periculo mortis aliisque pœnis subtraximus. In hac itaque palæstra qui versabitur, ut versantur omnes hujus Provinciæ Advocati, diligenter eos authores evolvere debet, qui ex professo causas criminales tractant, quales sunt Angelus de Aretio,

Aretio, Alberius de Gandino, Hippolytus de Marsiliis, Aegidius Boscius, Julius Clarus, Damhouderius, & cōsilia criminalia Cæpollæ. In scholis siquidem criminales matæ rix perrarò studiosis præleguntur. Quo fit, ut Advocati ubi ad praxim hujus supremæ Curix accesserint, & causæ criminales oblata fuerint, multis sæpè difficultatibus involvantur. Nam & nos in initio cū causas capitales defendendas susceperemus, multas sæpè noctes insomnes duximus, solliciti valde ne quid captivo clienti per nos incommodi crearetur. Est enim res plena timoris, & quæ hominem requirit industriū & diligentem. Proinde erit Advocati officium, ut antè omnia à Reo captivo, facta examinatione, perdiscat, quod sit crimen quod objicitur, & quando & quo loco quibusve præsentibus contigerit, aut contigisse dicatur, ac omnes alias circumstantias excutere debet crimini ac facto coherentes; minima siquidē circumstantia jus mutat^a. Deinde considerare debet atq; expendere Advocatus, anne crimen quod cliēti impingitur præscriptione vicēnali, extinctū sit, qua omnia crimina, paucis exceptis, tolluntur^b, usque adeò quidem ut transacto viginti annorum spacio, neque fiscus, neque offensus, licet minor, restitui possit^c. Eamque objicere & probare teneatur, nisi ex articulis Actoris elici possit. Ad hæc indagabit, an criminofus in hac Provincia captus, an per remissionem judicis alterius Provincix, in carcerem impactus sit. Nam licet ista remissio criminofus ad locum delicti, totius Italix ac Gallia cōsuetudine non sit recepta^d, nihilominus tamē cū in hac Curia frequenterur, Advocati erit expendere, an legitima sit remissio. Nam si ab alio iudice quàm comicilli, facta fuerit, non poterit subsistere; Si enim ab illo iudice, qui procedendi contra criminofum jurisdictionē

^a argument.
l. aut facta ff.
De panis. a. 2.
^b l. querela
C. ad l. Corn.
de fals. Bart.
^c nisi in l. in
cognitione ff.
Ad Senatus
conf. Syllania.
^d l. auxiliū
ibi Odafr. ff.
De Minorib.
d Bald. in l.
1. C. ubi de
crimine agi o-
porteat, Cyn.
ad l. apud elo-
quentissimū
cod. tit. nu. 3.

*a glossa in
tit. de foro
compet. qua
communem
dicis Bart. et
Alex. in l. 6.
pulchri viola-
ti ff. eod. tit.
Bald. in l. 1.
C. de hered.
inst. Abbas
conf. 24. Bus-
sius Tit. de fo-
ro compet. nu.
52. 53. 54. 55.
bargumen.
10 l. ad bestias
ff. De panis.*

non habebat, & itaneque capiendi, tunc locum remissio-
 non habet sed est nulla ^a, & ad locum domicilii remitten-
 dus erit reus. Quòd si nihil eorum quæ antè allegata sunt,
 adferri ac prætendi poterit, sed ad defensiones criminis de-
 veniendum est, indagabit Advocatus, quæ clientis antea-
 cta vita fuerit, & an aliqua in patriam ejus merita extent:
 Faciūt enim quamplurimum ad elevandam minuendam.
 que pænam, quæ de jure constituta est ^b, aut innocentiam
 in dubio adstruendam. Ea enim in defensionibus homici-
 darum magnum aliquando momentum attulisse percep-
 mus: præsertim si occisus probaretur homo fuisse vitæ dis-
 soluta, ad rixas & verbera pronus, eadem sanguinemque
 spirans. Hæc omnia diligenter expiscari, & defensionibus
 probatoriisquæ articulis inserere debet, atque ob id
 sapius captivum adire & cum eo conferre tenetur, qui,
 præterquam quòd charitatis officium faciat, invisendo ca-
 ptivum ac consolando, etiam hoc consequitur commodi,
 ut omnes qualitates, ac circumstantias facto cohærentes,
 ac utiles eliciat, quæ illis non semper occurrunt, animis
 eorum metu ac mœrore percussis, quorū miseratione non
 tangi, & incommodo non angī, hominis est minimè hu-
 mani, ac rupe Tarpeia durioris: habentur enim pro mise-
 rabilibus personis captivi, ut antè dictum est, & illorum
 causa pia dicitur. Illud autem Advocatus præcavebit, ne
 clientem ad mentiendum instruat, quod magno errore a-
 liqui sibi licere arbitrantur: Id enim bona conscientia fa-
 cere non potest, qui memor veteris sententiæ Christianæ
 certè, cogitare debet, corporis mala, malis animi curan-
 da, avertendaque non esse. Quemadmodum & illud soli-
 citè cavebit ne captivo, aut illius consanguineis, de subor-
 nandis corrumpendisquæ testibus consilium det. Id enim
 non

non solum legibus civilibus sub gravi comminatione interdicitur est, sed & lege divina prohibetur, quibus non minus tenetur is, qui ad falsitatem instruit fraudandique consilium suppeditat, quam qui ipsemet falsum fraudemque committit. Præterquam quod propriam perjurio conscientiam vulnerat, illicitis modis iudicem, Dei vicarium turpiter circumveniens. Tametsi enim captivi clientis commiseratione motus omnes, ingenii nervos intendere, omnemque movere lapidem & possit, & debeat, ut eum periculis eximat cripiatque, intra limites tamen juris ac honestatis continere se debet Advocatus, neque præter jus ac fas aliquid moliri, ut pænis meritis subtrahatur is, qui non tantum proximum, sed & remp. pernicioso læsit exemplo, cui teste Platone^a, nisi ædito exemplo sumptoque supplicio plenè satisfieri nequit. Vnde miratus sum quod Parlamentum Parisiense (ut refert Boerius^b) Advocatum confessum quod captivo clienti suo, consilium dedisset, ut aperto carcere aufugeret, excusatum habuerit, quod tamen consilium, nec Boerius probat, nec nobis quoque placet. Quod si verò reus crimen objectum fateri nolit, sed in negatione perseveret, Advocatus, rejecto in Actorem Procuratorem generalem probandi onere, quod affirmanti incumbit^c, fortiter eum diligenterque defendet. Quæ defensio, cum magna ex parte in eo consistat, ut testes aliasque probationes ab Actore productas elidat refutetque, iis reprobandis providè diligenterque incumbere debet Advocatus, ac si turpitudine ignominiæque testibus obijcienda erit, articulos refutatorios conscribere, & testes producere tenetur, quod etiam didicisti testificatis ac post conclusionem in causa fieri posse tradit Hipp. de Marf. in praxi sua in^f. sequens num. 6. 7. 8. lis siquidem

Actoris

a in Gorgia.

b decis. 215.

c l. si qui dicit ff. De Probationib.

Actoris testibus probationibusque de falsitate, contrarietate, singularitate vel vacillatione convictis, vel aliis instrumentis ac prælumptionibus fortioribus elisis ac everfis reus, Actore non probante, etiamsi nihil præstiterit, absolvendus venit. Cujus quidem defensionis Rei tantus in jure favor est, ut testibus domesticis, consanguineis, foeninis non integræ existimationis, ac aliis inidoneis, illius comprobari innocentia possit^a, cum è contrario Actoris testes omni exceptione majores esse debeant. In quibus reprobationibus ritè conscribendis, quantum momenti situm sit, quilibet facile intelligit. Quoniam autem processu conclusio & examinatio, Curia interdum deprehendit probationes criminis impositi non esse luce clariores, sed dubias, ac tales, quæ ad condemnationem non sufficiunt, & ob id ad quæstiones recurrendum arbitratur, operam dabit Advocatus, si id resciverit, ut captivum (si non sit ex eorum numero qui torqueri prohibentur, quales sunt impubes^b, senes decrepiti^c, foeminaeque gravidae quæ nec terreri debent) certiore faciat, ut quæstionibus subjiendus coram Commissario de innocentia sua protestetur, atque declaret, nolle sibi confessionem suam tormentis expressam, præjudicare, eamque peractis quæstionibus revocet: Alioqui enim si in confessione tali perseverarit, condemnationem evadere non poterit. Tametsi enim lex dicat, quæstionem rem esse fragilem, & periculosam, & quæ veritatem fallat, contra quam multa dici posse Quintilianus gravis author asserit^d, quod aliis patientia facile mendacium faciat, aliis infirmitas necessarium: nihilominus tamen cum Vlpianus^e, expressis verbis definiat, non semper, nec tamen nunquam fidem habendam esse quæstioni, ac tota ferè Europæ consuetudine sit recepta: erit providi

^a Alex. cōf. xi. lib. x. Spec. Tit. de inquisit. §. 1. versic. sed nunquid reus l. cōsensu

C. de repud. c. veniens De Testib. Alex. cōf. 5. Dec.

cōf. 4. 29. et 4. 59. Ioann. de Anania

cōf. 50. Hipp. de Mars. sing. 59. Bald. in l. parentes C.

de Testib.

b l. x. §. impubes ibi glossa ff. Ad Sil. lanianum.

c l. 3. §. ignoscitur ff. ad Sillaniā, Alex. in l. milites C. de Quæst.

d l. 5. Instit.

Orat. cap. 4.

e l. 1. versic.

quæstion. ff.

ord. tit.

providi Advocati, perspicacius consilium adhibere, & majori cautela procedere, ne clienti præter jus ac leges tormenta infligantur. Quod quidem tum fieri censetur, si à tormentis, nullis legitimis indiciis, reo que communicatis præcedentibus incipiatur, aut absque novis repetantur, quod nequaquam fieri debere tradunt criminalistæ^a. Nam quemadmodum tortus absque indiciis & confessus, sibi non præjudicat, etiamsi in ea confessione pluries perseveraverit^b, ita quoque si sine novis indiciis legitimisque argumentis tormenta repetantur, confessio in illis expressa, non præjudicat, etiamsi indiciis sequentibus confirmata fuerit, quod tradit Boerius^c. Quæ quidem prædicta usque adeo obtinent, ut Vlpianus dicat etiamsi si quis ultro de maleficio confiteatur, non semper ei fidem adhibendam esse; hac subiecta ratione, quod nonnunquam aut metu, aut qua alia causa, in se confiteantur accusati. Quod & Impp. fratres ad Voconium Saxam rescripsisse idem Vlpianus refert^d, liberandum eum, qui in se fuerat confessus, cujus post damnationem, de innocentia constitisset. Itaque ne repetantur tormenta nullis novis legitimisque indiciis emergentibus prospicere & præcavere debet Advocatus, ac supplici libello Curiae porrecto, petere ne id fiat, illam ethnici hominis sententiam planè christianam semper inculcans: Satius esse impunitum relinqui facinus nocentis quam innocentem damnari^e. Quod in gravissima quadam criminali causa, captivo de prodicione delato, ante aliquot annos tentatum & supplici libello Curiae exhibito, à nobis impeditum fuisse recordamur, nulla habita ratione delatoris in articulo mortis declarationis afferentis captivum verè à se delatum esse, quam nos ultimo supplicio præsentis, non absque horrore proferri audivi-

a Tac. de
Aretio &
Cynus in l.
final. C. de
Quæst. Cyn.
& Rayn.

quos refert
Bart. in l. u-
nus ff. de
eod. Bald. in
l. militet C.
de iur.

b l. divus §
ex quibus et
l. maritus ff.

c de Quæst.
ibidem Hipp.
de Mars. Ro-
ma conf. 167

d decif. 259
d l. 1. §. se-
quis ultero ff.
De Quæst.

e l. absenti-
sem ff. de
pœnis.

Observatio

mus. Quam istius delatoris declarationem meritò rejecit Curia, tum quòd captivi delati capitalis hostis esset, tum etiam quòd unius hominis declarationi seu testimonio lex divina^a fidem adhiberi prohibeat, ut aliquis condemnatur, sed testibus ad minus duobus est convincendus qui accusabitur, Christo & Paulo Apostolo testantibus^b. Ex qua, tanquam purissimo fonte, profluxerunt leges civiles ac humanae, unius hominis testimonium in judiciis etiam civilibus respuentes, etiam si dignitatis summa honore præfulgeat. Vt autem revertamur eò unde digressi sumus, Advocatis hæc cura incumbit, ut omnia circumspectè & legitime fiant, atque ut id obtineat, precibus Curiae porrectis, advigilare & inculcare debet, ne vel absque iudiciis accusatus torqueatur, vel sine novis repetatur questio, citatis Vlpiani verbis dicentis: Quæstionem rem esse fragilem & periculosam & quæ veritatem fallat: Nam plerique (inquit) patientia sive duritia tormentorum, ita tormenta contemnunt, ut exprimi ab illis veritas nullo modo possit: Alii tanta sunt impatientia, ut quodvis mentiri, quàm pati tormenta velint, & ita fit ut vario modo fateantur, & non tantum se, verumetiam alios criminentur. Cujus rei horrendum narrat exemplum Boetius^c, de muliere, quæ propter minas, quas de fenestra inimicum suum, aliis & inimici inimico audientibus, effuderat, capta & quæstionibus subjecta, homicidium ab inimici inimico patratum, doloris impatientia fassa, ultimo supplicio, licet innocentissima, affecta fuit. Consimile exemplum & in Curia Trajectensi contigisse ante multos annos intelleximus. Profectò cum & captivos in ipsis tormentis expirasse perceperimus, certè ea moderatione & discretione in tormentis adhibendis versabitur Curiae delegatus

ut

^a Deuter.

19 cap.

Matth. 18.

cap.

^b Ioan. 8.

Eph. 2. ad

Corinth.

cap. ultimo.

^c Boetius

ut carnificis feritatem refrenet atque coerceat. Solent enim isti homines nonnunquam improbi, istam tristem odiosamque functionem suscipientes, omnem ferè humanitatem exuere. Quòd si verò vel legitima confessione, vel aliis liquidis probationibus, luce clarioribus, quales in criminalibus requiruntur^a, delictum probatum, reusque convictus fuerit, si per circumstantias elevari ac minui nequit, quod omnibus viribus tentabit Advocatus, ad deprecationem confugiendum erit, ac reo de vita manifestè periclitanti, christianas, de immensa & infinita Dei misericordia omni tempore (teste D. Cypriano^b) poenitentes recipientis, adhibere consolationes debet, hortabiturque clientem, ut coniecta in Christum humani generis servatorem, ac fidum Advocatum (teste Apostolo^c) mortem hanc omnibus hominibus, serius ocius, subeundam, cum patientia excipiat, certus eam propter ignominiam (si ex animo illum prioris vitæ poeniteat) ad criminis probati reliquorumque peccatorum expiationem purgationemque indubianter profuturam. Precibus quoque suis Advocatus, (quod Medico agrotum curanti Ecclesiasticus^d præcipit) clientem ex hac vita migraturum juvare, Deoque omnipotenti commendare, atque orare debet, ut cor ipsi humiliatum & contritum, ac veram patientiam largiri dignetur, ut huius carnis vinculis solutus, ad Paradisum trāsire mereatur, beatorum consortio aggregandus. Illud coronidis vice addendum Advocatumque commonefaciendum arbitramur, ne causam clientis captivi nimia acceleratione præcipitet. Tempus enim & dies (teste Comico) ut ægritudinem adimit, ita iram & indignationem quoque mitigat lenitque, ac ob id lentè, ut habet vetus dictum festinandum est, ut ea ratione, & clienti, & Curiae

^a l. fin. C.
de probat. l.
qui sententiā
C. de poenis.

^b In sermone
de Coena
domini.

^c Epist.
Iocann. 1.
cap. 2.

^d cap. 38.

reliquisque concivibus, operam suam probare possit, si causa præter opinionem tristem eventum sortita fuerit. Illud citra tactantiam profiteri possumus, inter centenos ca. privos, quibus annis 33 patrociniū præstitimus, ac hoc saxum volvimus, paucissimis ultimum supplicium irrogatum fuisse.

*De iis qui se purgationi criminum offerunt,
& quomodo in isto negotio versabitur
Advocatus. Cap. 14.*

PRæcedenti capite de Officio Advocati in causis capitalibus, & quid facere debeat quando Reus criminis ad carceres pertractus, à Quæstore rerum capitalium (qui Procurator generalis dicitur) lite pulsatur, disseruimus. Nunc ordo tractationis postulare videtur ut describamus quæ sint advocati partes in consiliis dandis & defendendis iis qui in carcere se sistere & purgationi criminis offerre volunt. Id enim nonnunquam fieri nemo in praxi hujus Curia versatus ignorat. Nam cum hæc scriberemus duo de commisso homicidio diffamati, quorum alter id necessario fecisse creditur, cum tertius occisus sit, ad carcerem concesserunt, purgationi sese offerentes, & etiamnum sub iudice lis est. Itaque si iste casus Advocato oblatus fuerit ab aliquo, consilium sibi dari petente quid facere debeat, præcavebit ille certè ne author sit ut consultor purgationi se offerat, sed dicet rem periculi esse plenissimam, & planè ancipitem, multa incidere posse, quæ cum in vitæ discrimine longè maximū adducere atq; conicere queant; ac proinde deliberandū esse diu quod statuendum est semel, neq; enim esse

esse poenitentię locum. Ad hæc posse reum qui carceri inclusus, dubiam litis aleam elegit, magnopere falli, testibus quibus se innocentiam suam probaturum confidit, aut vacillantibus ac variantibus, aut etiam ignorantiam simulantibus, aut quod detestabile est, falsum testimonium perhibentibus. Ista enim omnia accidere posse experientia rerum magistra docet. Præterea facile contingere posse, ut si probationes dubie aut suspecte sint, quæstionibus subiciatur tormentis examinandus purgandusque. Qui si doloris impatiens (ut sunt multi) aliquid contra se legitime confessus fuerit, nemini non conspicuum est quantis periculis vitam suam exponat. Hæc inquam omnia consultori inculcare debet Advocatus, ut iis consideratis perpensisque deliberare possit, quid facto sit opus. Adjiciet quoque non ita pridem quendam qui de homicidio suspectus erat, ac ad carceres purgandus sponte concesserat, probationibus dubiis, ægerrimè vira salva evasisse. Quod si verò consultor in fontem se professus, periculum subire omnino decreverit, ac carceri inclusus, consilium sibi dari petat, ut voti sui compos fiat: Advocati erit officium, in hac ut in aliis causis capitalibus, omnem adhibere diligentiam, omnesque defensiones exquirere & indagare, quas facti circumstantiæ suppeditare ullatenus poterunt, fortiterque causam tutari, ne aliquid sit quod Advocato imputari à cliente possit. Atque hæc quidem obtinent si Procurator generalis litem adversus captivum purgationi oblatum intentaverit ac persecutus fuerit. Quòd si verò quisquam à privatis de crimine infamatus purgationi se offerat, erit Advocati officiū precibus Curiae oblatis petere, ut per citationem ad certum diem vocentur infamatores, crimen obiectum probaturi atque executuri. Qui si bina citatione

evocati, non compareant, & de contumaciis accusati fue-
 rint, Actor captivus purus purgatusque sententia Curiae
 declarabitur. Si verò quisquam purgationi se opposue-
 rit, & postea ad persequendam causam citatus, emanens de
 contumacia accusatus fuerit, unius istius contumaciae ac-
 cusatio hoc Actori dabit commodi, ut ejusdem Curiae sen-
 tentia purus declarandus veniat, adversario in expensas dā-
 nato. Atque haec ordinationibus magni consilii apud Me-
 chliniam Tit. *Proter criminel*, artic. 21. 22. & 23. com-
 prehensa sunt, ut videre licet & locum habent, quando is
 qui infamavit certus est. Secus erit si incertum sit à quo
 infamatio primum sparsa sit, ac originem trahat, tunc enim
 alia via ac modo procedendum foret, ac faciendum id quod
 Ordinatio Curiae Hollandicae artic. 210 continet, nimirum
 ut Actori Edicto citatorio concesso detur facultas, ut per
 apparitorem Curiae ad locum domicilii & delicti perpe-
 trati transmissum, trina proclamatione evocentur omnes
 qui Actoris purgationem oppugnare volent, ut ad certum
 diem compareant, ac legitimas criminis probationes infe-
 rant: Quod si trina proclamatione peracta, nemo compa-
 ruerit purgatus declarabitur, nisi per aliquem ad hoc dele-
 gatum, sufficiens probatio Curiae facta fuerit. Eo si qui-
 dem casu, captivus criminis convictus, competenti sup-
 plicio afficietur. Verum enim verò cum ista testium exa-
 minatio seu inquisitio maximi sit prejudicii, ac ob id omni
 vacare suspicione debeat, utpote cum eam vel absolutio
 vel condemnatio sequatur; Erit Advocati officium pro-
 curare ut ista inquisitio alicui consiliario, nulla suspicione
 gravato, committatur: quo omnia ordine & legitimè per-
 agantur, quod in capitalibus causis vel maxime requiri-
 tur, quibus irreparabile damnum irrogatur, si gravis error
 com-

commissus fuerit in condemnando. Et licet ista inquisi-
 tio seu testium examinatio atque receptio Ordinatione
 Curiae Hollandicae secreta esse, atque ita Curiae exhiberi
 debeat, arbitramur tamen ad Advocati quoque officium
 pertinere, ut precibus Curiae oblatis insisteret ac urgeat quo
 ista testimonia captivo clienti suo communicentur, ut di-
 spiciat quid sibi sit faciendum, ne praecisa & adempta contra-
 dicendi ac testes refutandi facultate, praetermissio juris ordi-
 ne, insons opprimi videatur. Cum enim hoc casu tam
 versetur in vitae discrimine captivus, quam cum ad carce-
 res pertractus, ordinaria lite pulsatur, non potest ulla diver-
 sitatis ratio reddi quare ad reprobandos testes secreto exa-
 minatos non sit admittendus qui purgationi & carceri sese
 obtulit. In initio capitis hujus mentio facta est duorum qui
 se purgationi obtulerunt, & ex vinculis causam dixerunt,
 Ea ad finem perducta antequam suprema huic tractationi
 manus imponeretur hunc habuit exitum, quod examina-
 tis utriusque testibus, tormentis insuper subjecti fuerint,
 quorum neutri cum ulla exprimi confessio potuerit, centum
 quinquaginta aureorum summa mulctati & in expensas
 damnati anno 1605. absoluti sunt, ut ex Advocatis qui *Observatio*
 patrocinium praestiterunt, accepimus. Veruntamen cum
 ea res multis periculis, ut antè quoque diximus, obnoxia
 sit, cavebit Advocatus ne consultori ex vinculis causam di-
 cere volenti animum addat, sed postis ob oculos periculis
 longè maximis, scrupulum injicere debet ut ille deterri-
 tus, in re tam ardua, amplius deliberandum censeat, po-
 pulare illud ac proverbiale dictum ipsi occinens: *Het is be-
 fer te wesey in der vogelen sang alt in dyseren clang.* Li-
 cet enim durum sit, in exilio vitam agere, durius tamen
 est vinculis compedibusque stringi, ac dubiam iudicii
 alcam.

aleam subire: Libertas certè res est inestimabilis, teste Iureo
con. & carcer mala mansio dicitur ac morti æquiparatur
secundum Baldum^a.

a l. r. §. de-
niquo Tit.
qua fuit pri-
ma causa be-
nes. amitt.

De beneficio Remissionis criminum. Cap. 42.

SVperiore capite Advocati munus & officium, in tra-
ctandis causis capitalibus breviter descripsimus: Quo-
niã aut eodem capite obiter mentio facta est de homicidis,
& quæ sint partes Advocati, si quando in iudicio contra im-
petitionem Procuratoris generalis defendendi sunt, viden-
dum est, quid Advocato faciendum sit, si homicida literas
Remissionis petendas sibi atque impetrandas duxerit,
quod sæpè in hac nostra Provincia, propter homicidiorum
(proh dolor) frequentiam contingere, nemo est qui ig-
norat. Itaque si Advocati in iis Remissionis literis impe-
trandis consilium requiratur, ante omnia providendum
illi erit, ut si supplicem libellum scripturus sit, nihil præter
rei factique veritatem narret, sed operam dabit, ut preces
veritate nitantur. Nam si libello supplici aliquid delicti
palliandi, extenuandi, elevandi que gratia complexus fuerit
is, qui eum exhibuit, aut veritatem factique circumstanti-
as, crimen homicidii aggravantes exprimendas, suppresserit,
fructu effectuque beneficii Remissionis impetrans ca-
rebit. Diplomata siquidem Principum falsis causis nixa
non subsistunt, c. super literis De rescriptis. DD. in l. præ-
scriptio, C. Si contra jus vel utilitatem pub. c. super lit.
c. super ea. De re iudicata. Quapropter Imperatoris Caro-
li 5 Placito 21 Octobr. anno 1541, publicato, Ordinumque
promulgatione renovato & confirmato artic. 18, & 19,
istiusmodi literæ Remissionis, subreptitiæ declarari juben-
tur,

tur, non tantum si falso narratum sit, impetranter provocatum, ac inculpate tutelę moderamine usum, hominem peremisse; sed & si libello supplici homicidam bonę famę, aut interemptum malum improbaque vitę conversationisque hominem fuisse, narratum sit, quod artic. 19 disertis verbis declaratur. Proinde providi Advocati erit prospicere, ne quid hac parte in concipiendis precibus peccetur; Et tanto quidem magis, quod artic. 12 predictę Constitutionis reus homicidii literis Remissionis in iudicio exhibitis & intimatione seu interinatione, ut loquitur Leoninus, conf. 91. petita: ad carceres ire cogatur, ibidem permansurus, donec aliter à Curia dispositum fuerit. Quod quàm sit periculosum & anceps, quisque apud se cogitare poterit. Nos certè hujus rei exemplum vidimus, in quodam hujus Provinciæ territorii Leovardiensis rustico locuplete, qui quod facti circumstantias, aliter narrasset, quàm rei veritas postulabat, literis Remissionis in iudicio exhibitis, & facta contentione, ut Actis Curię intimarentur, à Procuratore generali homicidium voluntarium, proditoriumque fuisse publicè allegante, de obreptione subreptioneque accusatus, & in carcerem impactus, in summo vitę discrimine versabatur, nec supplicium ultimum evadere potuisset, nisi ad causam jam desperatam vocati nos remedio quodam extraordinario, permissio tamen, nimirum secundis remissionis gratiæque literis dum carcere continebatur, ac lis inter captivum ac procuratorem generalem pēderet impetratis, quod fieri posse ex antiqua cognovimus sententia 16 Martii anno 1540. pronunciata Advocatis notanda, cum periculo longè maximo, subtraxissemus, uti ex actis Curię liquere potest. Neque verò sufficit, beneficium Remissionis, benè legitimeque, precibus veritate ni-

Observa

R

tentibus impetratum esse, nisi iis quoque servatis solemnibus petatur atque obtineatur prædictarum literarum intimatio (infernement galli vocant) quæ prædicti Imperatoris constitutione præscripta & expressa sunt. Et primum quidem qui literas prædictas impetravit, intra sex menses eas Curie offerre debet, alioqui earum effectu cariturus: Deinde ipsemet statuto die juridico in auditorio comparere easque exhibere debet, atque simul postulare ut intimetur, actisque juxta Curiae stylum inscribantur: Eoque facto rectè ad carceres se conferre ibique permanere teneatur, donec Curia secus disposuerit. Quod quidem ita strictè observari voluit Carolus Imp. ut judici expressis verbis interdixerit, ne antè carceris mancipationes, & non levis examinatisque attestationibus à iudice loci transmissis, impetrantem è carcere dimittat. Quæ quidem omnia juxta Placiti tenorem usque adeò requiruntur de necessitate, ut licet Procurator generalis consensum suum adhibuerit, iudex tamen non excussis Informationibus, captivum dimittere nequeat. Ad hæc quoque exigitur ut ad diem præstitutum, vocatis iis quorum interest, intimatio prædicta postuletur, quibus constitutione prædicta facultas datur ut literas sive Remissionis beneficium ex professo si velint oppugnèt, non solum ut quod sua interest consequantur, sed etiam ut iis rejectis, capitali supplicio reus subiugetur. Ex quibus omnibus liquidò patet solertis industriique Advocati officium in eo versari, ut prospiciat ne quid ex prædictis solemnibus prætermisum deprehendatur. Id enim si accideret conscientie morsum semper circumferret furdo verberare cadentem. Nam cum Placita Principum legis vigorem habeant, à nemine, nedum Advocato, ignorari debent, & consequenter si juris ignorantia

tione

tione lapsus Advocatus periculum clienti creasse convi-
 ctus fuerit, nominis sui iacturam faciet, imò ad instar medica-
 ci imperitè secantis, mortisquè occasionem præbentis, lege
 Aquilia teneretur. Sed & illud quoque prædictum Pla-
 citum continet, ad solatium eorum, qui literas impe-
 traverunt, ut si quid libello supplici omissum erit, quod
 narrandum exprimendumque fuerat, porrectis precibus se-
 cundas sibi literas indulgeri petere possint: ita tamen ut
 iis quoque inferant, antè literas à se impetratas fuisse, qui-
 bus factum non satis narratum erat: Quod quidem utque
 adeò necesse est ut fiat, ut eo omisso secundæ non minus
 quàm priores, subreptitiæ futuræ sint, quæ statim quoque
 cancellari jubentur, antequam ulla desuper habeatur de-
 liberatio. Ne autem secundis literis à Principe impe-
 trandis captivum gravari contingat, cum absque magnis
 impendiis id fieri non soleat, remedium est ut Advocatus
 porrectis Curix precibus, omissionem sibi condonari,
 facta compositione, petat: quod fieri posse & factum olim
 fuisse ex antiquis sententiarum hujus supremæ Curix con-
 mentariis, cognovi, quæ anno 1546 vicesimo Maii & de. *1546. 20. Maii. 6. 19.*
 cimo Junii latæ sunt inter Procuratorem generalem Acto. *Junii.*
 rem & Regnerum Lieuma, item Feddonem Sibolts reos, *Observatis,*
 quibus certa pecuniæ multa indicta, literæ remissionis in-
 timatæ fuerunt. Præterea illud quoque inter solemnia
 connumeratur, ut reus Diploma Principis exhibiturus, in-
 timationemque postulaturus, in Auditorio flexis genibus
 apertoque capite id faciat, cui nisi lectis literis surgere per-
 missum non est. Qua lectione presentibus Curix dele-
 gato ac Procuratore generali frequenti Advocatorum ho-
 minumq; corona peracta intimationeq; petita, ad carcerem
 reducitur, ibi permanens, donec auditis iis quorum in-

terest, ac prædicto Procuratore generali, Curia prædictas literas definitiva sententia intimandas declaraverit. Atque hæc quidem in remissionibus homicidiorum impetrans disintimandisque obtinent, placito Imperatoris comprehensa, atque Enchiridio Statutorum inserta, ac ob id mordicus, & ad unguem observanda sunt. Ad alia verò criminalia quod attinet, quorum remissiones peruntur ac impetrantur à Principe, prædictas quoque solemnitates ad intimationem earum obtinendam, observandas esse arbitramur; nisi principalium literarum seu Diplomatis tenor expressam earum relaxationem contineat. Atque ea quidem quæ antè relata sunt, locum sibi vendicant, si sententia condemnatoria non præcesserit. Nam si sententiam passus Reus, à principe restitutus sit, forrè alia exiguntur solemnities. Qui casus, cum nobis in praxi versantibus oblati non sit, nihil specificè de iis declarare possumus, contenti iis, quæ antè dicta sunt atque relata: Interim tamen negare non possumus, vidisse nos in antiquis Curia: supremae commentariis, sententiam condemnatoriam quandam famosam, & restitutionem à Principe factam, qua quidam non infimi nominis sententia damnatus, ac omnibus honoribus exutus, honori famæque restitutus fuit. Sed illud apud Plinium illum secundum, Oratorem & advocatum consummatissimum, in Epistola ad Imperatorem Trajanum scripta, in disputationem vocatum videmus, an Archippus philosophus, ob crimen falsi in metallum à proconsule damnatus, & Diplomate non restitutus, sola epistola Domitiani Imperatoris ad L. Appium Maximum data, qua Archippum & virum bonum, & professione majoribus respondentem, Maximo commendaverat, & plenam ei humanitatem præstari volebat, restitutus censeretur:

Et

Et re apud Imp. oprinium in utramque partem disputata, censuit ac rescripsit, credendum esse, etiam statui ipsius Archippi interventu Domitiani Imperatoris, subventum fuisse. Cui congruere videtur textus l. i. C. de sententiâ passis & restitutis. Nam ibi Iulianus quidam Licinianus, Antonino Imperatori oblatus, solis verbis adversus sententiâ Deportationis, Provinciâ non solum, sed & honoribus, & ordini cæterisque restitutus narratur. Quoniam autem sententiam passi & restituti interest quàm maximè, memoriam ejus non perire, circumspecti erit Advocati officium, curare ut ea omnia in commentarios publicos referantur ac conserventur, ut cùm res postulabit in prò. ptu esse ac haberi queant. Quod autem antea diximus vocandos esse eos quorū interest, quando intimatio beneficii Principis in judicio postulabitur, iisq̃ue permitti oppositis onibus legitimis petitionem Actoris impugnare, usque adeò verum est, ut ex antiqua sententia 27 Octobris anni 1548. inter Ioannem Obbonis Actorem & Corneliam Valerii illius conjugem Ream prolata, cognoverimus, Imperatoriarum literarum, quibus relegationis revocationem (quam Galli vocant *rappel du Roy*) indulserat, intimationem sententia hujus Curia definitiva Actori prædicto denegatam, & Procuratori generali injunctum fuisse Imperatoris jus adversus eum exequi, qui & in expensas condemnatus fuit, ut ex prædicta sententia Curia commentariis inscripta & inserta apparet.

27 Octobris

1548.

Observatio.

De Sumptibus litis. Cap. 43.

CVM non iis tantum qui in foro versantur litibusq̃ue exercendis operam dant, sed & iis quoque qui sui con-

*a l. termi-
nato C. de
fentib. &
litium expē-
fis.*

sequendi gratia jure experiuntur, notissimum sit magnis impendiis lites peragi, usque adeo quidem ut ea res proverbio locum tegerit, quo taxantur strenui illi litigatores, nimirum juvenem litigatorem senem mendicum fore. Erit Advocati quoque munus, ut antè diximus, consultores à litigando absterre. Quod si verò aurem accommodare nolint, aut suum, nisi mota lite, consequi nequeant, proximum erit ut prospiciat Advocatus ne in litis exordio sumptus expensasque petere negligat, non ignarus non petitas à iudice non adjudicari^a. Quod mihi aliquando nimium festinanti contigisse recordor & fateor. Sed cum rarissimè hac parte peccetur ab Advocatis, non existimamus opus esse hoc præceptum curiosius inculcare. Illud autem hoc loco monendi sunt Advocati, si contingat eos clientum suorum nomine, cum expensarum, usurarum, fructuumque adjudicatione sententiam obtinere, ut eas declaraturi modum non excedant, sed intra limites honestatis Ordinatione Curia præscriptos permaneant. Qua parte plurimum à plerisque Advocatis peccari quotidieprehendimus, qui nulla æquitatis ac moderationis habitata ratione, hoc agunt ac student ut quàm plurimum per fas nefasque clientum suorum victorum nomine judicis taxatione consequantur. Vidimus nos paucis abhinc annis unius litis sumptus, itinerum impediis computatis, ad centenos aureos extensos declaratosque, judicis moderatione taxationeque, ad 20 aut circiter aureos reductos fuisse. Quo quid potest absurdius ac etiam iniquius fingi? Certè negari non potest quin istiusmodi Advocati in conscientiam suam peccent, ac iurisiurandi religionem violent. Neque enim in istis expensarum litiūque sumptibus exequendis minus bonam fidem servare debet, quàm in

in causa principali. Ut autem illi malo eatur obviam, dabit operam Advocatus qui victo patrocinium præstitit, ut istas expensarum, usurarum ac fructuum declarationes à victore in iudicio exhibitas, diligenter sollicitèque excutiat, ac competentes diminutiones refutationesque intra tempus Ordinatione præfinitum adjiciat, ne clientem unica contumacia, si absit, facultate diminuendi seclusum, quod stylo Curie obtinet, earum defectu damnum non modicum accipere contingat, quippe cum ipsam sortem sæpè excedant. Iam verò si per taxationem iudicis ei rei sedentis, clientem suum qui victus est gravari viderit Advocatus, ad illius pertinet officium ut ab ea, tanquam interlocutoria sententia, ad Curiam provocet, ut error læsioque reparari possit: quod fieri alia quando vidimus. Nec debet is qui taxationem fecit in malam partem accipere, si ab ea provocatio fiat, cum olim solus præses nunc primus Consiliarius istis taxationibus vacet, ut mirum non sit si aliquando aberrat à scopo: plus etenim oculi vident quam oculus, juxta vetus dictum, Et meo quidem iudicio publicè expediret, istam provinciam pluribus aut tribus saltem Consiliariis demandari. Quod autem antè dixi, ea moderatione in declarandis litis sumptibus utendum esse Advocatis, ne quid præter veritatem fidemque bonam fecisse convincantur, iterum dico ac repeto: rectè enim veteri proverbio dicitur *δισ' ἢ τρις τὰ καλὰ*. Quos velim veteres illos hujus supremæ Curie Advocatos celebres (quorum nemo nunc superest) imitari, quos ea conscientia ac moderatione in isthoc negotio versari conspeximus, ut taxatione iudicis parum aut nihil de summa ab iis petita deduceretur. Sed (proh dolor) longè ab integritate & sinceritate illorum defleximus, & cum poeta concludere possumus, quod ætas parentum pejor avis, tulit

Math. 24.

tulit nos nequiores, mox daturus progeniem vitiosorem. Nec mirum: Versamur enim in hac mundi senecta, in qua abundabit iniquitas, & refrigescet charitas multorum, teste Christo servatore nostro. Beatus ille qui usque in finem in pietate, ac timore Dei perseveraverit. Neque est quod quisquam vulgi dictum, petendum videlicet iniquum ut æquum feramus, ad exorbitantis petitionis suæ excusationem prætendat: Cum nemo ignoret omnem iniquitatem & alienorum bonorum concupiscentiam, lege divina prohiberi atque damnari. Quoniam autem sumptuum litis declarationibus reproducendis octiduum, & si usuras aut fructus contineant trium septimanarum spacium Ordinatione præfinitum est, curabit Advocatus ut unà cum legitimis diminutionibus, prædicto termino currente, apud acta exhibeantur, ne victor ordinationi insistens taxationem absque diminutionibus victo præjudiciabilem atque detrimentosam consequatur ac obtineat.

De honorariis seu Saliariis Advocatorum. Cap. 44.

Quàm grave sit Advocatorum officium, quàm dura provincia quam sustinent, ex iis quæ superioribus capitibus adducta sunt & relata, non difficulter colligi potest. Nunc superest, ut de præmiis laborum, quæ honoraria vocat Vlpianus, paucis videamus. Neque enim quisquam est qui ignorat, eam rerum humanarum esse conditionem, ut rarò quisquam repertus sit, qui privatim vel publicè beneficiis aliquibus præstitis, non aliquod sibi præmium deberi existimaverit: Quod & rationem habet: Nam æquitati naturali nihil tam conveniens est, quàm ut is, qui fida alicujus opera usus commodum sensit, remuneratione gratiam

gratiam aliquam rependat. Quod quidem usque adeo æ-
quum censuit ipse Christus servator noster, teste D. I au-
lo Apostolo^a, ut Evangelium etiam annunciantibus vitæ
necessaria suppeditanda ordinaverit, & operarium cibo suo
ac mercede dignum declaraverit^b. Proinde cum omnium
hominum ac nationum consuetudine moreque receptum
sit, tanquam axioma politicum, ut semper dignus habitus
sit operarius mercede sua, nec minimam esse injustitiæ
speciem, sed & summam ingratitudinē, opera proximi abs-
que remuneratione uti: hinc fit ut Advocatis quoque qui
patrocinium clientibus præstiterunt, honorarium seu sala-
rium solvendum esse leges statuunt. Eleganter certè & ma-
gnificè de Advocatorum patrociniiis senserunt veteres ju-
risconsulti, & precipuè Ulpianus ille juris coryphæus, his
verbis usus c: *In honorariis Advocatorum ita versari iudex debet, ut
pro modo litis, proq; Advocati facundia, & fori consuetudine, & iudicii, in
quo erat acturus, æstimationem adhibeat: dummodò licitum honorari-
um quantitas non egrediatur: ita enim rescripto Imperatoris nostri & patris
ejus continetur: quam idem Ulpianus paulò post ad centum
usque aureos licitam definit, his verbis: Licita autem quantitas
intelligitur pro singulis causis usq; ad centum aureos.* Quinimò & Divū
Severum imperatorem eo favore protectum fuisse Ad-
vocatos refert idem Ulpianus^d, ut ab heredibus Advocati,
qui litem totam non peregerat, eo nomine mercedē acce-
ptā repeti prohibuerit, adjecta ratione, quòd enim per illū
non stetisset. Quam rationē secutus Guido Papæ q. 102. dis-
putando resolvit, quòd nimirum Advocatus promissū sala-
rium habere debeat sive per sententiam sive amicabilem
concordiā lis sopita fuerit, allegans glossam notab. in l. fin.
ff. Mandati, & in l. unica C. de Suffr. Spec. in Tit. de Sala-
riis § sequitur versic. quid ergo. Verū enim verò cum ea
res magnis difficultatibus non careret, crescente hominum

a 1. Epist.
ad Corinth.
cap. 9. ad
Timoth. 5.
b Math.
10. Luca 10.

cl. 1. ver-
sic. in bona-
rar. ff. de ec-
clesiasticis cog-
nitionibus.

d d. l. i. ver-
sic. Divum
Severum.

malitia & avaritia, posterioribus seculis, & Principibus, & rerum pub. administratoribus consultius visum fuit, facta moderatione certam quantitatem modumque præscribere, quantum Advocato pro singulis scriptionibus vel partibus processus suprâ expressis cliens solvere teneatur; Quam egredi, constitutione imperatoris Caroli 5. ad provincialium querelas publicata^a prohibetur, & ejus quod indebitè exactum est, repetitio conceditur. Quod quidem ut apud omnes alias nationes fieri videmus, ita in patria nostra quoque ei rei modus statutus est. Nam illustrissimus Saxonie Dux Georgius quondam hereditarius Frisiae Gubernator, Ordinatione publicata qua breviter modum formamque procedendi complexus est, huic quoque rei prospexit, quæ postmodum pro rerum temporumque circumstantiis renovata & adaucta est, ut ex Ordinatione ultima Novembris 1602. promulgata liquidò appareat: Ita tamen ut asserere audeamus, nullibi tam exiguum Advocatis salarium constitutū esse, quàm in Frisia patria nostra. Testari id sunt apud nos sæpè diversarum circumjacentium nationum incolæ, coram supremo hoc Senatu litigantes: Et res ipsa quoque loquitur, cum ex multis Advocatis hujus Curiae, paucissimi nostro ævo reperti sint, qui ex sola praxi forensi, lautas facultates liberis suis reliquerint. Unde conicere licet, quantopere à scopo humanitatis æquitatisque aberrant, qui hac parte advocatis hujus Curiae parum æquos se præbent. Interim tamen hæc ita accipi nolumus, quasi nos advocatis fenestram aperire velimus, ut contempta Curiae ordinatione, à clientibus quantum velint, extorqueant. Id enim bona cōscientia fieri nequit, sed ut omnibus iis qui advocatorum conditionem & beatam quasi sortem plenis buccis decantant, & tanquam albæ gallinæ

gallinæ filiis invident & detrahunt, os obstruamus; qui nulla laborum, periculorum sumptuumque juris studio tot annis impentorum habita ratione, splendidam (ut plurimum re domi angusta) illorum miseriam tantopere admirantur & prædicant. Antequam autem hoc caput absolvam, præmonitos Advocatos cupimus, ne frænos cupiditati laxantes, Curiaë ordinationem nuper renovatam & adauctam non modicè, ullo modo transgrediantur, ne illicitum exigentes & accipientes lucrum, sese peccato involvant, & honoris atque existimationis jacturam insuper faciant, semper istius sententiæ Alcraï poëtæ memores, *κατὰ κέρδιον κατὰ κέρδιον ἰσ' ἀτῆσιν*. i. ne malè lucreris *Hesiod. in lib. opera & dies* mala lucta æqualia damnis. qui cogitare debent non militibus armatæ militiæ tantum, sed omnibus iis quoque qui stipendia pro functionibus percipiunt, dictum esse à D. Ioanne Baptista; Estote contenti stipendiis vestris, & neminem concutiatis. Ad hos enim verba prædicta quoque pertinere D. Ambrosius asserit sermone 7. Quòd si in causis arduis peragendis, multum laboris studiique ac temporis impensum adhibitumque contendentes majus constituto ac consuetò salarium competere sibi arbitrabuntur, quod sæpè contingere nemo ignorat, ne clientes injuriam sibi fieri credant: Consultò facient advocati, si Curiaë moderationi rem totam permiserint, quod & ordinatione prædicta exigitur. Id enim si fecerint advocati, quod aliquos non ita pridem fecisse compertum habemus, & Curiaë & clientibus suis conscientiam fidemque probabunt, & calumniandi occasionem, malevolis amputabunt. Illud autem prædicto loco apud Ulpianum^a, in quaestionem vocari *al. s. ut sic. si cuius* videmus, an advocatus de honorario sibi solvendo, cavere *tum & seq.* possit, & quatenus illi permissum censeatur, cum cli-

ente eo, ac etiam palmarii nomine pacisci atque cavere. Et certo quidem certius est, omnia istiusmodi pacta cautionesque legibus civilibus esse suspectas, quæ istiusmodi illiciti lucri captationes illiberales & nobili Advocatorum professione indignas censent. Nam pactum de quota litis, usque adeo exosum habet & reprobar Imper. Constantinus^a, ut & depredationem appellet, & Advocatum in huiusmodi teritate permanentem professione sua penitus arcendum decernat^b. Amplius addunt Impp. Valentinianus & Valens, nullum cum litigatore contractum, nullamque pactiorem iniri permittentes, tantopere istiusmodi litigatorum excoitationes execrantes, ut Advocatos rursus tali compendio, lucro pecuniæque captos, veluti abjectos atque degeneres, inter vilissimos numerandos esse constituant^c. Gratianus certe Imperator eam in Advocatos integritatem fidemque bonam desiderat, ut, si à iudice moniti cuicunque parti patrocinium denegaverint, foro carere debeant, omni spe restitutionis ad agendum exclusi^d. Sed merito quærat aliquis, an nullatenus Advocato permissum sit cum cliente suo de salario pacisci, & an Impp. prohibitio nullam prorsus limitationem exceptionemque recipiat^e? Prohibitio certe generalis est, & universalis negative particula cōcepta, nullā videlicet pactiorem, nullumque contractum permitit: Quæ verba Impp. glossa ad verba (contractum inecat) ad alios juris gentium contractus quoque, quales sunt emere, vendere, locare, conducere similesque trahere velle videtur, hac subiecta ratione, quod omnia cliens daturus sit, propter timorem litis, sicut infirmus propter timorem mortis, qui & ipse de salario suo pacisci quoque non potest. Quibus tamen non obstantibus, salvo melius sentientium iudicio, rem totam distinctione temperari

^a l. si quis
advocatorum
C. de postu-
lando.

^b l. litem.
C. de procu-
rat. l. si qui
C. de postu-
lando.

^c l. quisquis
versic. prese-
rea C. de
postulando
d l. provi-
dendum C.
de postulan-
do versic.
si quis.

^e versic.
preterea.
et l. medic.
ff De variis
et extraord.
cognit. not.
in l. per im-
professionem.
C. quod ma-
ius can(a).

perari posse arbitramur, Vlpianum secuti, qui prohibitio-
nem prædictam ad duos tantum casus restringere videtur,
quorū prior est si suspensa lite societate futuri emolumen-
ti cautio pollicetur, quod Imp. Constantinus certæ partis
emolumenta vocat, præctici quotam litis, quod pactum
nullo modo toleratur, sed poenis competentibus coerce-
tur^b. Posterior si lite pendente cum cliente, quem in pro-
prium recepit fidem (iis namque verbis utuntur^c Impp.)
pactionem ineat Advocatus, induceret enim Advocatum
ad calumniosè agendum, teste Bart. Istis siquidem duobus
casibus pactionem prohibitam esse extra controversiā est,
& ratio quidem posterioris prohibitionis esse videtur, quod
post nudata secreta causæ litigatori tutum non sit Advoca-
tum offendere aut dimittere, aliiq̃ue litem peragendam
demandare. Quæ ratio cum in pacto lite necdum inren-
tata atque re adhuc integra esset, dicendum videtur istius-
modi pactiones reprobata prohibitasq̃ue non esse, cum
clienti integrum sit, si cum Advocato litem suscepturo de
salario convenire non possit, eo relicto alii causam agen-
dam exequendamq̃ue committere. Illud autem dubita-
tionem non habere existimamus, licere nimirum Advoca-
to cum cliente hoc modo pacisci, si victor existas 20 solves
(exempli gratia) si causa cecederis nihil omnino, quod
nos aliquando fecisse recordamur, clientibus talem con-
ditionem ac pactionem spontè offerentibus. Tametsi &
alias cautiones, excepta ea quæ de quota litis dicitur lici-
tas permissa q̃ue esse dici posse videatur, juxta ea quæ tra-
dunt interpretes ad Tit. C. de suffragio. Guido Papa q.
102. Quæ tamen limitationem atq; restrictionē eam recipi-
unt, nisi licitam centum aureorum quantitatem pactio ex-
cesserit. Id enim nullo casu sibi permissum esse quicquam

a l. i. vey-
sic. sed hoc
in versis.
seq. f. d. iia.

b l. item C.
de procura-
torib. l. si re-
munerandi.
§ finali. ff.
Mandati.
d. l. si qui ad-
vocatorum.
c l. quisquis
d l. sumptu
ff. de pact.

ad l. 1. ver-
fic. cui cau-
tum. & seq.

lib. 5.
Epistolariū.

cl. 2. ver-
fic. proinde
ff. De vari-
is & ex tra-
ord. cog.

arbitrabitur ^a, eum ea summa vel avarissimo cuique in fo-
ro Curiaque hac causas agenti sufficere debeat. Pro co-
lophone illud adjiciendum existimamus, melius facturos
Advocatos, si ab huiusmodi pactationibus Ordinatione Im-
peratoris Caroli 5 anno 1554. artic. 93. vetitis, quas Pli-
nius Epistola ad Rufū foedissimas, vocat omnino abstinu-
erint. Quod dictus Plinius Secundus sui tēporis celeberris-
mus Advocatus Epistola ad Valerianum scripta ^b, se fecit-
se gloriatur, & non modò pactatione, dono, munere, verum
etiam xeniis semper abstinuisse testatur: quod nos de no-
bis prædicare non possumus, fatemur sincere quod res est,
& si quid hac parte peccatum censeatur, patriæ consuetu-
dini adscribendum erit, qua clientes Advocatis suis offer-
re & donare escaria parvi pretii consueverunt. Nos certe
non possumus non laudare Plinii istius integritatem & ab-
stinentiam vero philosopho dignam, quam omnibus Ad-
vocatis commendatissimam esse cupimus. Vulgus siquis-
dem hominum literatis infestum, odio litium, quæ certè
multa secum incōmoda trahunt, infestatur Advocatos e-
tiam officium facientes, & debito salario contentos: Qui
utique cogitare debent civilem se sapientiam rem sanctis-
simam, pretioque nummario non æstimandam tractare,
Vlpiano teste ^c. Cujus professionis dignitatem excel-
lentiamque præ oculis habentes, utique operam dare sum-
misque viribus adniti debent, ne ullam ei labem, ac igno-
miniam adspargant. Quod futurum est, si istius veteris
proverbii ab Vlpiano relati memores ἔτε πάλαι, ἔτε πάλαι
τοτε, ἔτε παρὰ πάλαι, L. solent ff. De offic. Procons. nihil
sordidè, nihil avarè, nihil turpiter, in petendo salario fe-
cerint, sed Ordinatione vel moderatione Curia contenti
re ipsa declaraverint, magis sacrosanctæ iustitiæ administra-
tionem

tionem executionēq; quā lucri divitiarumque suarum incrementum, sibi cordi esse. Quo ipso coram Deo & hominibus testabuntur, se veros, non simulatos esse philosophos & quidem Christianos, qui cōtemptis sperisq; huius mundi opibus fluxis ac perituris, primū regnum Dei, & illius iustitiam quærunt, non ignari cætera omnia sibi adjectum iri, teste Christo^a, ut tādē emenso huius vitæ curriculo, eaque sobriè, iustè pièque trāsacta, beatam spem, & adventum gloriæ magni Dei, & salvatoris nostri Iesu Christi, expectare possint, qui apud patrem humani generis Advocatus, pro nostris omnium peccatis, Apostolo teste, vera est propitiatio^b.

^a Lucæ 12.

^b Epistola
Iohannis b.
cap. 2.

Epilogus seu Peroratio.

HÆc sunt, Gilberte fili, quæ de officio Advocati, & huius supremæ Curiae style optimo certè zelo meditati sumus: quæ tamen demissè & non affectato dicendi charactere conscripta sint, (neque enim ad dictionem illam Lipsianam insolentem & elaboratam adspirare cuivis contingit, speramus tamen rem ipsam, bonis omnibus gratam, tibi verò Tyronibusque, quibus scripta sunt, non inutilem fore. Nos enim non alia hæc intentione literis mandavimus, quā ut tibi, omnibusque aliis, praxim forensē huius supremæ Curiae aggressuris, viam ostenderemus, qua ad eam ritè legitimèque exercendam pervenire possitis. Scripserunt alii de officio Advocati, utpote Ioannes Baptista Caccialupi, & Lancelotus Politus, quos nos legimus: sed ita succinctè & breviter, ut illorum opera, parum nos adjutos profiteamur. Tractant enim quæstiones quasdam, ad rem non pertinentes, & quæ dubia non sunt

sunt

a. l. Advoca-
ti C. de
Advocatus
divers. ju-
diciorum. &
l. laudabile.
Tii. seq.

sunt in disceptationem vocant; quales sunt: An advocati officium de jure divino licitum sit: An sit laudabile et vite humane necessarium (quod tamen Imperatores Leo & Anthemius^a, disertis verbis adstruunt & predicant:) An pro patrocinio & consilio sine labore praestito, justè salarium accipiat Advocatus: An pauperibus gratis patrocinari tenetur, & alias consimiles. Quid enim attinet istiusmodi quaestionibus, ratione dubitandi carentibus, chartam reple-
re. Nos cum tantum scopum nobis propositum habui-
mus, ut paucis & crassa (quod dici solet) Minerva descri-
bamus, quid Advocatus in tractandis litibus, causisque fo-
rensibus, & facere & vitare debeat. Ordinem judicarium,
ac Curiae stylum secuti. Reliquum est, ut tu, qui cum no-
bis suadentibus favente Minerva ingressus es, & strenue
jam in ea progredieris, ita te componas gerisque, ut omni-
bus bonis fidem facias, nihil te praeter boni viri, ac Chri-
stiani Advocati officium unquam facturum. Loquor au-
tem de integritate animi, & voluntate propositoque rectè
agendi: Nam si vel praxis ignoratione, vel inconsideratè,
in aliqua parte officii peccatum quid erit, nihil laedit existi-
mationem, licet culpam non effugiat, qui hallucinatur in
eo, quod ad professionem suam spectat. Tuum erit, Gis-
berte fili, haec ipsa, ut monita paterna, praeparationesque
Curiae, cui jurejurando obstrictus es, amplecti, diligenter
observare, & re ipsa ostendere, tibi, qui magnis sumpti-
bus, laboribusque ac vitae periculis, (quibus imper. Frede-
ricus juris studiosos obnoxios esse testatur^b) in Gallico
carcere crudelissimè injustissimo ac diuturno exantlatis,
Doctorem Lauream in Pontiniana Academia (in
qua celeberrimum illum Petrum Gregorium docentem
audivisti) cum laude adeptus es, ut accepimus, nihil prius
neque

b. Auth.
habita C. ne
filius propa-
tre.

neque potius esse, quàm in hac Advocationis palæstra ita decertare, ut non solum nomen bonum famamque apud Frisios tuos, aliosque, qui opera tua ufuri sunt, consequaris; sed etiam vel maximè, ut decurso hujus vitæ curriculo, regni cælestis ac beatæ immortalitatis particeps fias, sine qua omnes omnium hominum actiones, vanæ ac infrugiferae censeri debent. Ad quam tibi aditum parabis, si in solo Christo spe posita, extra quem nulla cuiquam salus speranda est ^a, memor fueris sententiæ istius celeberrimæ, ^{a Ad Rom.} Quid prodest homini si universum mundum lucretur, animæ verò suæ detrimentum patiatur ^b. Quam qui cordis ^{b Math. cap. 16.} sui penetralibus infixâ habet, nihil injustè, nihil sordidè, nihil subdolè, fraudulentèque; factururus est, non litem redempturus, aut de quota illius cum cliente pacturus, etiâ si cunctos homines fallere ac latere posset, qui semper Deum præsentem credens, utique cavebit, ne quid vel opere, vel verbo, committat, quod oculos futuri judicis offendere queat. Quemadmodum autem semper & ubique fidem bonâ, industriam, atque modestiam in exercenda praxi tibi cõmendavi, ita quoque quàm possum maximè, te hortor atque obtestor, ut avaritiam, deterrimam & execrandam pestem, ordini nostro proverbialiter, quod enim lingua confidici damni fera sit, nisi funibus argenteis circumligetur vulgò adscriptam, quam longissimè, Christo præcipiente, à te pellas ac cane pecus & angue (ut habet proverbium) fugias. Illa siquidem neminem non tentat, & præsertim iis, qui ^{Luce 12. cap.} captandis ex arte lucris, nimis addicti sunt, insidias semper struit. Velim itaque, Gisberte fili, si discedendi cupiditate abripi te senseris, ut cogites, quàm hæc mundana & externa bona sint fragilia, lubrica & vana, quæ teste Plinio secundo post te alium atque alium dominum sortientur &

T

ais Tr-
statu de Be-
no mortis
cap. 1.

bin Epi-
Moland te-
annem Frä-
ciscā ex fra-
sre negotio

c Epist. 2.
cap. 3.

quantis periculis, tum corporalibus, tum spiritualibus
obnoxia sit hæc vita nostra, quæ animum nostrum e recto
statu pellunt at evertunt. Laqueis undique cincti sumus,
& quasi affectionum clavis perforamur. Quod ipsum
pulchre describit D. Ambrosius Episcopus Mediolanens.
his verbis: Laqueus in auro, viscum est in argento, nexus
in prædio, clavus in amore, dum aurum petimus strangula-
mur, dum argentum quærimus, in visco ejus hæremus,
dum prædium invadimus, alligamur. Et paulò post: Cla-
vus est libido, clavus tristitia, clavus superbia clavus iracun-
dia, clavi sunt omnes passionēs, quæ velut veru quodam
animam nostram penetrant, & infigunt corpori, visceribus-
que ejus annectunt. Fugiamus ergo hæc mala, & exaltemus
animam nostram ad illam imaginem Dei & similitudinem,
quæ fuga peccatorum, & virtutibus acquiritur. Anima
nostra alta petat, supra nubes volat, renovatis splendescat
exuviis, celo volatus nostros inferat, ubi laqueos incidere
non possit. Avis enim teste eodem Ambrosio, quæ descen-
dit ex alto, vel quæ in altum extollere se non potest, frequē-
ter aut laqueis capitur, aut visco fallitur, aut quibuscunq;
irretitur insidiis. Vt autē prædicta mala declinare, effugere,
atq; evadere possis, author tibi sum, atque hortor quantū
possum, ut literas sacras tibi meo exēplo, familiares reddas,
& quod suadet D. Hieronymus, de manibus tuis nunquam
deponas. Latet enim in illis, teste Ioanne Pico Mirandulano
Concordiæ Comite^b, cælestis quædā vis viva & efficax, quæ
legentis animum, si modò eas purè humiliterq; tractaverit
mirabili quadā potestate transformat, has & harum præce-
pta cælestia penetralibus mētis tuæ imprimas, ac tabulis cor-
dis tui inscribas. Quarum vim & utilitatem describens D.
Paulus Apostolus^c Timotheum hortatur, ut in illarum
lectiōne

lectione perseveret, hac subiecta ratione, quòd ad salutem ipsum instruere valeant; & concludens sermonem inquit, Omnis scriptura divinitus inspirata, utilis est ad docendum, ad arguendum, ad corripiendum, ad erudiendum, ut perfectus sit homo Dei, ad omne opus bonum instructus. Cujus Apostoli auctoritatem secutus, eas volve & revolve, & nocturna verses manu, versesque diurna, eas domi legas, eas foris ac in itinere, quod magnum illum Hopperum facere contuevisse accepimus, tecum circumferas, ut prædictorum commodorum compos fias. Illud te admonitum velim Gisberte fili, ut hæc duo nunquam obliviscaris, & filium Dei pro te esse mortuum, & te quoque etiam si diu vixeris, brevi moriturum: Hisce quidem quasi geminis stimulis, altero quidem timoris, amoris altero, urge equum tuum, per breve ostadium momentaneæ vitæ, ad præmia felicitatis æternæ, quando nullum alium finem præfinire nobis aut debemus, aut possumus, quàm ut perpetua utriusque hominis pace, infinito bono fruamur. Cujus quidẽ tum demũ participes reddemur si persuasum nobis habẽtes id, quod de Christianis prædicat Athenagoras Atheniensis philosophus^a, nos & universum mundum totius vitæ hic transactę, rationem redditurum conditori Deo, modestam, humanam & tenuem vitam eligamus, nullum tam grave malũ nos hic passuros ratĩ etiam si animã nobis aliquis eripiat, ut cum præmiis illis cõferri queat, quæ illic ab iudice magno pro vita placida, humana, & iusta percipiemus. Ad quæ consequenda velis equisq̃ue, ut habet adagium, contendere, adspirare & anhelare debemus. Hoc negocium nostrum, hoc ocium, hic labor, hæc quies esse debet, in his vigiliam, in his etiam somnum repouamus. Denique unam hanc petamus a domino, hanc re-

*a in Aps.
logia pro
Christianis
ad Imp.*

quiamus, ut inhabitemus in domo domini cum consensu, omnibus diebus vite nostre. Longius me provexit dulcedo quedam tecum loquendi, & que dicta sunt inculcandi ac infigendi. Proinde iterum atque iterum te moneo, Gisberte fili, hortor atque pro jure meo tibi precipio, ut in praxi exercenda summa fide, pari constantia, nec verecundia minore verferis, & non tam famam quam conscientiam tuam vercaris, ac apud te non minus honestas, quam necessitas apud alios valeat. In auditorio nihil incondito turbidoque clamore agas, nemini convicium vel verbis, vel scripti facias, sed unicuique, juxta D. Pauli Apostoli ^a preceptum, quod suum est tribuas, cui honorem honorem, cui timorem timorem. In eo enim versatur munus ac officium jurisconsulti ac Advocati, cui toto velim animo vaces, ac spartam quam nactus es ornes. In primis verò pupillorum, viduarum, peregrinorum pauperumque causas justas prompto & alacri animo, absque salarii spe, si inopes sint, defendendas suscipias. Ita enim futurum est, ut Dei opt. max. favorem, gratiam ac misericordiam sis consecuturus: Qui ^b nihil acceptius sibi fieri posse apud prophetam ^b testatur his verbis, Facite judicium & justitiam, & liberate vi oppressum de manu calumniatoris, & advenam, & pupillum, & viduam nolite contristare, neque opprimatis iniquè. Id ^c si feceris, Gisberte fili, uti te facturum spero, & confido, eveniet tibi quod per Esaiam prophetam ^c reliqua misericordie opera ibi numerata facienti Deus promittit: Erumpet quasi mane lumen tuum, & sanitas tua citius orietur, & anteibit faciem tuam justitia, & gloria domini colliget te. Tunc invocabis & dominus exaudiet te, clamabis & dicet ecce adsum. Porro cum hæc de officio Advocati & supreme Curie Frisig stylo meditationes, nulli alii quam tibi inscri-

^a Epist.
ad Romanos
cap. 13.

^b Hierem.
cap. 22.

^c cap. 58.

inscripserim, & præter morem ac consuetudinem, patronum nullum delegerim, tibi incumbit ut eas, velut primū ingenii mei foetum, in his tantum quæ veritate nituntur, adversus invidos ac iniquos censores, foveas, tuearis, atq; defendas. Quod eo quidem facilius præstabis quod ego Plinii illius Secundi morem in publicandis scriptis secutus, eas in publicum emissurus, doctissimorum quorundam jurisconsult. praxim callentium amicorum meorum iudicio ante exanimaverim, & ipsemet quoque sæpè sub limam revocaverim. Quod si non omnibus eas placere intellexeris, nec te, nec me turbare debet, cum vix unquam quisquam repertus sit, qui omnibus lucubrationes suas probare potuerit. Quis enim ignorat varia esse hominum iudicia, varias cogitationes? Adnatus tantum sum tyronibus inservire, ut illi vitatis scopulis quibusdam in hoc freto practico occurrentibus absque discrimine recto cursu portum subire queant. Fateor equidem esse quædam in his meditationibus meis, quæ & plenius, & accuratius tractari possint, sed ut vetus habet dictum, non omnia possumus omnes, bona certè voluntas mea quæ in magnis vel sola probatur, de tyronibus hujus supremæ Curie Advocatis bene merendi, etiam viribus destituta, apud æquos rerum æstimatores, laude sua caritura non est. Mihi succerit, Gisberte fili, si ad pietatem, & in causis agendis integritatem, hisce meditationibus meis, tibi nunc etiam sponte currenti, calcar additum percepero. Quid enim quæso magis in voto mihi esse potest, quàm ut tu, qui primogenitus filius es, & ad virilem ætatem jam pervenisti, reliquis liberis meis, si quid humanitus mihi, annum sexagesimum secundum agenti acciderit, fideli consilio & ope adsis, & apud Frisios tuos, nec non externos, operam tuam

150 DE OFFICIO ADVOCATI.
requisituros honestum tibi nomen pares. Quod ipsum
si consecutus fueris, (consequeris autem, si monita praece-
ptaque, hisce meditationibus meis comprehensa, diligen-
ter observaveris, factisq; expresseris virtutis enim laus om-
nis in actione consistit. Cicerone teste) utrique nostrum, opti-
mè consultum erit: Nam & tu bonae conscientiae testimo-
nio fultus hilarem jucundamque hic vitam duces, ac cor-
pore spoliatus cum Christo sine fine victurus, & ego reli-
quum vitae meae tempus quod superest, piis meditationi-
bus transmittens (causis enim agendis abstinco) de viatico
ad longum illud iter conficiendum necessario, paulatim &
seriò mihi prospiciam, & gradibus ad meliora cōscendam.
Vitae namque summa brevis (ut Poetæ verbis utar) spes
me vetat inchoare longas. Quid enim aliud sperare vel
debeo vel possum homo senex, quàm ut & spretis contem-
ptisq; omnib. hujus seculi curis & illecebris, praevis affecti-
bus, divitiis, omnibusque turbidis animi motibus cohibe-
tis, nec non pietatis charitatisque operibus praestitis, divi-
nam gratiam ac misericordiam mihi comparem, ut ea te-
ctus atque munitus, à morte secunda illesus permaneam,
quod mihi Dei & beatæ Virginis filius Iesus Christus hu-
mani generis servator concedere dignetur, Amen.

FINIS.

E L E N C H U S C A P I T U M
hujus Tractationis.

Cap. 1. De Etymologia vocabuli & partibus, & primum quoad Citationem, fol. 37.

Cap. 2. Definitio siue descriptio Advocati, fol. 4.

Cap. 3. Quod sit Advocati officium in genere erga Deum & homines, fol. 6.

Cap. 4. Quomodo rectè inter homines agat Advocatus, fol. 8.

Cap. 5. Quod non sufficiat si Advocatus honestè vivat, nisi ab alterius laesione absteat & cuique quod suum est tribuat, fol. 11.

Cap. 6. Quomodo in litibus exercendis versari debeat Advocatus, fol. 12.

Cap. 7. Utrum justam causam fovendi liceat injustè litigantem dolo circumvenire, fol. 14.

Cap. 8. De Cautionibus quas Cautelas vocant & eorum usu, fol. 19.

Cap. 9. Quod sit officium Advocati in tractandis causis civilibus, fol. 22.

Cap. 10. Quomodo Advocatus se gerere debeat apud proprium clientem, fol. 25.

Cap. 11. Quomodo apud Iudicem, fol. 27.

Cap. 12. Quomodo clientis sui adversarium tractare debeat, fol. 31.

Cap. 13. Quomodo advocatum diversa partis, fol. 34.

Cap. 14. Quod sit Advocati officium in exercendis ordinis iudicariis

partibus, & primum quoad Citationem, fol. 37.

Cap. 15. Quomodo Reum defendere debeat Advocatus, fol. 41.

Cap. 16. De recusatione Iudicis alijsq; Exceptionibus, fol. 43.

Cap. 17. De libello, Responsione, Replicatione, Duplicatione alijsq; scripturis, fol. 48.

Cap. 18. Quod sit Advocati officium includendo ac instruendo processum ante sententiā interlocutoriā, fol. 49.

Cap. 19. De sententiā Interlocutoriā, fol. 54.

Cap. 20. De dilationibus probatoriis, fol. 55.

Cap. 21. De positionibus, Articulisq; probatoriis, fol. 57.

Cap. 22. De Confessionibus, fol. 59.

Cap. 23. De interrogationibus quae vulgo interrogatoria dicuntur, fol. 62.

Cap. 24. De Testibus producendis, fol. 66.

Cap. 25. De instrumentorum editione, fol. 69.

Cap. 26. De Renunciatione, fol. 70.

Cap. 27. De Reprobationibus testium, fol. 72.

Cap. 28. De Salvationibus sessionum, fol. 74.

Cap. 29. De Conclusionē & complementosē repertorio processus post sententiā interlocutoriā, fol. 75.

Cap. 30. De consiliis seu iuris formationibus, fol. 77.

EL EN CHUS CAPITUM.

- Cap. 31. De Sententia Definitiva. *norm.* fol. 104.
 fol. 80.
 Cap. 32. De Appellationib. fol. 84.
 Cap. 33. De Reanditione fol. 87.
 Cap. 34. De Revisione impetranda
 & exequendo. fol. 88.
 Cap. 35. De Executione rei judi-
 catae. fol. 93.
 Cap. 36. De litteris dilationum
 quinquenalium et aliis. fol. 99.
 Cap. 37. De beneficio Inventarii.
 fol. 101.
 Cap. 38. De beneficio Pensionis bo-
 nerum. fol. 104.
 Cap. 39. De Actione injuriarum.
 fol. 109.
 Cap. 40. De officio Advocati in
 causis capitalibus. fol. 115.
 Cap. 41. De iis qui purgationi car-
 ceris se offerunt. fol. 124.
 Cap. 42. De beneficio remissionis
 criminum. fol. 128.
 Cap. 43. De sumptib. litis. fol. 133.
 Cap. 44. De honorariis seu salariis
 Advocatorum. fol. 136.
 Epilogus seu peroratio. fol. 143.

F I N I S.